

**DISQUISITIO
HISTORICO-
THEOLOGICA AN
JANSENISMUS
SIT MERUM...**

Jacques La Fontaine







✓

Ex Bibliotheca
majori Coll. Rom.
Societ. Jesu
III 21. h

55-6-9

55-D-9






A D
INNOCENTIUM
DUODECIMUM
PONTIFICEM MAXIMUM
DISQUISITIO
HISTORICO-THEOLOGICA

An Jansenismus sit merum
Phantasma.

✓ PARS PRIMA
JANSENIUS.

Per JACOBUM DE MONBRON
Theologum Belgam.



COLONIAE AGRIPPINÆ,
Apud Hæredes JOANNIS WIDENFELT. 1692.

THEATRE DE L'OPERA

OPERA DE L'OPERA

M

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

OPERA DE L'OPERA

BEATISSIME PATER,

MUltra jam pridem eaque
 perspicua Jansenismi in
 Belgio nondum penitus extincti
 indicia anxius considerabam.
 Spectabam flammæ tunc indè
 erumpentes omine tam in fausto,
 ut afflictissimæ bellorum motibus
 Patriæ minitari viderentur in-
 cendium, cui nulla aliquandò
 Theologorum Orthodoxorum
 studia, nulla Episcoporum vigi-
 lantia, nulla sæcularium Magi-
 stratum, ne suprema quidem
 Regis ac Pontificis autoritas re-
 stinguendo sufficerent. Sæpius
 Theologos quosdam, qui se S.
 Augustini discipulos prædicant
 jactantes audiveram quinque
 Propositiones famosas ab Inno-
 centio X. & Alexandro VII. in
 sensu auctoris proscriptas in Jan-

senio nusquam reperiri ; errasse hos Pontifices ac præsertim Alexand. VII. in quæstione facti, uti & Urbanum VIII. cum Jansenii librum damnavit ut resuscitantem ac stabilientem articulos à Pio V. & Gregorio XIII. condemnatos. Obreptionis & subreptionis convictas fuisse constitutiones Apostolicas, æmulo- rum artibus atque importunitate extortas ; sed dein Alexandrum veritate detecta resipuisse, agnovisse errorem, præcipitem ac iniquam sententiam retractasse, paternâ complexum esse benevolentiam, laudibus ac beneficiis cumulasse eos, in quos paulò antè ut in rebelles Ecclesiæ, ut in filios iniquitatis hæretica ubique zizania disseminantes invectus fuerat tam atrociter ; quos tot Decretis ac sanctionibus perstrinxerat, quos persecutus ubique fuerat, non tantùm vibrato sæpius

pius excommunicationis anathemate, sed & Regum tum Catholici tum Christianissimi concitatis in eos animis, & armatâ potentiâ ut nî Janseniani sensûs damnationi subscriberent, pœnis gravibus mulctarentur. Quoties denique jactantes audivimus doctrinam, quam in Bullis contrâ Jansenium editis Sedes Apostolica sæpius proscripserat ab Alexand. VII. in Brevi ad Convenensem, aliosque Galliæ Episcopos dato, Anno 1663. 29. Julii saniozem declaratam, approbatam atque commendatam fuisse: Hæc inquam & ejusmodi generis complura Janseniani spiritûs & mendacissimæ si quæ usquam fuit, nondumque edomitæ, sed quotidie magis invalescentis hæresios argumenta testata accipimus undiquè, coràm oculis ipsi intuemur, & frustra hætenùs taciti ac gemebundi in scriptis Janse-

nistarum passim obviis legimus. Ex Orthodoxorum silentio hæc vires capit, nunquam perniciosius bellum inferens, quàm dum pacem simulat cum Ecclesiâ. Illud verò audaciæ, temeritatis, impudentiæ planè singularis est, quod hæresis tam variis, tam solennibus Sedis Apostolicæ sanctionibus profligata ac protrita, veluti post clades animosior non erubuerit perfrictâ fronte, & quasi abstersâ tot anathematum fuligine, nuper sponte suâ, nullo jubente, vocante nemine Romanam & Vaticanum subire, sistere se augustissimo Tribunali, Beatitudinis tuæ prædecessores de errore postulare, vindicare Patriarcham suum Jansenium, ejusque Pseudo-Augustinum, elisis quibuscumque contrâ eum definitionibus, explosis excommunicationum censuris, incusatâ Romanæ Curiae oscitantiâ ac corrup-

ruptelâ, conculcatâ denique Sum-
 morum Pontificum autoritate.
 Hæc ausâ est, & nuper ausa est
 coram Beatitudinis tuæ præde-
 cessore hæresis Janseniana, obla-
 tâ totius factionis nomine ambi-
 guâ quâdam professione, cum
 narratione historicâ. Quibus ti-
 tulus? Augustinianorum Theolo-
 gorum circâ V. Propositionum
 materiam expositio articulis V.
 ad Alexand. Pontif. VII. olim
 transmissis comprehensa, nunc
 Alexandri Pontif. VIII. iudicio
 denuò subjecta, & ad publicam
 omnium, quorum interest noti-
 tiam delata, cum brevi narra-
 tione de ejusdem expositio-
 nis, seu articulorum V conden-
 dorum consilio & occasione.
 M. DC. LXXXIX. nullo expresso
 nomine Typographi, nullo loci,
 nullo auctoris; sine ullius appro-
 batione contrâ tam expressam
 Concilii Tridentini ordinatio-
 nem

nem & præscriptum. Libelli initium est: *In nomine Salvatoris nostri; finis Gratia Salvatoris apparuit.* De V. articulis à quibus exorditur nihil in præsentiarum queror. Sensu laborant ancipiti, altero à Thomistarum principiis non abhorrente & probabili, altero Jansenianis dogmatibus prorsus congruo. Perfectam articulorum cum Jansenii Pseudo-Augustino convenientiam invictè demonstravit Cornelius à Cranebergh citatis fideliter Jansenii verbis collatisque utrimque sententiis, neque ullus hætenus prodiit, qui discrimen ullum sententiarum detexerit, aut asserere sit ausus; quid dico ausus? Auctores articulorum cum fuerint notorii Jansenistæ numquam eos concinnassent, numquam eos divulgasset autor libelli: *Doctrinæ Augustinianorum Theologorum, &c.* nisi doctrinæ Jansenianæ in omni-

ni-

nibus reverà consonos agnovissent. Non temerè hæc concepta suspicio est , sed à Cranebergio certis indiciis comprobata. Mihi verò Sedes Apostolica ab erroribus impudenter impactis vindicanda est , detegendæ malevolorum infidiæ ac machinationes subdolæ , quibus velut cuniculis fidei Petram , & invictam Ecclesiæ arcem subruere moliantur filii iniquitatis , atque hic inprimis Anonymus in libello : *Doctrinæ Augustinianorum Theologorum* , &c. Hujus fraudes ante me Theologi complures luci exposuere ; ego irreligiosam totius factionis erga Belgii nostri & Galliarum Antistites , ergà S. R. E. Cardinales , ergà Christi Vicarios irreverentiam , autoritatis falli nesciæ contemptum , & jactas in universam Romanam Curiam calumnias coràm sanctitate tuâ revincendas suscipio. Sed in tantâ rei indignitate modum tenere

Catholico Theologo Romanæ Sedis studiosissimo perdifficile est, & à perstringendis subindè gravius supremæ in terris Majestatis hostibus sibi temperare. Dicere mihi liceat (dicam enim verissimè) *Zelus domus tuæ comedit me.* In Orthodoxa religione educatus sum, Catholica principia ab incunabulis edoctus, nihil umquam antiquius habui, quam inter tam varios dissentientium opinionum fluctus, quibus Belgium jam tot annos à novatoribus agitur, inter continua fidei discrimina oculos ad Romanam Sedem convertere, indè documenta petere, quò error hætenus penetrare non potuit, quò juxta inviolata Christi promissa aditum numquam reperiet. Hanc Petri Cathedram, quamvis divino protegente numine adversùs stygem ejusque ministros hæreticos satis tutam, inconcussam, immobilem, & de-

fensionis meæ minimè indigam,
 propugnandam pro viribus in ip-
 so Theologiæ vestibulo mihi pro-
 posui, certus non modò labores,
 studia, vigilias, tempus omne, sed
 & valetudinem & sanguinem si
 opus fuerit, ipsi promptissimâ
 voluntate immolare. Idem pro-
 positum est pluribus, & ni fallar
 omnibus, qui mecum Charita-
 tis vinculo & Doctrinæ societate
 conjuncti sunt. Zelum hunc San-
 ctissime Pater cum Beatitudini tuæ
 non ingratum fore confidam, præ-
 sentem lucubrationem Ecclesiæ
 non inutilem, confutandis ma-
 levolorum in Sedem Apostoli-
 cam calumniis, & stabiliendæ
 ejus in Belgio auctoritati oppor-
 tunam, ejus pedibus advolvere,
 & irrefragabili submittere senten-
 tiæ haud reformido. Sed ne-
 que refugio debitas calumnianti-
 bus pœnas, si objectum adversa-
 riis crimen schismatis, rebellio-
 nis, læsæ auctoritatis Apostolicæ,

& confirmati Jansenismi non probavero. Sin causam obtineo aliud à sanctitate tua hujus qualiscunque obsequii præmium nec flagito nec exopto , quam ut pro sua singulari , & totò orbi conspicuâ providentiâ , quemadmodum felicitis recordationis Prædecessor vester Innocentius X Jansenianam hæresim , distinctâ propositionum condemnatione prostravit , eam erectâ rursus cervice Ecclesiæ imminentem , opprimendam , suffocandam , ac penitus evellendam adoriaris. Interea ad Ecclesiæ incolumitatem & bonorum omnium solatium sanctitati tuæ annos plurimos omni cælestium bonorum copiâ affluentes summo affectu voveo.

SANCTISSIME PATER

Sanctitatis Tuæ

Devotissimus atque obsequentissimus Famulus JACOBUS DE MONBRON.

CAPUT I.

*Quid Jansenistæ nomine intelligatur.
Aperitur illlustre Jansenianæ
sinceritatis Specimen.*

Vetus Jansenistarum querela est, & miserabilis lamentatio integerrimæ vitæ Sacerdotes, vigiles animarum Pastores, disciplinæ veteris à sæculis aliquot heu! nimium collapsæ instauratores fervidos, gratiæ per se efficacis, & prædestinationis gratuitæ defensores, invidiosè Jansenistas appellari; hoc nomine apud summos, & infimos traduci malevolè, de hæresis crimine postulari, excludi dignitatibus, beneficiis, lectionibus publicis, & sanctiori Doctorum Collegio, seu Facultate strictiore. Ego quidem Jansenistæ nomen, in non nullos fortè innoxios, ut est vulgus ad maledicendum pronius, quandoque jactari facile adducar ut credam, sed non alios reperiri, qui merito suo Jansenisimi laborent infamiâ, nullus persuaserit. Illud experienciâ comper-
tum est, ad Jansenistarum Classem passim revocari eos, qui usitatum in Ecclesia SS.

Cultum arrodunt, qui piis fidelium peregrinationibus, Rosarii, Scapularis, Zona, ac cæteris Regularium Confraternitatibus ad augendam in Christiana plebe pietatem peropportunis, detrahunt; mendicantium ordinum, ac Jesuitarum præ cæteris hostes, & calumniatores publici; qui frequentem Sacramentorum Poenitentiae, & Eucharistiae usum abrogant; Qui in impertiendâ Rusticis, aliisque infimæ sortis hominibus absolute admodum parci sunt; in differendâ Communione etiam Paschali liberaliores; in edocendis, scrutandis, explicandis citrà necessitatem, & contrà decorem impudicitiae peccatis, & circumstantiis sagaces; in expiscandâ complicum notitiâ importuni; in revelando Confessionis arcano minis scrupulosi; sanctionum Pontificiarum contemptores dum Romana Anathemata nihil reveriti volvunt promiscuè condemnata volumina Testamentum Montense, Montaltii Epistolas, Missale Gallicum, &c. nec ea ipsi volvere contenti spargunt ubique, commendant, obtrudunt omnibus, ne soli aut cum paucioribus pereant. Quoquo plures illaqueant, nihil nisi rigorem verbis spirant, benigniora circa mores dogmata detestantur; gravitatem in incessu, & totius corporis ha-

habitu affectant plus quam Catecheticam. Jansenistarum istæ proprietates quædam sunt principis, & institutis partim Iprensi Antilitis, partim fidei ejus Achatidis Joannis Vergerii conformes, partim aliorum Jansenismi primipilorum industriâ, & praxi introductæ. Sed hæc in rigore, & per se Jansenistæ constituendo non sufficiunt. Propriissimè hoc nomine appellandus venit, qui Jansenii doctrinæ adhærēt, præsertim in materia famosarum 5 propositionum. Sic Thomistas, Scotistas, Molinistas vocamus, qui in agendis inter Scholasticos quæstionibus, S. Thomæ, Scoti, aut Molinæ placita tuentur. Sic Pelagianos, Lutheranos, Calvinistas dicimus, qui Pelagio, Luthero, Calvino consentiunt. Non placet tamen hæc Jansenistis substrata nomini significatio; hoc enim pacto non ignorant Jansenismum inter figmenta minimè collocandum, sed ab Iprensi Pseudo-Augustini temporibus huc usque insignem Jansenistarum numerum numquam defuisse. Quare plus aliquid notioni Jansenistæ subintelligunt, nisi insigniter eos mentiri cixeris, quoties jansenizare se pernegant. Mentiri autem quæ existimem viros tam graves, tam severos, tam exosos omnem restrictionem etiam realem, seu non purè mentalem,

lem , ut ne Confessarium quidem rogatum an V. G. Autorem nesciat homicidii , respondere patiantur se nescire. At ea Confessarii tergiversatio Poenitentem fortè suspectum reddet , prodetur arcanum Sacramenti , odiosa fiet confessio. Quidquid sit , inquiunt , tam detestabilis est , tamque perniciosus humano commercio restrictionum usus , ut nec tantillum ei licitè indulseris. Videri potest Gummarus Huygens celeberrimus Lovanii Pseudo-Augustinianorum Antesignanus , & Janseniani Phantasmatis intrepidus assertor.

Hic ipse Gummarus est , quem D. Gery in sua damnata nuper à Facultate Duacenâ Apologîâ prædicat , ut mortalium omnium mansuetissimum & tolerantissimum : *Le plus doux , & le plus patient des hommes*. Hic Gummarus est , de quo idem D. Gery non minùs verè scribere potuisset , illud candoris , ac sinceritatis testimonium , seu Elogium D. Francisci van Viane , *ce bon Viellard , qui est la sincérité même*. Quis Doctores ejusmodi suspicetur reos esse mendacii toties repetiti , tot libris divulgati , communi nomine Discipulorum S. Augustini coram Christi Vicario , Eminentissimis , ac Reverendissimis Cardinalibus , coram Episcopis omnibus , co-

ram

ram Imperatore , Regibus , Magistratibus ,
tum Civilibus , tum Ecclesiasticis tam confi-
denter proclamati , *in nomine Salvatoris nostri*
Dei , & in laudem , &c. ut magnificè ordiun-
tur expositionem Doctrinæ Augustinianorum
Theologorum , coram Alexand. VIII Pontifi-
ce Maximo ? An fortè calumniari me di-
cent , cum assero eos , qui passim in Belgio
Jansenistæ à non rudibus appellantur in nul-
lo quoad sententiarum sensum , & substan-
tiam , ab Iprensi recedere ? Vereor ut di-
cant aliquando , tunc enim saltè spes ali-
qua quasi per rimam affulgere inciperet se-
cuturæ conversionis ; sed nimis Magistrum
suum depereunt , quam ut ejus effatis præ-
sertim fundamentalibus adversari usquam ve-
lint , aut se adversarios profiteri. Quid igi-
tur amplius ad Jansenistæ constitutionem re-
quirunt cum hoc sibi nomen injuriæ tribui
vociferantur ? Requirimus , inquiunt , ut
prætereà sit *homo exoticus nec sanæ fidei*. Sic
intellexit , sic declaravit nuper Palla-
dius inter Jansenii vindices nulli secundus in
Prosecutione Criseospag. 20 sub finem. Hoc
sensu ne Jansenius quidem Palladio ejusque
asseclis fuerit Jansenista. Nec enim eorum
judicio novus hic Augustinus *homo exoticus*
fuit , & doctrina non sana. Nequidquam illis

Pontificum definitiones objicis, & anathemata propositiones Jansenii ferientia. Quid enim? Proscripserintne doctrinam, & sensum Hippo-
 nensis? Huic autem omnia tam conformia docet Iprensis, ut identitas sententiarum di-
 cenda sit potius, quàm similitudo. Hoc ar-
 gumento freti modò aiunt propositiones 5
 famosas Constitutionibus Innocentii & Ale-
 xandri VII confixas non reperiri in Jansenio,
 modò reperiri quidem unam sed sono
 verborum tenuis, & sensu minimè condem-
 nato. Frustrà eos urseris verbis Alexandri
 sensum Jansenii disertè exprimentibus; in
 promptu responsio est: alium planè absur-
 dum enuntiationum sensum Pontifex in men-
 te concepit, quem cum proscriberet, Jan-
 senii esse existimavit. Erravit scilicet optimus
 Pontifex delusus à Molinistis, aliisque gra-
 tiæ per se efficacis adversariis, & Jansenio
 ipsi seu propter Martem Gallicum, seu
 propter privatas offensas, seu ex invidia ini-
 micis. Hinc liquet quâ ratione apud Pseudo-
 Augustini Discipulos hæresis Jansenii nulla
 sit nisi imaginaria. Nunc accipe quâ ratione
 eam etiam ad entia rationis, & chimeras
 ablegent, ut locis pluribus eam vocat Au-
 tor libelli, cui titulus; *Le Phantome du Jan-
 senisme, ou Justification des pretendus Janseni-
 stes,*

ses, impressi 1686 : Hæretica esse nequit doctrina, quam Ecclesia contra hæreticos Catholicam definivit, ut definivit non semel de doctrina S. Augustini, cum quâ ad amicum convenit Augustinus Iprensis, adeoque hujus dogmata damnari non potuerunt, nisi eadem censurâ involveretur doctrina Hipponensis. Hunc esse Jansenianæ protestationis, & chimericæ ut aiunt hæresios sensum frustra pluribus probavero, cum eorum nullus id ausus fuerit, aut voluerit inficiari. Testimonium nihilominus profero Neo-Augustinis irrefragabile D. de Bon-Lieu, subscriptibus sex magni inter suos nominis Theologis lib. de Gratia victrice pag. 10. 16. 19. 21. 22. ubi inter cætera de 5 propositionibus Jansenii monet, discernendum esse earum sensum praviun à recto, in quo ab Illustrissimo Iprensium Antislite, & omnibus S. Augustini Discipulis tradita sunt. Hoc sensu eas continere fidem Ecclesiæ, & veram de Christi gratia doctrinam, ab iis hoc sensu Jansenii acceptis recedi non posse, nisi incidendo in Pelagianorum, & Semipelagianorum errorem. Libri illius Autor sub nomine D. de Bon-Lieu, ut fateatur D. Germain in sua Traditione Ecclesiæ Tom. 3. A. 1690. pag. 406 est Natalis de la Lane Abbas B. Mariæ de Valle Crescenti,

ti, Autor 5 articulorum, quos tanto strepitu jactant hoc tempore Pseudo-Augustiniani velut approbatos ab Alexandro VII, sed quod falsitatis convicit nuper Joannes ab Isselslyn; imò Cornelius à Cranebergh istorum Articulorum perfectam cum doctrina Jansenii convenientiam demonstravit tam perspicuè, tam solidè, ut nullus hactenus repertus sit, qui redarguerit, nec quidquam Cranebergio magis in votis est, quam ut quis momenti alicujus discrimen utramque inter doctrinam exhibeat. Hunc suis laborem dissuadet Autor libelli: *Question curieuse*, quia operæ pretium non est ejusmodi Theologis confutandis distrahi. Dissuadeo & ego, quia illustrior doctrinam inter Jansenii, & Articulorum demonstrata est conformitas, quàm ut possit ullis verborum officijs obscurari. Sed de hoc postmodum plura. Priusquam Theologorum istorum fraudes haberem perspectas, ingenuè fateor fuisse me in errorem inductum, quoties eorum quempiam asserentem audiui se Jansenistam non esse; Jansenistas nusquam existere, nisi in cerebro Jesuitarum. Existimabam scilicet eos hoc loquendi modo negare, quod Jansenii placitis consentirent. Sic enim si quis Thomistam se Scotistamve ne-

get

get aut Molinistam , omnes aliud non intelligimus , quam cum S. Thomæ , Scoti , aut Molinæ dogmatibus non adhærere. Nonne exploderetur ut ridiculus , nonne mentalis restrictionis , aut similis mendacii arguatur Judaicarum opinionum sectator , si simpliciter se Judæum negaverit , si asseruerit Judaïsmum esse merum phantasma , nullos usquam Judæos reperiri ? At quid si Jansenistas imitatus ità secum statuat ; Judæi passim censentur homines impii , crudeles , injusti , exotici nec sanæ fidei. Ego licet Judaicas ceremonias , legem , & doctrinam sequar non sum impius crudelis , injustus , exoticus , & fidei non sanæ , neque tales sunt mei in fide socii ; itaque neque Judæus sum ego , nec sunt alii. Similis est vestra ratiocinatio , similis in loquendo restrictio , & an non veri nominis mendacium ? Alia enim quæstio est , an dentur Jansenistæ , seu Jansenio in doctrina præsertim circa materiam 5 propositionum consentientes , alia an illi sint homines exotici , nec sanæ fidei ; sicut alia est quæstio an dentur Judæi , alia an Judæi sint homines impii , crudeles , injusti , & verâ fide destituti. Sed dolosum ejusmodi Phantasma Jansenistis , Palladio suo callidioribus , maximè opportunum est ad
fal-

fallendes incantos , ut non tantum imperiti
quò securius cò alacrius hauriant virus Jan-
senianum, sed & Magistratus tum civiles, tum
Ecclesiastici, grassantis hæresis ignari facilius
sopiantur interea dum inimicus homo zizania
ubique disseminat , quibus tandem suffoce-
tur triticum , & Belgium penè totum se Jan-
senianum serò admiretur.

Quapropter ad avertendam à charissimâ
Patriâ perniciem prorsus duxi necessarium ,
detrahi Jansenianæ hæresi obductam phan-
tasmatæ larvam , detegi Pseudo-Augustinia-
norum frontes , ut inustum anathematis stig-
ma palàm appareat , neque deinceps frau-
dulenti homines nisi cœcis aut decipi volen-
tibus queant nocere. Ac primò quidem pro-
positiones famosas integras quoad substan-
tiam , & quodammodo absurdius in Janse-
nio reperiri ostendam tam evidenter ut nul-
lus nisi ad insaniam usque pertinax ausus fue-
rit inficiari. 2. Evincam propositiones in
sensu Pseudo-Augustini Iprensis esse hæreti-
cas. 3. Probabo infelicem hunc Antistitem
nactum esse sequaces tum Gallostum Belgas
ante & post condemnationem etiam hoc
tempore ; ex quo ni fallar consecutio duce-
tur necessaria & manifesta Jansenismum &
Jansenianam hæresim non merè imaginariam
esse.

esse, sed reipsa viguisse aliquando, nec etiam-
 num penitus extinctum. Hanc meam operam
 Eximii, Reverendi admodum Domini &
 cujuscunque alterius gradus & ordinis Theo-
 logi, quorum expendi sententias, & inter
 Jansenistas nomina recenseri contigerit, æqui,
 ut confido bonique consultis. Tam frequens
 enim, tam publica, tam præfidens provo-
 catio, quâ ad instituendas adversus vos de
 Jansenismo accusationes quoscunque Theo-
 logos invitastis, impulistis, & penè coëgi-
 stis, non potuit non persuadere mihi aliis-
 quæ idem fortè aggressuris hanc à vobis ve-
 niam dari, quin & gratum fore quod tanto
 tempore, tot Thesibus, tot libellis maxi-
 mè nuper Doctrinæ Augustinianorum Theo-
 logorum expositione communi consensu editâ
 postulastis. Veniam ni fallor dat ipse Augu-
 stinus, hortatur nos, instigat ne nominibus
 vestris parcentes inmiti vos misericordiâ per-
 damus, quos salubri reprehensione retrahi
 ab interitû oportuit, & in viam salutis re-
 duci. Sermone 2. de verbis Apost. *Occultare,*
inquit, nolite: non sit in vobis perversa misericor-
dia, prorsus ubi tales inveneritis nolite occultare,
redarguite contradicentes & ad nos perducite. Non
 occultabo sed contradicentes redarguam, &
 quoniam aliter corrigi non possunt, sæpius
 monitos denuntiabo Ecclesie. CA-

C A P U T II.

Evidens fit propositionem primam ex quinque damnatis traditam esse à Jansenio , etiam quodammodò durius quàm in Bulla exprimatur.

NUscquam adversariorum pervicacia , & aduersus Christi Vicarium rebellio elucet magis , quam cum asserere non verentur primam propositionem damnatam non esse Jansenii. Verba propositionis sunt : *Aliqua Dei præcepta hominibus iustis volentibus , & conantibus , secundum præsentem , quas habent vires sunt impossibilia : deest quoque illis gràtia , quâ possibilia fiant.* Quid Jansenius ? Lib. 3. de Grat. Christi cap. 13. Col. 334 ; Hæc igitur , inquit , omnia plenissimè planissimèque demonstrant , nihil esse in S. Augustini doctrina certiùs ac fundatiùs , quàm esse præcepta quadam , quæ hominibus non tantùm infidelibus , excæcatis , & obduratis , sed fidelibus quoque , & iustis volentibus , conantibus secundum præsentem , quas habent vires sunt impossibilia , deesse quoque gratiam quâ fiant possibilia.

Estne vel apex in propositione damnata , quæ in Pseudo-Augustini loco desideretur ? Quin imò quod propositio damnata tantùm sim-

simpliciter ut verum asserit, in Jansenio traditur tamquam certum, atque adeò ut nihil sit in S. Augustini doctrina certius ac fundatius. Constat verò Jansenium similibus loquendi modis indicare, non tantum quid Hipponensis docuerit, sed quid ipse teneatur, quod omnes S. Augustini Discipuli, & quicumque à Pelagio, & Semipelagianis alieni sunt, sentire teneantur. Quisquamne adeò in Jansenio peregrinus est ut nesciat Jansenium se ubique Augustini Discipulum, & sequacem profiteri?

Neque id in dubium vocant adversarii, & si negarent, vel ex citato capite convinci possent, ubi eandem doctrinam tradit, & ut suam, & ut deductam ex Tridentino. Ubi enim hunc Tridentini locum adduxisset: *Deus impossibilia non jubet, sed jubendo monet, & facere quod possis, & petere quod non possis*; sic concludit; "ex hac indubitata doctrina quædam non parvi momenti ad hanc rem spectantia inferuntur, & clarescunt. Primum; esse quædam homini præcepta secundum statum, & vires in quibus constitutus est impossibilia ... 2. Non adesse semper gratiam, quâ possimus; hoc est, quâ illa eadem præcepta implere sufficiamus. 3. Hanc impos-

C

,,ten-

sentiam reperiri non solum in excecatis,
obduratis, & infidelibus, sed etiam
fideles, & iusti (dicere voluit fidelibus,
& iustis) 4. Hanc impossibilitatem fide-
libus accedere non tantum quando nolunt
præcepta facere, sed etiam quando vo-
lunt. »

Quid igitur cavillationis Pseudo-Augustinianis superest, quo Magistri sui doctrinam vindicent à censura? D. de Saint Victor in libello cui titulus : *Le pretendu Ennemi de Dieu*, ab annis aliquot edito, ut præ se fert Insulis, vel potius Lovanii, ut cum aliis suspicatur Cardinalis de Aguirre, certè Lovanii palam divendito, ubi ejusmodi libellorum est colluvies. *Prima*, inquit, *propositio*, quam Pontifices condemnarunt *hæc est*. ALIQUA DEI PRÆCEPTA, &c. Cui Jansenius contradixit lib. 3. de Gra. Salv. cap. 15. Et si Alexander Pontifex dixerit contrarium malè instructus fuit. Infrunitum os! hæc scilicet est submissio, hæc observantia, quam Jansenistæ simulant erga S. Sedem? Hanc fidem dogmatibus, hanc facto præstant reverentiam? Quo igitur taudem sensu Pontificum Constitutionibus subscribitis? Quomodò implacabiles alias restrictionum hostes solennæ juramentum sine perjurio restringitis? Quid? Non

Non tantum non docuit Jansenius primam ex 5 condemnatis, sed ei penitus contradixit, *Et si Alexander Pontifex dixerit contrarium, ut dixit disertissime, & loco non uno erravit?* Talpas nos omnes credit hic Autor, aut stipites, qui verborum omnium, & totius sententiæ consonantiam, quâ nulla dari queat perfectior in præfati libri capite non videamus, non palpemus.

Sed quoniam adversarius Jansenii Augustinum lib. 3. de Grat. Salv. c. 15 adire nos jubet, aliud hic non reperio quam justos habere 1. liberum arbitrium, seu potentiam naturalem. 2. fidem, 3. gratiam habitualem, quæ est potentia remota & incompleta. Sed habenti ejusmodi remotam potestatem in promptu non est adjutorium proximè sufficiens sibi comparare.

Imò verò ad *obstruendum os loquentium iniqua, & arguentium erroris Alexandrum VII, dico Jansenium non qualemcumque adstruxit impossibilitatem, qualis intelligi posset moralis, sed etiam Physicam.*

Libro 2. de Grat. Salv. c. 1. Col. 81: *Cujus, inquit, medicinali gratiâ, & adjutorio nisi vires pristina restaurentur, tam est impossibile voluntati, ut benè velit, & operetur, quàm homini cæco, ut videat, vel surdo ut audiat, vel*

*vibis fracto , ut rectè gradiatur , quamvis eis ,
& lux , & species , & scipiones , & omnia cæ-
tera sanitatis adiumenta suppetant.*

Atqui iustus dum præceptum non servat ,
destitutus est medicinali Christi gratiâ in
sententia Jansenii , alioqui enim infallibili-
ter præceptum impleret , & impossibilitas in
allatis exemplis , quâ suam Jansenius non pa-
titur dici minorem , est non tantum mora-
lis , sed physica.

Ergò asserta à Jansenio præceptorum im-
possibilitas non merè moralis , sed Physica
intelligenda est.

Quid Paulus Irenæus ? in Editione Colo-
niensi A. 1682. pag. 171. *Verba*, inquit, *pri-
ma propositionis damnata habet Jansenius loco ci-
rato scilicet lib. 3. de grat. Salv. c. 13. sed sen-
sum illius damnatum non.* Quid facias istis ho-
minibus , qui Alexandri VII mentem me-
lius , quàm ipse idem Pontifex habent per-
spectam ? Tellatur is Constitutione *ad sacrat.*
Anno 1656 se damnare propositionem in
sensu Jansenii ; Pergunt tamen Augustini
Discipuli confidenter asserere propositionem
quidem Jansenii esse , sed alio sensu à Pon-
tifice condemnatam. Probat verò adversarius
cavillationem suam ; *quia locus*, inquit, *Jan-
senii ex circumjectis , & annexis ad eum sensum*
alli-

alligatur ; qui nihil contineat præter vulgarem Thomisticam doctrinam toti Ecclesie , præcipue verò Summo Pontifici prælatam.

Verùm Thomistas ab his Jansenistarum calumniis pridem vindicarunt alii , etiam nuper Cornelius à Cranebergh & Didacus de Oropega. Si plura desiderent Neo-Augustiniani adeant modò Eximium P. Martinum Harney ex Ord. S. Dominici in Academiâ Lovaniensi S. T. Doctorem ; rogare eum non graventur an sensus Jansenii circa Propositionem primam sit idem qui Thomistarum omnium. Responsum nî fallar referent non minùs didacticum quàm breve , Thomistas genuinos ab eo sensu abesse quàm longissimè.

Ut Paulus Irenæus propositionem primam sub Thomistarum, ità F. Eugenius de Gelder in damnato libello : *Ultima vox* , &c. edito anno 1689 eam sub Magni P. Augustini umbrâ à fulgure vaticano ictam quidem , sed non prostratam , inò ut Catholicissimam defendit pag. 31. *Quod Alexand. VII , inquit , fuerit deceptus ex eo constat quòd liber Jansenii numquam Romæ ritè fuerit examinatus , & quod*

1. *Propositio à quâ ceteræ etiam fatentibus Jesuitis dependent , quæ sola in ipsius Augustino in proprii terminis est invenibilis desumpta ex cap. 13. lib. 3. de grat. Salv. secundùm principia indubi-*

tata doctrina Augustiniana ab Ecclesiâ consecrata, ad quam juxta omnes suas particulas ibidem expresse reducitur, est Catholicissima juxta declarationem Eminentiss. Cardinalis à S. Clemente, &c. Quid mirum quod purpuratum Ecclesiæ Patrem collocare non erubescat in Jansenistarum Collegio cui Doctorum Aquilam Augustinum præfecerit? Non minor quàm F. Eugenii ergà S. Sedem est reverentia istius Theologi, qui sub nomine Lucæ Veronensis Lovanii Strenam, ut vocat, veritatis evulgavit anno 1680 pag. 49. Nulla, inquit, ex quinque Propositionibus hætenus ostendi potuit in Jansenio nisi prima, quæ capite caudâque avulsis, aliter planè, quàm in libro sonat. Ad quod respondeo non aliter sonare propositionem Jansenianam in constitutionibus Pontificiis, quàm in libro Jansenii, nisi quòd ea, quæ Propositionem in dicto libro circumstant, illam multò reddant duriozem, & Catholicæ interpretationis minùs patientem.

C A P U T I I I

Demonstratur Jansenium docuisse secundam propositionem inter 5. damnatas, imò ejus doctrinam plus absurdi continere quam præ se ferat proscripta propositio à textu avulsa.

SECUNDAM propositionem Jansenio attribui non patitur sincera ac tenera nimium conscientia Jansenistarum, inter quos D. de Saint Victor pag. 14. pio quodam horrore perculsus & in adversariis suis calumniandi libidinem miratus exclamat; *quâ conscientiam hic error imponitur Ipressum Antistiti, qui oppositum expressis terminis docet; lib. 8. de Grat. Salvatoris c. 2. §. 3.!* Frustrâ Alexandri VII. declarationem, frustrâ, octoginta & amplius Episcoporum testimonia objicis. Nam Paulus Irenæus in suâ hæresi fictitiâ disquisitione 6. sub finem; *confidenter, inquit, quia verè asserendum quamlibet multis Episcoporum, summiq; Pontificis decretis definiatur propositiones esse in Jansenio, nulla ab erudit's impetrabitur fides.*

Non minùs confidenter pronuntiat Lucas

cas Veronenſis , alias Lovanienſis in Strenâ veritatis pag. 49. Si Pontifex illas viderit in opere Jansenii , viderit certè in exemplari eum ob finem corrupto. Idem debet esse iudicium de propositionibus Baio attributis & earum defensoribus non nisi Augustinum & veritatem sonantibus. Undè concludit : hereses Baiana & Janseniana optime vocantur imaginaria. Rursus de Saint Victor ; qui accusantur Jansenismi & heresios possuntne esse Jansenistæ & heretici , cum Jansenius nullam docuerit hæresim ?

Quis igitur litem dirimet si Theologis orthodoxis assererentibus propositionem esse Jansenii , id definientibus Romanis Pontificibus Jansenistæ in perviciâ persistant ?

Respondet D. de Saint Victor pag. 29. Si scire cupis an propositiones damnatæ à Pontificibus reperiantur in Jansenio nihil est quod te magis certum faciat quàm oculi proprii. Non sunt primæ vices , quibus maligni circumvenerunt Pontifices Romanos.

Similiter oculorum usu & experienciâ non aliis iudicibus stare decrevit Lucas Veronenſis pag. 49. sic alloquens Innocentium X. & Alexand. VII. Romanos Pontifices. Si in Jansenio reperiantur propositiones illæ , ut in constitutionibus vestris decernitis in Jansenio ostendantur. Per me licet , oculos consulamus , con-

conferamus propositionis damnatæ verba cum verbis Jansenii, per me non stabit quin Jansenius dicatur innoxius, si eandem ubique sententiam non demonstravero. Propositionis damnatæ verba sunt : *Gratiæ interiori in statu naturæ lapsæ nunquam resistitur.* Jansenius lib. 2. de Grat. Christi c. 24. col. 200. sic ait : *Gratiam Dei Augustinus ita victricem statuit supra voluntatis arbitrium, ut non raro dicat hominem operanti Deo per gratiam non posse resistere, adeoque nunquam resistere.*

Quoties dicit medicinalem Christi gratiam nunquam frustrari suo effectu sed infallibiliter & insuperabiliter eum obtinere ! Ne verò existimes non hîc agi de quâlibet gratiâ, toto illo lib. pugnat nullam aliam dari Christi gratiam, quàm victricem. Cap. 1. hunc titulum præfigit : *Tangitur natura adjutrix sufficientis & ostenditur nullum dari post lapsum quin simul efficax sit.*

Instat equidem Paulus Irenæus editionis anni 1682 pag. 173. disp. 6. a. 3. *Verba ipsa secunda Propositionis non sunt in Jansenio.*

Quid si essent magisne te ergà constitutiones Apostolicas reverentem exhiberes ? Verba propositionis primæ in Jansenio conspiciuntur nec tamen dubitas damnatum ei sensum abrogare. Sic enim disq. 6. a. 2. pag.

171 ejusdem editionis per insignem Sedis Apostolicæ contemptum ais : *Verba prima propositionis damnata habet Jansenius loco citato, sed sensum illius damnatum non habet.* Sed etsi alia editio mulierem, alia fæminam, cætera verò planè eadem complectatur, quid ad rem facit ejusmodi discrimen merè materiale? Non enim eadem esse Jansenii & propositionum damnatarum verba, sed sensum eundem esse definivit Christi Vicarius. Denique quale illud est verborum discrimen? *Propositio famosa dicit gratiæ in hoc statu Numquam resisti; Jansenius resisti non posse; nisi quod Jansenii propositio omne illud quod est in propositione famosa contineat, & quid prætercà amplius magis absurdum.* Illa enim actum tantummodo negat, hæc actum & simul potentiam. Sed quid ad §. 3. c. 2. lib. 8. ad quem provocat de Saint Victor? Teneo locum quem integrum refero : *Prædeterminatio physica talis esse dicitur, ut in quibuscumque circumstantiis voluntas collocetur, semper faciat facere & operetur effectum suum, omnemque superet resistantiam: Christi adjutorium nullo modo; nam delectatio victrix quæ Augustino est efficax adjutorium, relativa est. Est victrix quando alteram superat; quod si contingat alteram ardentiorē esse in solis inefficacibus desideriis hærebit animus, nec efficaciter*

unquam volet , quod volendum est. Atque hoc est discrimen tertium quod Iprensus suam inter victricem gratiam , & prædeterminantem constituit. Næ hic locus Jesuitis , Galliarum Episcopis , Universitatibus Catholicis , Cardinalibus , Pontificibus fatalis est , eorumque in adscribendâ Jansenio propositione secundâ errorem detegit & omnium vel latina verba intelligentium oculis exponit manifestè ! nisi asserere malueris Jansenium sibi contradixisse , aliter locutum lib. 2. ex quo propositio desumpta est , aliter lib. 8. cujus verba jam retuli.

Contradictionem adstruere non est necesse utrumque locum attentè consideranti. Sed neque Pontifices in erroris suspensionem vocabit , quisquis non præoccupatus partium studio , non excoëcatus passione ad antecedentia & consequentia , ad circumstantias , ad totius operis scopum , & expressionem sententiæ attenderit. Cum dicit lib. 2. omnem Christi gratiam effectum sortiri , nulli posse resisti , aliud non vult quam gratiam omnem , quæ ex Christi meritis in statu naturæ lapsæ confertur , consequi omnem effectum cujus in his circumstantiis capax est , sic ut in voluntatis creatæ potestate non sit effectum ejus imminuere vel augere. Vel enim æqualis adest concupiscentiæ delectatio , vel minor , vel

ma-

major : si minor non erit in potestate voluntatis gratiæ dissentire, si æqualis fuerit, hærebit in æquilibrio suspensa, sic ut neutram in partem se queat inflectere ; denique si concupiscentia fuerit ardentior, insuperabiliter rapit voluntatem ; non tamen gratiæ resistitur. Quis enim gratiæ dicat resistere cum, qui quantum potest gratiæ cooperatur, ejusque omni efficaciam & movendi virtuti obsequitur. Neque ut gratia sortiri dicatur omnem suum effectum, necesse est ut obtineat effectum omnem, ad quem movet, si non moveat sufficienter.

Advertit hoc Jansenius & de eo nos monitos voluit lib. 2. de grat. Christ. c. 27. col. 210. dicens : *Neque verò moveat quemquam, quod conslet multos diuinitus mente collustrari, imò verò & in ipsa voluntate motibus divine gratiæ percelli, qui tamen ab ejus internâ suasionem & inclinationem dissentiunt, ut propterea falsum putet gratiam in eo cui datur, semper operari. Cujus rationem reddit, quia cum gratia non sit sufficiens respectu omnis effectus ad quem excitat, ut omnis gratia sit efficax, ut nulli resistatur, sufficit quod obtineat effectum omnem, quem hic & nunc potest, & ad quem à Deo datur.*

Alterum Pauli Irenæi effugium est, verbis
Jan.

Janſenii non contineri ſenſum condemnatum, cum alium non contineant quam Thomiſticum, Orthodoxa videlicet eſt Thomiſtarum ſententia, qui docent efficaci gratiæ numquam reſiſti, ſufficienti verò, quando ſola eſt, ſemper reſiſti reſpectu ultimi videlicet effectûs ad quem excitat. Hanc ipſam tamen gratiam, quam ſufficientem vocant, eſſe ſecundùm quid efficacem, & numquam carere eo effectû ad quem divinâ voluntate ordinatur. Sic enim omnes Thomiſtæ. Hunc & non alium eſſe clamat ſenſum concluſionum propter quas Janſenius arguitur. Si autem Thomiſtis omnibus ut Irenæus jactat, Janſenius conſentiat, quis ejus ſenſum fulguritum eſſe exiſtimet? At de reſiſtentia Gratiae Janſenianæ & Thomiſticæ, de manifefſto inter utramque discrimine conſuli poſſunt Doctor Pariſienſis in nuperis obſervationibus circa V. articulos, Cranebergius, Oropega, &c.

CAPUT IV.

Tertia Propositio excerpta est ex Jansenio & in Pseudo-Augustino durius exprimitur quàm in Decretis Pontificum, ubi à textu suo avulsa est.

Verba propositionis damnatae sunt: Ad merendum & demerendum in statu naturae lapsae non requiritur libertas à necessitate sed sufficit libertas à coactione.

Propositionem tradit Jansenius lib. 6. de Grat. Christi toto cap. 6. ut ex ejus titulo liquet: Duplex, inquit, necessitas Augustino, coactionis, & simplex seu voluntaria. Illa, non hæc repugnat liberati. In ipso capite: Nescio quid manifestius, urgentiusque proferri posset ad demonstrandam volitionis cujusque libertatem, etiam illius, quam nos habere necesse est.

Col. 635. Eadem illa doctrina, quod sola necessitas coactionis adimat libertatem, non necessitas illa simplex, & voluntaria ex aliis ejus (Augustini) locis demonstrari potest.

Lib. 8. de Grat. Christi c. 19. Col. 869. Nulla gratia efficacia, nulla necessitas actibus vo-

voluntatis liberis formidanda est , sed sola coactio , & necessitas violentiæ.

Cap. 20. Col. 871. *In nobis non solum ipsa potentia voluntatis , quæ de se ad malum flexibilis est , sed & pondus ad peccandum remanet , quod est peccandi potestas perfectissima. Adeoque non requiritur libertas à necessitate , sed sufficit libertas à coactione , quæ libertas est inseparabilis à voluntate sequente ductum concupiscentiæ. Voluntas enim nequit adigi violentiâ , ut omnes fatentur: Col. 870. dicit inductam esse peccandi necessitatem.*

Agi verò iis locis de statu nature lapsæ evidens est: agitur enim de necessitate , quam voluntati juxta Jansenium in statu naturæ lapsæ infert victrix delectatio cum celestis , tum terrena , prout hanc aut illam contigerit alterâ esse ardentiorē , juxta illud toties à Jansenio decantatum & perperam intellectum : *Quod amplius nos delectat , secundum id operemur necesse est ; Quod in naturâ lapsâ potius , quam in integrâ locum habet ex Jansenii sententiâ , cum voluntas integra eâ polleret facultate , quâ posset se ipsam ad bonum determinare excitata per gratiam , non prædeterminata , neque ullâ tentatione abriperetur , licet gratia tantum adfuisset Molinistica , quæ isti statui abundè sufficiebat.*

Cur dubites quin egerit de libertate ad meritum & demeritum sufficiente? Nam agit de libertate, quæ in actibus nostris moralibus & humanis, tum bonis, tum malis reperitur, quæque si ad merendum & demerendum non sufficeret, jam nulla nostra actio in hoc statu meritoria foret vel demeritoria, cum nunc juxtà Jansenium non sit prædita libertate aliâ propriè dictâ, quæ ad meritum vel demeritum queat sufficere, cum libertatem, quam Theologi vocant indifferentiæ, procul ab hoc statu jussit exulare.

Vociferantur hîc omnes Jansenii defensores cum Paulo Irenæo disq. 6. pag. 189. Jansenium admisisse indifferentiam in hoc statu. Imò recens Palladius in Spongia adversus Notas Eximii D. Martini Steyaert pag. 28. *Tantum abest, inquit, ut, quæ ex S. Thomâ & aliis antiquis Scholasticis de libertate coactionis experte & necessitate naturali adduxit, in hoc statu naturæ lapsæ locum habere voluerit, ut contrarium asseruerit tamquam fide Catholicâ tenendum in hoc ipso libro (6.) de Grat. Christi Salv. c. 34.*

Respondeo agnovisse quidem Jansenium loco citato præter libertatem à coactione quandam flexibilitatem, mutabilitatem, & voluntariam arbitrii vicissitudinem in statu na-

turæ lapsæ ; quæ vicissitudo neque in Deo reperitur , neque in Beatis circà Bonum , neque in damnatis circà malum , sed in hominibus viatoribus , quia neque gratia naturæ lapsæ victrix datur semper , neque semper negatur ; quam voluntatis mutabilitatem vocat indifferentiam quandam contradictionis & contrarietatis ut cum Thomistis loqui saltem videatur. Verùm hanc flexibilitatem modò nemo ad libertatem dixerit sufficere.

Quærere etiam liceat ex Adversariis ubinam Jansenius indifferentiam illam tamquam necessariam requisiverit sive in naturâ stante, sive in lapsâ. Agnovit eam flexibilitatem , sed uti eam non admisit tamquam necessariam ad libertatem , ità neque ad meritum vel demeritum.

Ex dictis invictè concluditur Jansenium non tantum tradidisse doctrinam propositionis , sed eam modo sustinuisse magis detestabili , quàm propositio secundùm se exprimat ut à textu avulsa. De eâ enim ut avulsâ dubitaret fortè quis an agat de necessitate physicâ , an de morali tantùm. Jansenium constat agere de necessitate physicâ , cum destitutus gratiâ medicinali , quâ destituuntur omnes , qui peccant , juxtà ipsum , non magis peccato

abstinere possit , quo demeretur , quam possit orbus oculis videre , surdis audire , fractis cruribus currere; neque minùs effaciter , insuperabiliter , indeclinabiliter agit victrix gratia , quàm victrix concupiscentia. Igitur & juxta Jansenium infert necessitatem physicam.

Præterea propositio merè secundùm se non dicit necessitatem illam in omnibus actibus hominis lapsi meritoriis & demeritoriis reperiri : Statuit verò Jansenius. Igitur juxta Pseudo-Augustinum ad merendum & demerendum in statu naturæ lapsæ non requiritur libertas à simplici necessitate , seu libertas indifferentiæ opposita , sed sufficit libertas à coactione.

Sub coactione & violentiâ comprehenditur motus primò primos & actus omnes indeliberatos, quia hos in nobis esse contingit etiam renitente voluntate. Lib. 6. de Grat. Salv. cap. 6. col. 723. Igitur ad libertatem actus humani & moralis sufficit ut fiat ex judicio rationis , & deliberatè , cum quo consistit simplex necessitas opposita libertati indifferentiæ. Respondendum nunc est ad cavillationes Jansenistarum reliquas.

D. de Saint Victor pag. 14. certum verò est, inquit, quod hæc propositio numquam à
Jan-

Jansenio tradita fuerit eo sensu , quo censurata est à Pontifice , cum oppositum docuerit hic Antistes. Lib. 6. de Grat. Christi c. 34.

Propositionem Jansenii esse jam ostensum est ; neque negat adversarius aliquo sensu in Iprensi Augustino contineri. Ego Pontifici melius mentem suam perspectam fuisse malo credere , quàm Jansenistæ temerè & stultè divinanti.

Adeamus lib. 6. c. 34. in quo Jansenius oppositum sensui censurato docuerit. Verba percipua , propter quæ adversarii eum absolvunt , habet hæc col. 715. *Hominum igitur viatorum non solum coactionis expertem esse libertatem , sed etiam necessitatis immutabilis voluntaria , hoc est ad utrumque indifferentem esse.*

Respondet Eximus D. Martinus Steyaert S. T. D. & strictioris , ut vocant , facultatis membrum Lovanii , qui dum Jansenio bellum indicit in notis circa 5 Propositiones notâ 8. §. 3. observat quod quamvis in sententiâ Jansenii sit in homine viatore libertas à necessitate , reus tamen sit propositionis 3. ubi admittit quod tametsi non esset in homine viatore libertas à necessitate , nihilominus is mereri & demereri posset , quia scilicet cum necessitate consistit sufficiens libertas ad meren-

rendum & demerendum in statu naturæ lapsæ. Sic enim Janfenius lib. 6. de Grat. Salv. c. 36. in fine : *Ceteras , inquit , humana vitæ actiones (deliberatas omnes viatorum) quamvis etiam juxta tradita jam Augustini principia sine indifferentiâ nihil vetaret esse liberas libertate sufficiente adinerendum & demerendum , reipsâ tamen non solum sine violentiâ , sed & cum quadam indifferentiâ contradictionis , imò contrarietatis ... fieri credimus.*

Ego quidem etsi non inficior propositionis damnatæ meritò arguendum Iprensens , quamvis docuisset reverâ omnes actiones deliberatas viatorum esse liberas à necessitate etiam simplici , quia simul consistit quempiam admittere in omnibus nostris deliberatis actibus libertatem à necessitate , & simul asserere quod etiam si ejusmodi libertas abesset , nihilominus essent meritorii vel demeritorii.

In hoc tamen viro eximio consentire non possum , ut asseram Janfenium docuisse quod in omnibus actibus nostris deliberatis meritoriiis & demeritoriis detur verâ libertas à necessitate simplici ut opponitur libertati indifferentiæ ; imò ubi opus fuerit evincam , Janfenium usque ad eò libertatis inimicum fuisse ut eam in statu naturæ lapsæ ex omnibus

bus omninò actibus deliberatis viatorum seu meritoriis seu demeritoriis eliminaverit.

C A P U T V.

Propositio IV. reperitur in Jansenio, & manifestæ falsitatis convincitur excusatio Jansenistarum quasi eorum Magister tantum rejecisset gratiam efficacem, ut aiunt, versatilem Molina.

Semipelagiani admittebant prævenientis gratiæ interioris necessitatem ad singulos actus etiam ad initium fidei, & in hoc erant hæretici quod vellent eam gratiam esse talem cui posset humana voluntas resistere vel obtemperare: Verba sunt propositionis condemnatæ. Cum his conferrantur quæ habet Jansenius lib. 8. de hæresi Pelagianâ c. 6. col. 462. in hoc ergò, inquit, propriè Massiliensium error situs est, quod aliquid primæ libertatis reliquum putant, quo sicut Adam si voluisset poterat perseveranter operari bonum, ita lapsus homo credere posset si vellet, neuter tamen absque interioris gratiæ adiutorio, cujus usus vel abusus relictus esset in uniuscujusque arbitrio & potestate. Paria tradit lib. 2. de Grat. Salv. c. 4. 5. 12. 15. 21 25.

Ni-

Nihilominus D. de Saint Victor more suo inverecundè asserit pag. 20. tantum abest Illustrissimum Iprensē tradidisse propositionem hanc , ut illi oppositum doceat lib. 8. de Grat. Salv. cap. 21. §. SECUNDUM EST : Calvinus docet , inquit Jansenius , gratiam ità movere hominem ut non sit ei liberum resistere : sic enim loquitur : voluntatem Deus movet non qualiter multis sæculis traditum est , & creditum , ut nostra postea sit electionis motioni aut obtemperare , aut refragari. Augustino verò Deus ità movet ut quamvis infallibiliter convertatur & operetur possit tamen motioni Dei refragari aut obtemperare , seu ut Concilium Tridentinum , illi dissentire si velit. Potentia quippe dissentienti non repugnat actuali gratiæ motioni & consensui , quamvis (quod à Jansenii defensore prætermissum est) fieri nequeat ut actualis dissensus cum actuali Dei motione jungatur.

Non respondebo , quod nonnulli , nescio quâ verborum obscuritate decepti , Jansenium sibi contradixisse , tradidisse propositionem damnatam lib. 8. de hæresi Pelagiana c. 6. Oppositum verò lib. 8. de Grat. Salv. c. 21. Quamvis cum erroneis & hæreticis dogmatibus scaterere compertum sit , contradictionis tamen redargui posse nusquam deprehendi. Nimis multorum illud annorum opus est ,
nimis

minis maturâ deliberatione exaratum, ut sui
 uspiam Autor obliviscatur. Emollit subindè
 locutionibus communiter receptis, at non
 communi sensu intellectis præcedentium
 sententiarum duritiem, quod cum Pelagio
 aliisque hæresiarchois ei commune est, ut
 cum novum & periculosum dogma protruse-
 rit, damnationis sententiam evadat, dum dif-
 ficilius de vero sensu convincitur, qui alibi
 quæstionem eandem decidere videtur Catho-
 licè.

Locus igitur Jansenii lib. 8. de Gratiâ Salv.
 cap. 21. sic explanandus est secundùm tradita
 ab eo principia, quæ etiam deinceps confir-
 mavit. Ità Deus movet, ut possit homo mo-
 tioni Dei refragari, aut obtemperare, non
 quidem potentiâ proximâ, ut communiter
 Thomistæ; multò minus completâ, ut ex
 Thomistis loquuntur non pauci, sed remotâ
 tantùm; neque sic remotâ ut in creaturæ
 potestate sit accipere proximam, sed possit
 gratiæ inefficaci consentire & cum eâ agere
 opus præceptum, vel peccatum vitare, sicut
 fractis crucibus potest quis currere, orbatus
 oculis videre, surdus audire, ut expressè do-
 cet Jansenius lib. 2. de Gratiâ Salv. c. 1. col.
 81. Neque aliter potest dissentire gratiæ effi-
 caci; non enim minus efficacie inest dele-
 ctæ-

stationi cælesti & victrici ut insuperabili'iter & indeclinabiliter rapiat voluntatem ad bonum, quàm concupiscentiæ terrenæ delectationi victrici ut pelliciat ad malum , & ab honesto retrahat.

Eodem sensu intelligit Jansenius illud Tridentini : *Potest voluntas motioni Dei dissentire , si velit ; sed velle non potest , nisi potentiâ remotâ & minimè sufficiente , qualis est audiendi in surdo , videndi in cæco , currendi in co , cui crus utrumque confractum est.* Quodnam luculentius testimonium desideres negatæ à Jansenio gratiæ inefficacis & sufficientis , quàm quod immediatè Jansenius subdit verbis à D. de Saint Victor allegatis ? *Quamvis , inquit , fieri nequeat ut actualis dissensus cum actuali Dei motione jungatur :* Adeoque neque in statu naturæ lapsæ gratiæ umquam resistitur sensu Catholico , si Jansenio credimus , in cujus principiis , neque potentia dissentendi proxima & completa , ut jam aliquoties ostensum est , cum efficaci gratiâ componitur.

Pag. 22. ait D. de Saint Victor Jansenium locis ex quibus desumpta est propositio ut Pontifici censuranda offerretur , censuisse in eo situm fuisse Semi-Pelagianorum errorem, quod existimarent gratiam per se efficacem
non

non esse ad initium fidei necessariam, sed solum opus esse quâdam sensu Molinistico sufficiente.

Respondeo Jansenium in hoc reprehendisse Semipelagianos, quos falsò refert requisivisse gratiam internam ad initium fidei, quod non requirerent gratiam necessitantem sive tam invictè trahentem, ut voluntatem victrici ejus delectationi obtemperare necesse sit, juxtà illud Jansenii; *quod amplius nos delectat* (delectatione indeliberatâ, seu gratiæ seu concupiscentiæ) *secundum id operemur necesse est.* Undè gratiam non modo sensu Molinistico, sed Theologorum communi & maxime Catholico sufficientem, ut in 1. 2. 3. propositione, ita & hîc voluit eliminatam.

Proptereà, inquit, D. de Saint Victor in crimen vocatus est Jansenius ab iis qui V. Propositiones compilarunt, sed numquam à SS. Patribus & præsertim Augustini sectatoribus damnabitur.

Respondeo. Negatio gratiæ inefficacis, assertio gratiæ & concupiscentiæ necessitantis, Jansenii doctrinam anathemati subijcere.

Hæc nihilominus semper placitura Pseudo-Augustini sectatoribus facile credo, dum eorum pervicaciam tot mihi signis exploratissi-

nam confidero. Sitne Jansenius reprehensione dignus propter doctrinam hæreticam, nondum discutio.

Palladius in spongiâ notarum c. 6. pag. 18. De quantâ, inquit, propositione quatenus hæreticos damnata est prorsus hic silet *Schedulæ Scriptor* (*Martinus Steyaert*) verbulo contentus, quod obiter dum in secunde examine versaretur, intexuerat; propterea scilicet Jansenio tributam esse, quia resisti posse gratiæ negat: sed cum suprâ viderimus quam id minimè probaverit, sequitur in hac quantâ iidem ab eo nihil probari. Defensione meâ non eget *Eximius D. Martinus Steyaert*. Cæterum quod Jansenius doceat gratiæ interiori in statu naturæ lapsæ numquam resisti, imò nec resisti posse à me ostensum est ex verbis Jansenii fideliter citatis ad propositionem secundam.

Paulus Irenæus disquis. 6. pag. 206. concedit quartam propositionem Jansenii esse, sed negat Jansenii sensu condemnatam. *Nec in verbis*, inquit, *Jansenii quidquam reprehendendum, quia Augustiniana sunt, nec in sensu, quia fatetur gratiæ etiam efficaci resisti posse*, addere potuisset etiam resisti; at quemadmodum lapis resistit impetui, quo pellitur uel projicitur, non quod gratiæ efficacis vim homo valeat infringere, ei dissentire potentiâ antecedente proxi-

mâ & expeditâ. Non esse quoque Augustiniana verba evidens est conferenti verba Jansenii lib. 8. de hæresi Pelagianâ c. 6. cum his, quæ Adversarius ex Augustino citat lib. de Correctione & Gratiâ c. II. ubi aliud non dicit quàm *Adamum accepisse, quod desereret cum vellet, & in quo permaneret, si vellet, non quod fieret ut vellet*. Ibid. de Gratiâ naturæ lapsæ: *si in tanta infirmitate vite hujus ipsis relinqueretur voluntas sua ut vellent, inter tot & tantas tentationes, voluntas ipsa succumberet*. Subventum est igitur infirmitati voluntatis humanæ ut divinâ gratiâ insuperabiliter & indeclinabiliter ageretur.

Verba hæc eadem non esse cum iis Jansenii ex quibus propositio decerpta est, tantum oculis opus est ut deprehendas. Neque eundem sensum esse omnes exceptis Jansenistis agnoscunt. Quamvis quis determinatè verborum sensus sit disceptetur in Scholis, aliis ità intelligentibus ut in statu naturæ integræ non fuerit necessariò auxilium actuale in voluntate; nunc autem requiratur necessariò, contendentibus aliis agnitam fuisse ab Augustino necessitatem gratiæ in voluntate sed nunc concedi & necessariam esse robustiorem ad superandam concupiscentiam à bono retrahentem, & ad malum assidue impellentem.

Modò gratiam non adstruxeris necessitantem cum Jansenio, neque rejeceris verè sufficientem, non repugnabo, quemcumque Augustini verbis sensum tribueris.

Hæretica inquit Paulus Irenæus erunt verba propositionis damnatæ & Jansenianæ si sic accipiantur *errabant Massilienses quod dicerent gratiâ non necessitari voluntatem & dissentiendi potestatem ab eâ non auferri.* Atqui Jansenium adstruxisse gratiam necessitantem patet ex dictis ad propositionem 3. adeoque non veram, non proximam, non expeditam potestatem relinquit. Pag. 209. 210. 211. & sæpe alibi dicit Paulus Irenæus quod *Jansenius solam gratiam versatilem Molinianam rejiciat.* Profectò nullus hoc præter Jansenistas affirmavit. Cum enim in sensu Jansenii damnata sit propositio, sequeretur Molinianam gratiam negari non posse sub poenâ anathematis.

Si nihilominus Jansenistæ pergant Iprensem soli Molinæ opponere, quæro ex eis an eorum Magister usquam admisit gratiam efficacem illorum Scotistarum, qui rejectâ prædeterminatione physicâ gratiæ efficaciam constituunt in congruitate cum ingenio ejus, qui vocatur & in decreto Dei non antecedente, sed concomitante, sicut præscindendo à Decreto Dei possit hæc gratia efficax

As.

componi cum dissensu , etiam stantibus iidem dispositionibus subiecti.

Asseruitne unquam Jansenius ; aut potuitne saltem admittere , gratiam efficacem , quæ quia datur illo tempore , illo loco , & ceteris circumstantiis obtinet effectum , sic tamen ut omnibus illis positis & eadem subiecti dispositione , abstrahendo à Dei præscientiâ possit gratia esse sine effectû ? Quam sententiam amplexus est Alexander Pesantius Romanus S. T. & utriusque juris Doctor in suis commentariis in universam Theologiam approbatis à S. R. inquisitione & dicatis Paulo V Pontifici. In 1. 2. q. III. disp. 4. ubi rejicit sententiam Vegæ & Waldensis docentium gratiam efficacem ab effectû dici , sicut illa quæ non habet effectum sit sufficiens , quæ habet effectum , efficax. Quod verò interdum gratia habeat effectum , interdum non habeat , non oriri ex gratiâ sed ex libero arbitrio , quod gratiæ vult consentire vel non consentire.

Nonne Jansenianæ gratiæ efficacia pugnat cum illâ , quæ consistit in multitudine tot gratiarum , ut quamvis singule possint etiam moraliter carere effectû , non possint tamen simul omnes ? Pro hac passim citant Henricum à S. Ignatio , Soncinatem , Capreolum ,

Ferrariensem, Verdu, Josephum de Vitâ: Ex Societate Jesu Marianam, Henriquez, Pererium, Bellarminum, Typhanium & alios. Consistitne cum efficaciâ Janseniana auxilium quod statuit Eximius D. Mart. Steyaert post R. P. Everardum Hocquium Societatis Jesu S. T. Professore, ac dein Provinciale, cujus discipulus P. Jacobus Plattel tom. 2. num. 587. sic refert ut consistat in quâdam vi voluntatem ita alliciendi aut impellendi, ut moraliter eam prædeterminet, & velut necessitet. Quemadmodum vir sapiens dignitate seculari aut Ecclesiasticâ præfulgens per cogitationem honestatis suam dignitatem decentis, aut turpitudinis eam de decentis efficaciter determinatur & moraliter necessitatur ad non exercendas in templo, foro, aut alio loco publico ineptias pueriles, scurriles, aliæque statum suum minùs dedecentia.

At fortè cum Thomistis pacem habuit Jansenius. Balthazar Navarette ad quæst. 19. a. 8. p. 1. contr. 20. ita explicat efficaciam gratiæ, ut illo instanti quo confertur, sit in potestate voluntatis ei resistere; at, si non resistat, ait, gratiam vim suam exercere & infallibiliter determinare, sic ut determinatio gratiæ posterior sit negatione resistentiæ ad quam.

quam creatura illo instanti, quo gratiam recipit, est proximè expedita.

Placuitne Jansenio, aut placere potuit sententia illorum Thomistarum, qui gratiæ prædeterminantis infallibilem efficaciam ponunt in connexionione illius gratiæ cum decreto divino efficace non verò in dispositione subiecti, aut gratiæ naturâ, aut utraque simul? Delectatio gratiæ ardentior delectatione concupiscentiæ vi suâ etiam præscindendo à divino Decreto infert consensum creaturæ insuperabiliter, indeclinabiliter.

An reliquos Thomistas sibi consentientes arbitratus est, qui eos lib. 8. de Grat. Salv. c. 2. Aristotelicos potiùs quam Augustinianos insigni calumniâ appellat?

Ibid. dicit quòd sententia de physicâ prædeterminatione etiam pro statu innocentiae asserta, Augustini Doctrinam inexplicabili confusione perturbet, totum fundamentum medicinalis gratiæ funditus evertat & enervet scripturas.

At saltem in statu naturæ lapsæ non difficulter admittet gratiam Thomistarum prædeterminantem, nam & suam vocari posse ait eodem vocabulo lib. 8. de Grat. Salv. c. 3. col. 822. & cap. sequenti profitetur, quæcumque distinctiones à Thomistis usurpantur,

ad

ad suæ quoque gratiæ defensionem commo-
dè adhiberi. Verùm neque in statu naturæ
lapsæ convenit gratiam inter Jansenii medi-
cinalem, & Thomistarum physicè prædeter-
minantem. Fatetur enim Iprensis lib. 8. de
Grat. Salv. c. 3. col. 823. gratiam suam me-
dicinalem tenere se ex parte potentiæ; Tho-
mistarum gratia tenet se ex parte actûs secun-
di. Nam cum sit mera applicatio potentiæ,
necesse est hanc persupponat. Gratia quidem
Jansenii applicat voluntatem ad agendum ut
ibid. loquitur, sed *applicare*, & *ipsam esse ap-
plicationem* multùm differunt ut causa differt
ab actione. Unde sicut actio creaturæ non
infert necessitatem nisi consequentem, ità &
prædeterminatio suos apud defensores. At
gratia medicinalis Jansenii necessitatem infert
antecedentem, cùm, fatente ipso Jansenio,
teneat se ex parte potentiæ, neque cum eâ
gratiâ possit componi dissensus, neque sit in
potestate creaturæ impedire, quo minùs
Deus ejusmodi gratiam largiatur; nam in
Pseudo-Augustini principiis non datur gratia
merè sufficiens, cui resistendo, quam abji-
ciendo, sive animum ad alia avertendo op-
ponamus obicem gratiæ efficaci.

Si negaret Jansenius auxilium medicinale
tenere se ex parte actûs primi, convinci pos-
set,

set, quia est robur necessarium ad superanda obſtacula concupiſcentiæ. Unde ſine gratiâ ſuâ efficace ſuſtinere non poteſt libertatem ſervandi præcepta in eo, qui illa tranſgreditur, quia non habet, nec in poteſtate ejus eſt acquirere omnia neceſſaria ſpectantia ad potentiam ſervandi præcepta: Explicari non poſſet quomodo verè gratiæ reſiſtatur; non enim gratiæ in rigore reſiſtit, qui non poteſt ei conſentire; non poteſt autem cui potior pars, ſeu principalis deſt, quâ, qui caret, ſi neque ei offeratur, non liberè omittit actum virtutis ſupernaturalis præceptum.

Denique nec gratia efficax eſt ejusmodi cui poſſit humana voluntas pro libitu diſſentire, cum ubi major eſt gratiæ delectatio indeliberata, qui exceſſus ad medicinalem Janſenii gratiam requiritur, ſecundùm eam velimus, & operemur, ſit neceſſè.

C A P U T VI.

Janfenius tradidit quintam Propositionem famofam durius quàm contineatur in constitutione Pontificiâ.

SEmpelagianum est dicere Christum pro omnibus omnino hominibus mortuum esse aut sanguinem fudisse. Ità habet propositio 5. Hanc damnant Innocentius X. & Alex. VII. ut falsam temerariam, scandalosam, & intellectam eo sensu ut Christus pro salute dumtaxat prædestinatorum mortuus sit, impiam, blasphemam, contumeliosam, divinæ pietati derogantem, & hæreticam declararunt, & ut talem damnarunt; Alexander etiam sensu ab autore, Cornelio Janfenio, intento.

Tradit autem propositionem Janfenius lib. 3. de Grat. Christi c. 21. col. 386. Nec enim, inquit, juxta doctrinam Antiquorum pro omnibus omnino Christus passus aut mortuus est, aut pro omnibus omnino tam generaliter sanguinem fudit, cum hoc potius tamquam errorem à fide Catholica abhorrentem doceant esse respuendum; In Paral- lelo c. 3. notâ 31. aperte dicit cum esse Mas-

filienſium. Pro ſolis prædeſtinat's mortuum eſſe Chriſtum docet lib. 3. de Grat. Chriſti l. 21. *Quibusdam*, inquit, *hominibus dare prædeſtinavit fidem, Charitatem & in eâ perſeverantiam uſque in finem, quos eſſe prædeſtinatos, electos, & ſalvandos dicimus . . . pro iſtis in æternum vivificando (vivificandis) mortuus eſt, pro iſtis ab omni malo liberandis rogavit Patrem ſuum, non pro cæteris, qui à fide & charitate deficientes in iniquitate moriuntur.* Ibid. col. 390. *Quæſanè cum in Auguſtini doctrinâ perſpicua, certaue ſint, nullo modo principiis ejus conſentaneum eſt ut Chriſtus Dominus vel pro infidelium in infidelitate morientium, vel pro juſtorum non perſeverantium æternâ ſalute mortuus eſſe, ſanguinem fuſiſſe, Patrem orafſe ſentiatur. Dein addit: Ex quo factum eſt ut juxta S. Doctorem non magis Patrem pro æternâ liberatione ipſorum (non perſeverantium in juſtitia, adeoque non prædeſtinatorum) quàm pro diaboli deprecatus fuerit.*

Ex his & pluribus ejusmodi, quæ in Janſenio obvia ſunt perſpectum eſt nihil illi eſſe temerè in propoſitione damnatâ affictum, ſed prorfus eſſe omnia ab eo tradita, ſæpius repetita, & inculcata operoſius; & quidem abſurdius loquitur Pſeudo-Auguſtinus, quàm in conſtitutione ſuâ exprimant Pontifices. Fortè autem ſuſpicari quis potuiſſet Janſeniam.

nitum agere tantum de redemptione magis propria & copiosa respectu electorum, quam reproborum, sed omnem interpretationem mitiorem excludit lib. 3. de Grat. c. 21. col. 290. dicens *certum esse & perspicuum quod Christus non magis pro salute ullius hominis reprobis, passus, mortuus, vel Patrem precatus fuerit, quam pro liberatione diaboli.*

His nequidquam obstantibus pergit D. de Saint Victor more suo perfrictè negare doctrinam esse Jansenii. Sic loquitur pag. 22. *Ostendit solidè Iprensium Anistes dogma illud ad se minime pertinere quando lib. 3. de Grat. Salv. c. 21. ita differit : Christus se dedit redemptionem seu pretium, pro omnibus omnino sufficienter, quia sufficiens pretium obtulit non tamen pro omnibus omnino efficienter, quia non omnibus applicatur ista redemptio, idque juxta regulam à S. Prospero diversis locis traditam, &c. cui conformiter Scholastici dicere solent Christum omnes redemisse sufficienter non efficienter. Jansenius lib. 3. de Grat. Salv. c. 21. §. Respondeo.*

Subjungit Jans. §. sequenti *Christus pro peccatis omnium fidelium ex quibus una constituitur Catholica Ecclesia, redemptio atque propitiatio est. Cur pratermisit adversarius hæc quæ habentur initio §. 2. Certè observanda, meritò monet*
Emi-

Eminentissimus Cardinalis de Aguirre tract. 1. de autoritate infallibili Romani Pontificis extra Concilium, disp. 22. sect. 5. ubi Jansenius ita differit: *Sed quia in istis verbis aperte profertur Prosper redemptionis proprietatem haud dubiè penes illos esse, qui sanctificantur in sanguine Christi, & quia ipsa Phrasis quâ quis dicitur se pro aliquo redemptionem dare præ se ferre videtur redemptionem ex redimentis animo in usum ac liberationem captivorum offerri ac dirigi, quæ oblatio ac directio Christi inanis esse non potest: & quia alioquin etiam pro demonibus se dedisse redemptionem dici posset, quibus redimendis sine dubio pretium sanguis ejus est sufficiens, ac denique quia Prospero doctior & antiquior Augustinus concludit se genuinius veriusque respondere dicendo Christum esse mortuum pro generibus singulorum, quibus scilicet mors ejus profuit. Afferit igitur Jansenius Christum pro nullius salute præterquam prædestinatorum esse mortuum, quod hæresios damnatum est.*

Dum ultrà fatetur Christum mortuum esse pro fidelibus ut justitiam iis temporalem promereretur, quid facit ut eum censuræ subducatur, definiente Sede Apostolicâ quod etiam pro aliorum quàm qui prædestinati sunt salute Christus mortuus sit?

Neque Jansenium juvat quod dixerit Christum

flum obtulisse pretium quod redimendis omnibus etiam non prædestinatis sufficiebat, cum aliud sit offerre Patri pretium sufficiens redimendis omnibus, aliud pretium sufficiens offerre pro omnibus redimendis.

Age ostende Jansenium usquàm in suo Pseudo-Augustino admisisse Christum mortuum esse pro æternâ salute vel unius saltem reprobî, me victum, Jansenium verò à Propositionis sensu absurdissimo immunem fatebor. Non obijciam quod possem merito Jansenium oppositum docuisse locis, quos retuli luce meridianâ clarioribus. Sed numquam poterit Adversarius Christum vel pro unius reprobî salute mortuum ostendere in Jansenio; nam quamvis inconstans fuerit Iprensis in autoritate Patrum modò extollendâ, modò deprimendâ, in dogmatibus tamen tantâ ubique conclusionum cum Principiis consonantiâ, tantâ ubique conformitate procedit quantam nescio an reperiâs in ullo Scholasticorum.

Instat Palladius Spongiæ pag. 2. *Loquitur Jansenius non de quacumque voluntate, sed de absolutâ, ut ejus verba indicant; proprimi, inquit, generis hominibus Christus, pro veris ovibus, vero populo suo ab se salvando semetipsum dedit ac tradidit.*

Ref.

Respondeo Jansenium quidem non nunquam mentionem facere voluntatis absolutæ, at præterea sæpe etiam sine restrictione negat ut lib. 3. de Grat. Salv. c. 21. Christum voluisse salutem, ullius non prædestinati: *Quia ipsa phrasis, inquit, quâ quis dicitur se pro aliquo redemptionem dare præ se ferre videtur redemptionem ex redimentis animo in usum ac liberationem captivorum esse ac dirigi, quæ oblatio ac directio Christi inanis esse non potest, &c.* & ut hoc scilicet dærem Palladio, nusquam novæ Augustini commentator admisit in statû naturæ lapsæ ullam in Deo, vel in Christo voluntatem beneplaciti inefficacem, sed tantum voluntatem signi vel similem complacentiam, vi cuius nec præstentur nec offerantur ulli reprobo media sufficientia ad salutem. Multum gloriatur Palladius suo Paulo Irenæo, quippe, qui Jansenii dogmata sana esse clarissime demonstravit, ex cujus vindiciis pateat nihil adversus Jansenium adferri posse, quod non jamdiu confutatum & obritum sit.

Multa Paulus hîc congerit, quorum hoc ferè est compendium 1. Jansenium tantum negasse quòd Christus mortuus sit pro omnibus omninò voluntate absolutâ: 2. Ut omnibus præterea collata sint auxilia Molinisticè sufficientia: 3. Locutiones Jansenianis perfimiles

miles etiam ab Aug. & Thomâ , Ecclesiâ Lugdunensi , & Concilio Valentino fuisse usurpatas.

Respondeo: primum jam dissolutum est. Ad 2. quæro ubinam Iprensîs gratias saltem Thomisticè, vel Scotisticè ad salutem sufficientes omnibus preparatas & vel datas vel oblatas agnoverit, qui non tantum infantibus voluntate absolutâ baptismum negatum, sed innumeros adultos & rationis compotes in lege novâ omni auxilio supernaturali prædicat destitutos propter solum originis peccatum?

Aliter profectò Doctores Catholici, & qui præ cæteris à Jansenistis in doctrinæ Societatem vocantur illustres Thomistæ. Didacus Alvarez de Auxiliis dis. 112. n. 5. 6. 7. docet Deum omnibus offerre quantum est ex se auxilia intrinseca sufficientia ad salutem, Christum pro omnibus mortuum esse & dein omnibus adultis conferre auxilium supernaturale intrinsecum AD IMPLENDA PRÆCEPTA naturalia, quæ supposito peccato per vires naturæ impleri non possunt, & illud auxilium recipi ab omnibus pro loco & tempore quo præceptum obligat, & præsertim dari omni homini ad usum rationis venienti, & si eo bene utatur, infallibiliter dandum auxilium sufficiens AD IMMEDIATE CREDENDA mysteria fidei.

Di-

Didacus Nugnez Cabezudo. Tom. 2. in 3.
p. q. 1. ad a. 2. *Probat*ur , inquit , *Christum*
satisfecisse pro omnibus quantum ad sufficientiam ,
hoc enim est dedisse omnibus AUXILIUM SUFFI-
CIENS UT AGANT PŒNITENTIAM.

Jansenius vult tantum Christi mortem fuisse pretium sufficiens non tamen pro omnibus oblatum. Nec omnibus gratias ad salutem sufficientes promeritum ; imò nulli nisi prædestinato.

Didacus Nugnez ibid. q. 86. ad a. 1. concl. 2.
Impossibile est quod peccatores salventur nisi agant
pœnitentiam , sed omnibus dat Deus auxilium suf-
ficiens ad salutem ; ergo etiam ad pœnitentiam.
Quâ id ratione firmat ? Minor , inquit , patet
Joannis 3. sic Deus dilexit mundum ut filium suum
unigenitum daret , ut omnis , qui credit in ipsum
non pereat , sed habeat vitam æternam. Et 1. Ioan.
3. ipse est propitiatio pro peccatis nostris , non pro
nostris autem tantum sed etiam pro totius mundi ,
& 1. ad Timoth. 4. Salvator omnium maxime
fidelium. Hinc infert omnibus adultis ratione
utentibus , nullo excepto datur auxilium suf-
ficiens.

Joannes Gonzales de Albelda in 1, p. disp.
73. sect. 3. n. 24. docet in Deo esse sinceram vo-
luntatem generalem quâ vult omnes homines salvos
fieri . . . quâ omnibus vult auxilia sufficientia ut

aternam possint, si velint, salutem consequi. Disp. 77. sect. 3. n. 24. Si auxilia sufficientia ad salutem considerentur in generali, omnibus conferuntur à Deo ejusmodi auxilia, quia pro omnibus mortuus est Christus.... quamdiu quis manet in hac vitâ, exclusus non est à remedio salutis, sive adultus sit, sive parvulus, cui per alios subveniri potest.

Si magis placeant recentiores, accipe Gonetum Tom. 1. Tract. 4. disp. 4. a. 2. §. 4. Iansenii sententia, inquit, non tantum fidem mutilat, & spem infringit, verum etiam refrigerat Charitatem. Et infra: Præcipuum divina Charitatis incentivum nobis Iansenius eripit, cum pro electorum tantum salute Christum mortuum esse affirmat. Ibid. Hanc Iansenii propositionem & S. Scripturæ & Patrum testimoniis impugnat accerrimè, absurdis & inconvenientibus ex ea deductis explodit, & oppositum probat illo 1. Apost. ad Tim. 2. Deus vult omnes hominès salvos fieri, ubi ait Apostolum non loqui de simplici velleitate & nudâ complacentiâ, sed ut explicat a. 5. §. 1. voluntate antecedente præparante media seu auxilia, quibus homines sufficienter ordinantur & promoveantur in vitam æternam.

Voluntas illa antecedens non tantum est respectu hominis innocenti sed etiam primo

mayo

maivo peccato inquinati , adco ut potentia servandi præcepta non in solâ naturâ integrâ, sed & in faucîâ servanda sit , & idcirco præstandæ omnibus gratiæ sufficientes. Sic enim loco citato artic. 5. §. 1. in statu natura lapsa, inquit , salvari debet possibililas præceptorum supernaturalium , ut constat ex definitione Tridentini, & ex novâ constitutione Innocentii X. Ibid. si homines essent impotentes ad implenda præcepta supernaturalia & carerent auxiliis sufficientibus ad illa observanda, non peccarent ea transgrediendo vel omit-tendo, quamvis talis impotentia & carentia auxiliorum proveniret ex peccato Adami , & esset voluntaria in capite.

Non minùs dilucidè Vincentius Ferre tom. 2. tract. 9. de voluntate Dei q. 6. §. 5. n. 642. postquam citasset verba quædam , quibus Jansenius hæresiarcharum more mitigare in speciem visus fuerat dogma hæreticum , sub-dit : *Quibus ultimis verbis quamvis videatur Jansenius aliquantulum temperare hæresim suam , tamen illi non est fidendum , quia statim redit ad vomitum pestifera doctrinæ.*

Hoc ubi ex ejus Pseudo-Augustino probavit , sic concludit ; verba ad longum adduxi ut appareat quàm justè contrà Jansenium hæc propositio , ' Semipelagianum est asserere Christum pro omnibus omninò hominibus mortuum fuisse, aut sanguinem

guinem fudisse, damnata sit ab Innocentio X.

N. 644. Fatendum est, inquit Christum verè effectum ipso mortuum fuisse pro omnibus, non quod effectus passionis omnibus applicatus sit, sed omnibus à Deo preparatus, omnibus in statu naturæ lapsæ adultis ratione utentibus oblatus immediatè, parvulis mediatè in aliis. §. 6. n. 647. Omnes homines, inquit, tenentur ad salutis consecutionem; ergo possunt illam consequi. Hoc posse dant auxilia sufficientia ad consecutionem beatitudinis. Ubi quamvis per se satis evidens appareat, agi etiam de hominibus consideratis post culpam originis, apertius se explicat N. 650. respondens ad objectionem Jansenii; *Eslo*, inquit, homo per peccatum contraxerit immediatam carentiam auxiliorum, sufficienter tamen scimus ex Tridentino quod Deus impossibilia non jubet; ergo semper erit fatendum, quod per Christum Salvatorem restituta sint hominibus auxilia sufficientia ut possint observare mandata, aliàs Deus jubere impossibilia. N. 653. citat Ferrariensem 3. contra Gentes c. 159. dicentem, *Secundum autem auxilium omnibus impendit & nulli quantum ad hoc absens est Deus, cum nullus sit, qui ab eo non moveatur ad bonum & ad gratiæ preparationem.*

Aliter Arnaldus, qui post Jansenium in nuperrâ peccati Philosophici denunciatione in-

nu-

numeros adultos & rationis compotes omnis divinae gratiae expertes facit.

Distinctius quam Ferrariensis apud P. Ferre loquitur Soto in 4. dist. 14. a. 10. *Quod nunquam per Deum stat quo minus quicumque peccator reconciliari cum ipso valeat: nemini enim auxilium speciale denegat, quod ad reconciliationem sufficit.*

Didicere hæc Thomistæ ab Angelico suo Magistro in Epist. ad Hebræos c. 12. lect. 3. *Deus, inquit S. Doctor, vult omnes homines salvos fieri, ET IDEO GRATIA NULLI DEEST SED OMNIBUS QUANTUM IN SE EST SE COMMUNICAT.* 3. *Contrà Gentes cap. 150. DEUS QUANTUM IN SE EST PARATUS EST OMNIBUS DARE GRATIAM, VULT ENIM OMNES HOMINES SALVOS FIERI.*

Pseudo-Augustinus non nisi in statu innocentiae omnibus hominibus parata concedit media ad salutem sufficientia decreto efficaci, quandoquidem innox à pravo peccato primi parentis infinite penè multitudini negata censetur decreto Dei ineluctabili.

Voluntati Dei salvandi omnes etiam post peccatum originale conformis fuit voluntas Christi, quæ juxta S. Thomam 1. ad Tim. 2. lect. 1. *Ipse est propitiatio pro peccatis nostris, pro aliquibus efficaciter sed pro omnibus sufficienter.*

ter. *Quibus in verbis, inquit, Ferre, exprimit (S. Thomas) Christum pro omnibus in effectu mortuum, etsi efficaciam salutis aeternae non omnes acceperint ex morte Christi: sicut dum quis tantum habet in se auxilium sufficiens ad salvandum, dicimus, iste efficaciter, hoc est in effectu habet in re sufficientiam ad salutem, sed non salvabitur ex vi illius solius.*

Denique citatâ simili S. Thomæ sententiâ concludit, *Ergo secundum D. Thomam Christus mortuus est pro omnibus qui erant infecti peccato originali. Idem probat ex Augustino dicens, quod nisi pro omnibus, cumindò Christus mortuus sit non valeat argumentatio Augustini adversus Julianum probantis cum Apostolo peccatum originale & mortem spiritualem omnium ex morte Christi pro omnibus.*

Pluribus S. Augustini, & S. Thomæ pronuntiatis ibidem sententiam orthodoxam invictè corroborat contrâ Jansenium. Sic ubi sanctorum alteruter Christum pro solis electis mortuum aut orasse asserit, de intentione salutis efficaci facillè explicatur. Inefficacem & conditionatam voluntatem neuter negavit. Ea verò voluntas respectu finis, & aeternae salutis conditionata, absoluta est respectu preparationis & oblationis mediorum verè sufficientium, quæ si adulti non repudient,

vol respectu parvulorum aliunde non reddantur irrita , finis obtinebitur , quia in voluntate conditionatâ & inefficace, quâ Deus vult omnes homines salvos fieri & Christus clausum omnibus cælum pendere, continetur voluntas efficax conditionata.

Apagè igitur commentum illud Jansenianum de morte Christi tantum pro generibus singulorum, non pro singulis generum. Apagè & illud de pretio tantum omnibus sufficiente, non pro omnibus oblato. Frustrâ apud Thomistas præsidium quærant Janseniani. *Contrâ Jansenium*, inquit Gonet, ostendimus Tom. 2. disp. 5. a. n. 159. Christum pro omnibus mortuum esse. PASSIO CHRISTI PRO OMNIBUS OBLATA, causa est sufficiens salutis omnium & veluti generalis quadam apotheca continens omnia media seu remedia ad salutem necessaria, & fons ille de quo dicitur Zach. 13. in illa die erit fons patens domui David. Pari benevolentia Deus omnibus hominibus etiam peccato sauciis remedium offert Christi meritis paratum.

Ibid. Si ly dare sumatur prout significat idem, quod præparare seu offerre in communi, Deus omnibus reprobis tam parvulis quam adultis dat media seu auxilia ad salutem sufficientia: Probatur breviter, Deus habet voluntatem antecedentem de salute

ture omnium hominum, quæ non solum est voluntas signi (ut est Jansenistis) sed etiam beneplaciti atqui proprius hujus voluntatis effectus est preparare media seu auxilia ad salutem sufficientiam.

Ad Ecclesiam Lugdunensem & Concilium Valentinum tam magnificè à Palladio jactatum respondere jam pridem Theologi orthodoxi, inter quos R. P. du Bosc ordinis S. Francisci Regi Christianissimo à Conciliis & concionibus in lib. *de morte Christi pro omnibus* Parisiis impresso 1651. ubi pag. 207. solidè ostendit autorem doctrinæ editæ nomine Ecclesiæ Lugdunensis, uti & Concilium Valentinum tantum negare quod Christus esset mortuus pro salute omnibus efficaciter procurandâ, sic ut descendens ad inferos inde damnatos liberasset contra illud propheticum; *ero mors tua ô! mors: ero morsus tuus inferne!* ubi non omnes per Christum salvandi indicantur, cum morsus partem tantum decerpi significet.

Eadem ferè est explicatio Stephani des Champs de hæresi Janseniana lib. 2. disp. 7. c. 14. Petavii Tom. 4. parte 2. lib. 13. c. 14. nisi quòd hic neget Christum obtulisse sanguinem, orasse, apud Patrem intercessisse pro impetrandâ salute eorum, qui jam in peccato

cato erant damnati , ac mortali vitâ defuncti. Quamvis & hi juxtâ Petavium redempti sint à Christo , hoc sensu , quòd propter ejus merita & passionem à Deo præviam & acceptatam auxilia eis destinata , & suo tempore concessa sint adeò sufficientia ad salutem , ut per Deum non steterit quo minùs per ea finem ultimum consequerentur. Hanc mortis , hanc passionis suæ acceptationem ratam Christus habuit , & gratiarum actione prosecutus est , Deum pro ceterorum etiam reproborum salute impetrandâ oravit.

Cur Jansenista qui paulò antè citaverat Petavium designato libro , capite , numero quo verba extarent , in hac tam gravi accusatione locum ejusdem autoris celare nos voluit , nisi ut impunè calumniam inferret , & , si Jansenium suum damnationi eripere non posset , eâdem pariter prostratum exhiberet fortissimum fidei athletam & Jansenii debellatorem ? Ut verò etiam de accusationis veritate minimè dubites plura profert ex Petavio lib. 9. c. 7. n. 9. quibus hæc subnectit ; *Christus pro iis solum sanguinem sudit , qui æternam vitam consequuntur.* Quis non existimet etiam hæc verba loco citato reperiri ? Non reperiuntur tamen uti nec sensus , nec affine quidquam. Accusatoris hic vicem supple-

bo : tom. 4. p. 2. de incarnat. lib. 13. c. 14. ubi ex professo agit Petavius de morte Christi pro omnibus. Pro reprobis itaque, inquit, non sategit absolute Christus, neque de eorum salute directe Patrem interpellavit, sed tamquam ex obliquo quatenus ea, illis exoravit auxilia gratiae, quibus certa ipsis ad salutem via sterneretur si deesse sibi nolient : Adeoque non negat Christum pro salute omnium sategisse & interpellasse Patrem, sed tantum id negat de voluntate absoluta.

Ibidem supra mens ejus fit manifesta cum dicit : si de illa parte humani generis agitur, quae post Christum deinceps futura erat ad usque mundi terminum, consentaneum id mihi videtur, ad eos redimendos non pretium tantum modo fructumque pertinuisse mortis illius, sed etiam applicationem, & ut ad illorum salutem quodammodo prodesset, redemptoris orationem ; non eam tamen absolutam, cujusmodi pro electis ab eodem est exprompta Christo : verum hoc pacto ut necessaria illis impetraret adjumenta gratiae, quibus si bene uti vellent salutem, possent adipisci. Quare uti voluntas illa, quae reprobos nondum mortuos Deus salvos fieri vult, non est absoluta, sed conditionalis, in qua tacite hoc implicatum tenetur, si & ipsi velint, & opitulanti gratiae voluntariam navent operam : sic accommodatio illa Passionis Christi

*Si ad reproborum emendandam salutem , voto ipsius
& oratione facta , simili conditione temperata fuit.
Quid hic commune est cum propositione 5
Jansenii ? Quid non de promptum ex com-
muni doctrina Ecclesiæ ? Quid non perfe-
ctissimè consonum doctrinæ eorum , qui Jan-
seniano sensui ex diametro adversantur ?*

*I nunc Pseudò-Irenæe , & exultans vo-
ciferare pag. 23. , habent Jesuita propositionem
damnata 5 propositioni plane æquivalentem ab uno
ex suis prolata nullam ejusmodi in toto
Jansenii libro invenire ità crudam possunt , ut for-
tasse quisquam suspicari possit librum Petavii pro
Jansenii libro Innocentio X (quidni & Alexan-
dro VII) obtrusum fuisse.*

*O sicophantam ! age Magistri tui Ipren-
sis damnatum volumen oculis subijce , ego
tibi Petavium exhibeo verbis minimè ob-
scuris sententiæ Catholicæ suffragantem ,
assertâ morte Christi pro salute etiam repro-
borum , saltem qui antè vitâ non excesserant ,
imò & de his loco citato sic pronuntiat :
Dicî hoc tamen haud absurdè fas est Christum Do-
minum earentis pro reprobis , qui antè decesserant ,
pati voluisse , quod ratum illud habuerit , ac pro
eo gratias etiam egerit Patri , quidquid suâ
causâ , & propter merita passionis , meritisque sue
benè reprobisistis , ac damnatis in eorum vita fecisset.*

At quid istud beneficii, an fortè tam tenue, quo salutem non magis consequi possent, quàm, ut comparationibus Jansenii utar, fractis pedibus currere, destituti oculis videre, surdi audire? Nequaquam: sed cum passionem Christi pro omnibus dicit esse susceptam, hoc est, inquit, ejus gratiâ omnibus hominibus aditum ad salutem esse patefactum, addit fuisse sententiam, eamque verissimam Concilii Carisiacensis capitul. 4.

Ibid. Petavius n. 6. Equidem quod in superioribus capitibus studiosè est effectum, verissimum id esse arbitror, neque vel ab Augustini, vel hujus vestigiis inharentium placitis alienum, ut omnium etiam reproborum salutem voluntate quâdam antecedente Deum amplecti, sic Mediatorem Dei, & hominum Jesum Christum omnibus, quoad ejus fieri potuit, prodesse morte suâ voluisse, eorumque saluti consulere Quamobrem dici hoc universè potest Christi mortem ac merita omnibus ad salutem adducendis hominibus divinâ destinatione contulisse.

Nunc vide Adversarii æquitatem Jansenismo initiatis propriam. Nec tamen, inquit, ita sum iniquus, ut Petavium propterea censeam errorem, qui in illis verbis includi posset, etiam tradidisse. Hoc solum Jesuitas monitos volo, si iniquum sit (ut est iniquissimum) propositionem 5.

in Petavium conferri apud quem saltem extant verba (ut mentitur Pseudo-Irenæus) quanto iniquius in Fansenium , apud quem nec ipsa eius verba (materialia quoad omnes apices , sed quoad significationem & sensum) comparent.

Nolim & ego iniquus esse in Adversarium in cuius gratiam locum Petavii dabo integrum ex quo accusationis occasio accepta est. Tom. 4. part. 2. lib. 13. c. 14. n. 4. citat Petavius caput 4. Concilii Valentini reprehendentis Cariliacos quod pro illis impiis qui à mundi exordio usque ad passionem Domini in sua impietate mortui , æternâ damnatione puniti sunt , effusum Christi sanguinem definiant. Tum subdit ipsum verò pro illis solis hoc datum decernit (Concilium) de quibus Dominus cum Nicodemo colloquens dixit : sicut Moses exaltavit serpentem in deserto , ita exaltari oportet filium hominis , ut omnis , qui credit in ipsum non pereat , sed habeat vitam æternam. Ubi nec Petavius asserit pro solis prædestinatis mortuum esse Christum , sed auctoritatem Concilii sententiæ suæ obijciens , illud explicat , uti & Augustinum de voluntate absoluta & efficaci , quâ Christus aliter pro electis , aliter pro fidelibus , & justis non perseveraturis , aliter etiam pro infidelibus mortuus sit , sic tamen ut mors ejus etiam pro salute reproborum

oblata sit , & pro omnium salute acceptata à Patre , & quodammodò applicata in quantum intuitu mortis Christi præparavit , & quantum erat ex parte sua obtulit media ad salutem sufficientia , licèt non omnes sint illorum participes , sive culpâ propriâ , sive alienâ ut parvuli , sive quod iustas ob causas Deus communem naturæ ordinem noluerit immutare.

Aliter profectò statuit Jansenius , reprobis omninò nulli præparata , & oblata à Deo propter Christi merita fuisse media ad salutem sufficientia. In eo consistit præcipuum Jansenianæ hæresios virus. Hoc Petavio , hoc Thomistis , hoc orthodoxis omnibus horro-
ri est ac detestationi.

Criminationis vanitas non latuit Palladium , qui cum ex suo Irenæo descripsit tam multa , non prætermisisset , tam insignem Petavii locum , nisi apertè nimis confictum perspexisset , præsertim si is sit Palladius , qui vulgò creditur Dominus Ægidius de Witte calumniis in variorum ordinum religiosos præsertim in P. Ægidium Huygens Societatis Jesu Mechliniæ ab anno per Adventum Concionatorem toto Belgio per celebrem. Denique ut jactationem Palladii in Autorem retorqueam nihil pro Jansenio adferri

potest, quod non antè confutatum, & ob-
tritum sit.

C A P U T VII.

Propositiones ; esse Cornelii Jansenii confirmatur autoritate non tantum summorum Pontificum, Cardinalium, Episcoporum, aliorumque Catholicorum, sed & ipsorum Jansenistarum.

QUoniam res nobis est cum ojs sanctis Theologis, qui ut in criminandis alijs temerarii, in defendendis suis præsertim du-
cibus adeò obfirmant animum ut nulli cedant auctoritati, in facti potissimum, ut vocant, quæstione, quam solis sensibus decidi jubent, convincendi primùm fuere de sententiarum conformitate collatis Jansenii verbis cum famosiss. quinque propositionibus, quod dum abundè præstitum est, non omittenda idcirco auctoritas fidelibus irrefragabilis, nec ulli sana mentis recusanda.

Postquam Urbanus VIII. A. 1641. Pridiè nonas Maii constitutione in Eminenti damnasset Augustinum Jansenii ut continentem multas

ex propositionibus à predecessoribus suis olim . . . damnatis ac defendentem magno cum Catholicorum scandalo, & autoritatis S. Sedis contemptu, neque id tantum ex incerto rumore didicisset Pontifex sed ex diligenti & maturâ ejusdem libri lectione compertum testatur, neque ab aliis solum, sed à se; a nobis, inquit ibidem Pontifex compertum est prædictum librum, cui Titulus est Augustinus, Articulos, opiniones, & sententias in dictis constitutionibus (Pii V. & Gregor. XIII.) reprobatis atque damnatis continere, & renovare.

Innocentius X. A. 1653. prid. Kal. Junii Constitutione; Cum occasione: Pro rei gravitate coram aliquibus S. R. E. Cardinalibus ad id specialiter sapius Congregatis, à pluribus in S. Theologia Magistris quinque propositiones, inquit, fecimus diligenter examinari eorumque suffragia tum voce tum scripto relata maturè consideravimus, eisdemque Magistros variis coram nobis actis congregationibus prolixè super iisdem ac super earum quâlibet differentes audivimus. Cum enim ab initio hujusmodi discussionis ad divinum implorandum auxilium multorum Christi fidelium preces tum privatim tum publicè indixissemus, postmodum iteratis àis ferventiùs, ac per nos sollicitè implorata S. Spiritus assistentiâ tandem divino numine favente ad infra scriptam devenimus declarationem & definiti-

nem

nem. Hic sequuntur propositiones earumque censura.

Frustrà cavillantur Jansenistæ non proscribi articulos Augustini Janseniani, sed ejus occasione controversas & Pontifici oblatas propositiones; Nam licet occasionis hic cuiusdam meminerit Pontifex plus tamen exprimit, quàm in constitutione videant quidam Iprensis defensores. Cum, inquit Pontifex, occasione impressionis libri, cui titulus, Augustinus Cornelii Jansenii Episcopi Iprensis inter alias ejus opiniones (audis inter alias ejus opiniones) orta fuerit præsertim in Galliis controversia super quinque ex illis (Jansenii propositionibus ad quid enim Tò ex illis referes?) Complures Galliarum Episcopi apud nos instituerunt, ut easdem propositiones nobis oblatas expendere ac de unâquaque earum certam & perspicuam ferremus sententiam.

De quinque propositionibus tamquam ex Jansenio excerptis Papam interpellatum fuisse à Galliæ Episcopis satis constat: mox eorum testimonia loquentur. Constitutionem sic finit: Non intendentes tamen per hanc declarationem & definitionem super prædictis quinque propositionibus factam approbare ullatenus alias opiniones, quæ continentur in prædicto libro Cornelii Jansenii.

Quandonam amabo Pontifex hoc modo de cuiusdam libri propositionibus alijs statuit mo-

monendos fideles, nisi de aliquibus ejusdem libri propositionibus prius egerit, tuleritque sententiam? Hic saltem si dubites consule. Decretum A. 1654. die 23. Aprilis FERIA V. sancitum in Congregatione Generali S. R. ac universalis Inquisitionis habita in Palatio Apostolico Montis Quirinalis coram SS. D. N. Innocentio divina Providentia Papa X, ac EE. & RR. DD. S. R. E. Cardinalibus in universa Republica Christiana contra hæreticam pravitatem Inquisitoribus Generalibus à S. Sede Apostolica specialiter deputatis: ubi SS. D. N. Innocentius Papa X. post condemnatam suâ constitutione edita prid. Kal. Junii à incarnationis Dominicæ 1653. in quinque Propositionibus Augustini Cornelii Jansenii Episcopi Ipresensis &c. doctrinam, iteratò eundem Jansenii librum condemnat.

Quod luculentius testimonium desideres propositiones quinque Jansenii esse? Quomodo enim in illis damnatur doctrina Jansenii, si ad Jansenium propositiones non pertineant? Simile prorsus ejusdem Innocentii testimonium extat in ejus Brevis ad Cardinales, Archiepiscopos, & Episcopos, Cleri Gallicani in Comitibus generalibus Congregatos missio die 29. Septemb. 1654. Omnibus, inquit, Pastoralis officii administris: junximus, ut quâ par est obedientiâ, abique ser-

vari enixè curent constitutionem nostram, quâ die
31. Maii A. 1653. DAMNAVIMUS IN QUINQUE
PROPOSITIONIBUS CORNELII JANSENII DOC-
TRINAM EJUS LIBRO CONTENTAM CUI TITU-
LUS AUGUSTINUS.

Antè Innocentium X, antè EE. R. In-
quisitionis Cardinales, Episcopos, aliosque
à Pontifice consultos in Italiâ Theologos pro-
positiones in Augustino Jansenii legerant tot
Galliæ Episcopi, quorum octoginta quinque
Innocentii judicium de quinque proposi-
tionibus Jansenii postulant. Decennium est, in-
quiunt, ex quo vehemensissimis turbis Gallia ma-
gno nostro mœrore commovetur ob librum Posthu-
mum, & doctrinam Reverendissimi Cornelii Jan-
senii Iprensis Episcopi. Tales quidem motus sedari
oportebat tum Concilii Tridentini autoritate, tum
Bulle illius, quâ Urbanus VIII. sel. mem. adversus
Jansenii dogmata pronuntiavit, & Decreta Pii VI.
ac Gregorii XIII. in Baium edita confirmavit: At-
que hujus quidem Bullæ veritatem & robur novo di-
plomate vindicasti, sed quia nulli sigillatim propo-
sitioni certa censura nota inusta fuit, locus etiamnum
aliquis quorundam cavillis & effugio relictus est.
Intercludendum autem penitus speramus, si, ut
precamur, sanctitas tua, quid in hac re sentien-
dum sit clarè distinctèque definiat. Obtestamur ergo
ut has præsertim (Jansenii) propositiones de quibus
dis-

disceptatio periculofior & contentio ardentior est, ſanctitas tua expendat, & perſpicuam ac certam de unaquaque ſententiam ſerat.

Si neque his credant Janseniani conſulant omnes totius Europæ univerſitates, conſulant Doctores quotquot in Janſenio unquam verſati ſunt, conſulant Eccleſiam univerſam; unam deprehendent adverſus Arnaldum alioſque Janſenii ſequaces omnium vocem & ſenſum communem; quinque Propoſitiones famoſas citrà omne dubium eſſe Janſenii.

Quid ſolennem Alexandri VII proſcribentis propoſitiones V. ut excerptas ex Auguſtino Janſenii ejuſque ſenſu intellectas conſtitutionem commemorem; quid ejus Brevia; quid famoſi formularis ſubſcriptionem? Sed de his plura inferius.

Occinant igitur deinceps nobis cum Arnaldo ſuo devoti Janſenio Theologi propoſitiones in Janſenio non reperiri, illum ab erroribus ſibi impoſitis eſſe remotiſſimum, ut Arnaldus etiam poſt Innocentii X. definitionem ſcribere non eſt veritus Epist. 2. ad Ducem & Parem Franciæ; nos illi propoſitiones in Pſeudo-Auguſtino non tantum perſpiciendas, ſed penè palpandas dedimus. Accedit Romanorum Pontificum, Cardinalium, Epiſcoporum, Univerſitatum Pariſienſis, Pictavien-

vienſis , Duacenſis , &c. & totius Eccleſiæ irrefragabilis autoritas , undè meritò hanc Arnaldi ſententiam excepit ea Facultatis Theologiæ Pariſienſis cenſura A. 1656. die ultimâ Januarii lata , & confirmata 1. Feb. his verbis : *Sacra Facultas de re totâ per duos meſes integros habitis ſerè quotidie apud eandem Sorbonam ſolemnibus comitiis deliberavit & poſt accuratam diſquiſitionem tandem definivit priorem illam quæſtionem , ſive propoſitionem , quæ eſt facti (poſterior erat de negatâ Petro gratiâ ſufficiente) eſſe temerariam , ſcandalofam , injurioſam Summo Pontifici & Episcopis Gallia , atque etiam præbere occaſionem renovandæ ex integro poſt damnationem Janſenii doctrinæ. Si enim doctrina ejus libri nihil contineat ab Eccleſiâ proſcriptum , ſed ut idem Arnaldus eadem Epistolâ , uti & utrâque pro Janſenio apologiâ vult , aliud non complectatur , quàm genuinam S. Auguſtini doctrinam , tot olim Pontificibus , Conciliis Oecumenicis , & Eccleſiæ univerſæ probatam , quid ni eam tueri quilibet poſſit tutiſſime ? Conſequens , ſcio , admittunt & omnibus inculcare conantur Neo-Auguſtiniani ; non alio enim fine quæſtionem facti negant , quàm propter quæſtionem juris.*

Longè clariffimum & Novatoribus pluſ-

H

quàm

quàm omnium Cardinalium & Romanorum Pontificum venerandum est testimonium D. Natalis de la Lane Abbatis B. M. de Valle Crescenti, qui à Jansenianâ factione sub Innocentio X. cum DD. de S. Amour, Desmares, Manessier, Angran, & quidem ut legationis caput Roman missus fuit ad aver- tendam à quinque Propositionibus lethalem sententiam: idem qui fuit autor V. articu- lorum; hic inquam vir tantus lib. de gratiâ victrice, quem ut ipsi nos docent Jansenistæ in nupero scripto cui titulus *Question curieuse* con- scripsit sub nomine D de Bonlieu, desump- to, ut apparet, nomine ex loco Monasterii vallis crescentis, asserit eas habere *sensum om- ninò sanum*, quo *Illustrissimus Ipressium Antistes aliiq̃ Augustini discipuli eas semper sustinuerunt.* Locum hunc dabo mox ampliorem. Hæc inter cætera probavere Jansenianæ factionis proceres sex DD. Broulle, Bourgois, Talendier, Feydeau, Herman, Olonergean. Idem agnovere omnes illi Jansenii defen- sores, qui cum primùm Propositiones sine autoris nomine Sorbonæ offerri ad censuram animadverterent, non dubitarunt eas tam- quam Jansenii defendere, & tam illustris Episcopi doctrinam non expresso ejus nomi- ne in discrimen vocari questi sunt, quanto strepitu! Quibus clamoribus! Præ-

Prætereo Arnaldum sive quisquis est autor libelli cui titulus *Memoires sur le dessein, qu'ont les Jesuites.*

Non habent igitur Jansenistæ quo itam insigne mendacium, vel si ita loqui nos malint, restrictionem suam tueantur, cum negant propositiones esse Jansenii, nisi refugiant ad sensum, atque hunc, prout à Pontificibus damnatus est, negent in Jansenio reperiri, de quo capite sequenti.

C A P U T VIII.

Quinque Propositiones damnatae sunt in sensu Jansenii.

QUotiescumque Jansenii defensores negant quinque Propositiones damnatas reperiri in Jansenio non illud hoc sensu negant quasi propositiones nullo modo, nullo sensu in ejus Augustino deprehendantur, foret enim id mendacium nimis patens, & cuius convictio vel mediocri Theologo foret perfacilis, ut à nobis superius est demonstratum. An enim non satis constat propositionem 1. ipsis terminis quod omnes apices extare apud Jansenium lib. 3. de Gratia Christi c. 13. col. 334? Secundam omnium oculis

aspectabilem esse lib. 2. c. 24. col. 200. nisi quod ibi dicatur *hominem non posse resistere*, propositio verò damnata tantum statuatur hominem numquam resistere? Idem ex suprà dictis patet de propositionibus cæteris; & tamen negant Adversarii ullam in Jansenio contineri; intelligunt igitur de propositionibus formalibus seu quoad sensum.

Hinc dicunt non contineri errores, non propositiones damnatas, non hæreses in Jansenio. Et sanè, meritò sic loquuntur, meritò negant propositiones esse Jansenii, si alio sensu à Jansenio traditæ sint, alio à Pontifice proscriptæ. Non enim propositio censetur eadem, ubi sensus discrepat, quamvis perfecta litterarum & vocum statuatur consonantia. Quis eandem propositionem esse dixerit; canis est animal, si à duobus proferatur, altero intelligente de cane terrestri altero de caelesti? Gemina secundum omnes propositio est altera multum alteri dissimilis, ita ut prior verissima sit, falsa posterior. Et ne à Theologia abeamus, utor exemplo D. Antonii Arnaldi vel ejus Ammanuensis in tractatu nupero (*Question curieuse*) proferat Catholicus hoc ex Sacris paginis *Verbum Caro factum est*, proferat & Eutychianus. Intelliget hic verbum, uti in personam ita & in naturam unam cum

cum carne in Christo coaluisse, ille verbum
constituissè unam cum carne personam, duas
infinite discrepantes naturas.

Simile quid occurrit in propositione dam-
natâ inter Bajanas 27. *Liberum arbitrium sine
gratie Dei adjutorio non nisi ad peccandum valet.*
Si verborum corticem spectes videbitur Au-
gustini; sensum tamen si ex scopo & cæteris
circumstantiis introspexeris, patebit plurimum
dissidere à Bajo Augustinum. Augustinus enim
negat libero arbitrio gratiâ destituto poten-
tiam eliciendi opus salutiferum, Bajus etiam
naturaliter honestum & indifferens. Atque
adeò licet voces quædam in aliquo S. Patre,
vel etiam inferioris ordinis Theologo depre-
hendantur eadem, quæ in propositione con-
damnatâ, non illicò sequitur in Patre illo vel
Theologo esse propositionem damnatam;
cum propositionis identitas vel distinctio sit
pene sensum potius, quàm sonum verbo-
rum.

Sed hæc Pseudo-Augustinianos nostros
quid juvant, cum potius eorum causam magis
reddant desperatam? Damnavere scilicet
Pontifices non solum Propositiones, quæ
quoquo modo litteris & sono verborum re-
ferunt loquendi modum Iprensis Antistitis,
sed ipsas ejus propositiones; ejus sensu prout

hic in *Augustino* ejus exprimitur intellectus, ejus opiniones, sententias, doctrinam proscriptere. Si dubites inspicere modò diplomata Apostolica, mox omnis dubitatio dispellatur, nisi te præposterus Jansenii defendendi zelus excecaverit.

Librum prædictum, inquit Urbanus VIII, cui titulus est *Augustinus, Articulos, opiniones, & sententias in dictis constitutionibus* (Pii V. & Gregorii XIII.) reprobata, atque damnata, ut à nobis compertum est, continentem & renovantem eandem auctoritate per præsentem omninò prohibemus, ac pro vetitis, & prohibitis haberi volumus.

De quinque Propositionibus etiam distinctius Eminentissimi ac Reverendissimi Cardinales die 23. Aprilis 1654. Decreto speciali in Congregatione habitâ coràm Innocentio X. testantur quod idem Pontifex suâ constitutione editâ prid. Kal. Junii 1653. *Condemnavit in quinque Propositionibus augustini Cornelii Jansenii Episcopi Iprensis doctrinam*, non tantum verba materialia ex eo decerpta.

Alterum est ipsius Innocentii testimonium in Brevi ad Archiepiscopos, & Episcopos Galliæ dato die 29. Septemb. 1654. *Ubique servari*, inquit, *curent omnes Pastoralis officii administri constitutionem nostram, quâ die 31 Maii* 1653:

1653. damnavimus in quinque propositionibus Cornelii Jansenii doctrinam ejus libro contentam, cui titulus Augustinus.

Ex celeberrimâ constitutione Alexandri VII. A. 1656. 17. Kal. Novemb. operæ præ-
tium est præcipuam partem huc referre :
„Cum autem, sicut accepimus, nonnulli
„iniquitatis filii prædictas quinque Proposi-
„tiones vel in libro prædicto ejusdem Cor-
„nelii Jansenii non reperiri, sed fictè & pro-
„arbitrio compositas esse, vel non in sensu
„ab eodem intento damnatas, fuisse, asse-
„rere magno cum Christi fidelium scandalo
„non reformident; Nos qui omnia, quæ
„hac in re gesta sunt; sufficienter & attentè
„perspeximus, utpote qui ejusdem Innocen-
„tii Prædecessoris jussu, dum adhuc in mi-
„noribus constituti Cardinalis munere fun-
„geremur, omnibus illis congressibus inter-
„fuimus, in quibus Apostolica Auctoritate ea-
„dem causâ discussa est eâ profectò diligentia
„quâ major desiderari non posset; quamcum-
„que dubitationem super præmissis imposte-
„rum auferre volentes, ut omnes Christi fi-
„deles in ejusdem fidei unitate sese conti-
„neant, ex debito nostri Pastoralis Officii ac
„maturâ deliberatione præinsertam Innocen-
„tii Prædecessoris nostri Constitutionem,
De-

„Declarationem & Definitionem harum se-
 „rie confirmamus, approbamus, & inno-
 „vamus, & quinque illas propositiones ex
 „libro præmemorati Cornelii Jansenii Epis-
 „copi Iprensis, cui titulus est Augustinus,
 „excerptas, ac in sensu ab eodem Cornelio
 „Jansenio intento damnatas fuisse Definimus
 „& Declaramus, & uti tales, inultâ scili-
 „cet eadem singulis notâ, quæ in prædictâ
 „Declaratione & Definitione unicuique illa-
 „rum sigillatim inuritur, iterum damnamus
 „ac eundem librum sæpè dicti Cornelii Jan-
 „senii, cui titulus Augustinus, omnesque
 „alios tam manuscriptos, quam typis editos
 „& si quos forsan impofterum edi contige-
 „rit, in quibus prædictâ ejusdem Cornelii
 „Jansenii doctrina, ut supra, damnata de-
 „fenditur vel adstruitur, aut defendetur &
 „adstruetur, damnamus itidem atque prohi-
 „bemus.”

Non de se solo edicit Alexander, quod
 damnet propositiones sensu Jansenii, ve-
 rum etiam testis ipse oculatus eorum, quæ
 gesta fuerant sub Innocentio X declarat eas-
 dem ab isto quoque Pontifice, eodem sen-
 su fuisse confixas: sic enim in prædictâ Con-
 stitutione Alexander præmonet; *licet ea quæ*
Apostolicis Constitutionibus (Innocentii X) abun-
dè

dè fuerint definita novæ decisionis, sive declarationis accessione nequaquam indigeant, quia tamen aliqui publicæ tranquillitatis perturbatores illa indubium revocare, vel subdolis interpretationibus labefactare non verentur, ne morbus iste latius divagetur, promptum Apostolica autoritatis remedium censuimus non esse differendum.

Excanduit autem vehementer zelo sancto succensus Pontifex cum his nequidquam obstantibus asserentes audivit Vicarios Eminentiissimi Cardinalis de Rets Archi-Episcopi Parisiensis tantum fuisse propositiones quinque damnatas secundum se, non autem in sensu Jansenii. Sic eos temeritatis, ac mendacii redarguit A. 1661. 1 Augusti: Non sine magna profectò admiratione, iusto animi dolore, quo paterna viscera commoveantur, publicatum vestro nomine die 5 Junii anni hujus edictum perlegimus, in quo sanè inprimis non minus temeraria, quam mendaci narratione profertur, tempore felicitis recordationis Innocentii X. non aliud actum fuisse, quam inquisitum an propositiones illæ 5 de gratia veræ & Catholicæ, an potius falsæ, & hereticæ censendæ forent (prout jacent à circumstantiis separatæ) cum eo planè tempore nedum de propositionibus ipsis cognitio habita fuerit, verum QUOD E JANSENII LIBRO, AUGUSTINUS, NUNCUPATO, EXTRACTÆ ESSENT, ET ITA IN

SENSU AB EODEM JANSENIO INTELLECTÆ
DAMNATÆ , UTI NOS IPSI CONSTITUTIONE
NOSTRA 17 KAL. NOV. 1656 LUCULENTER,
EXPRESSE DECLARAVIMUS.

An fortè temerè in tanti momenti nego-
tio à Pontificibus processum , an pratermissæ
in rebus gravissimis adhiberi solitæ delibera-
tiones , nimis facilè creditum Jesuitis Janse-
nii æmulis , in propositionibus quinque sen-
sum Jansenianum fraudulenter comminiscen-
tibus absurdissimum , & meritò damnabilem ?

Objectionem commentitiam , & à Janse-
nianis nullo argumento excogitatam , summo
verò Sedis Apostolicæ contemptu libellis plu-
ribus insertam , sparsamque in vulgus diluit.
disertissimè testis omni exceptione major Car-
dinalis Albitius lib. de Inconstantia in fide c.
3. n. 26.

*Qua quidem , inquit , diligentia me assisten-
te Assessore suprema , & universalis Inquisitionis
Romane , & maxima quidem adhibita fuit cum
sanctæ memoriæ Innocentius X ad condemnationem
5 propositionum ex Augustino decerptarum deve-
nit. Non enim contentus fuit , quod in pluribus
Congregationibus habitis coram Emin. Et Reve-
rendissimis suprema universalis Inquisitionis Car-
dinalibus Inquisitoribus , sententiæ Doctissimorum
Theologorum Qualificatorum , Ordinationum
adhibitis etiam extraordinariis qualificatoribus ex-*

,quirerentur: sed ipsemet Innocentius per plures dies
 ,eorundem Theologorum qualificarum sententias
 ,cum patientia audivit, & coram se, Cardina-
 ,libus Inquisitoribus, & Theologis qualificaribus
 ,quemdam Abbatem de la Lane, aliosque Do-
 ,ctrina Janseniana fautores admisit, Votaque Theo-
 ,logorum qualificarum in scriptis redacta magno
 ,studio, & diligentia perscrutatus fuit, aliisque
 ,Eruditiss. viris in Consilium adhibitis, ac indi-
 ,ctis per Ecclesias urbis supplicationibus tandem in
 ,pervigilio Pentecostes ad condemnationem prædi-
 ,ctarum 5. propositionum devenit, afflante equidem
 ,Spiritu sancto cujus assistentia in gravissimo ne-
 ,gotio semper evidentissime apparuit.

Quod Eminentissimi Albitii testimonium
 retulit Cardinalis de Aguirre Theologiae S.
 Anselmi Tom. 3 edito Romæ A. 1690 Pro-
 legomeno 5 indignabundus exclamans: Eant
 nunc quicumque aliter sentiunt aut loquuntur, vel
 scripturiunt de examine, discussione, & consul-
 tationibus preparatoriis ad eam definitionem eden-
 dam, quâ nullam unquam diutius, aut attentius
 Roma meditata fuit; Suspicientur Jansenistæ
 cum suo Paulo Irenæo pag. 230 librum Pe-
 ravii pro Jansenii libro Innocentio X obtru-
 sum fuisse, jactent cum suo Lovaniensi Bac-
 calaureo in strenua veritatis A. 1680. pag. 49.
 Quod si Pontifex illas omnes quinque propositiones
 vi-

viderit in opere *Jansenii* , viderit certè in exemplari eum ob finem corrupto , ut aliàs factum est.

Vociferentur cum suo P. F. Eugenio Gellender seditioso nuper Evangelii Janseniani apud Lovanienses præcone , infeliciore scriptore in suo libello cui titulus: *Ultima vox zelatricis Innocentia* A. 1689. pag. 30. Urbanum VIII, Innocentium X; pag. 31 Alexandrum VII fuisse deceptos , somniat hic pag. 33 se audivisse ex viro fide dignissimo (is fuit Pastor in Leefdael) qui idipsum , inquit , mihi referebat ex proprio ore Exim. Lupi attestantis , quod Alexander VII ipsi protestatus fuerat illas ipsas 5 propositiones totidem verbis se legisse in prædicto *Jansenii* libro , in una & eadem pagina , quod certè sine apertissima deceptione , & istius libri falsificatione omninò fuit impossibile. Quomodo omnes propositiones in una eademque pagina vidit Pontifex , si obtrusus ei fuerit liber Petavii? Certè non sic reperiuntur apud Petavium , imò omnes , qui in Janseniana Historia non planè peregrini sunt , norunt Petavium 5 propositionum fuisse impugnatorem acerrimum , bellis contra Jansenianos nobilem. Quid ni verear , ne sententiarum interpretes tam acuti Tractatum hunc nostrum in Jansenismi patrociniū aliquandò adducant?

Eximium P. Lupum tam enormis mendacii reum negant ejus ex eadem familia Augustini Discipuli , aiunt cum autoritatis Apostolicæ vindicem propositiones in Jansenio rectè damnatas agnovisse , quidquid olim de eo speraverant Janseniani cum Doctorali laurea jam decorato applausere occinentes festivo carmine , Patriam ejus Ipras non solo Antistite Cornelio Jansenio , sed etiam Doctore suo Eximio Lupo , gratiæ scilicet Augustinianæ vindice gloriarî. Uter illorum tinxerit , alii quorum interest despiciant.

Interea mirari liceat Pseudo-Augustinianorum impudentiam , qui cum suo Baccalaureo D. Gery in Apologia Historica censure Lovanientis , & Duacensæ ab ipsis Duacenis Doctoribus A. 1690. 21 Januarii meritò censuratâ , persuadere conantur simplicioribus omnes , quos *Molinistæ Jansenistas* vocant , vix ullum edere tractatum , in quo non prabeant illustre aliquod erga Apostolica Decreta , atque imprimis erga Constitutionem Innocentii X specimen observantia. Damnat Constitutione illâ Pontifex in quinque propositionibus Augustini Cornelii Jansenii Episcopi Iprensis doctrinam , ut Eminentissimi Cardinales in Congregatione Inquisitionis universalis coràm ipso Innocentio X approbante declarant , & Innocentius

ipse verbis suprà citatis testatur. Jansenistæ
verò ad unum omnes negant mordicis do-
ctrinam Jansenii damnatam, aut certè rectè
damnatam, cespitante Pontifice in quæstio-
ne facti.

Hæc est religiosa submissio, hæc reve-
rentia, quæ colunt Apostolicam Sedem, sed
ea magis elucescet ex sequentibus. Altum si-
lere solent de Constitutione Alexandri VII,
quia nimis apertè damnat Jansenii sententiam, un-
dè sperant eam aliquando abrogandam, inò
id jam inde præstitum sparsere pridem Leo-
dii, Lovanii, & in vicinis Belgii civitati-
bus, occasione cujusdam Brevis Pontificiæ ad
Lovanienses transmissi, de quo plura, ubi
ostendam Jansenismum non fuisse merè ima-
ginarium, Alexandro VII Ecclesiam mo-
derante.

C A P U T V I I I .

*Discernitur quæstio facti à quæstione
juris. Hæc potissimum controver-
titur; propter hanc Jansenistæ ap-
pellantur non propter illam solam.*

Scripseritne aliquando Cornelius Janse-
nius Episcopus Iprensis librum; cui ti-
tulus

tulus *Augustinus*, an verò alius nescio quis nomine Jansenii, non juris, sed facti quæstio est; quod nemo negaverit. Sic & mera facti quæstio est, an, si Jansenius librum composuisse supponatur, in charta expresserit animi sui sensum, an non ubique mentitus, à mente sua scripserit omnia prorsus aliena, sive amulationis studio, sive ut quos oderat Scholasticos, deiceret, sive ut nomen suum novitatibus redderet immortale. Denique supposito quod Jansenius famosum volumen scripserit ex animi sui sententia, super est facti, & non juris quæstio an non fortè malignus quispiam pro Jansenii volumine, aliud Pontifici obtruserit, ex quo propositiones collectæ sint.

Verùm quidquid unus alterve somniat aut deliret, non in his vertitur cardo quæstionis. Et quo fundamento, quâ veri specie vocetur in dubium, quin famosum volumen Jansenii sit, & sensum animi seriò explanantis? Quin illud ipsum volumen sit, quod innumeris per Europam exemplaribus distractum versabatur in omnium manibus, Urbano-VIII. & S. Inquisitioni ad censuram oblatum, rursus ab Innocentio X, ab Eminentissimis sub ipso Cardinalibus, à doctissimis Romæ Theologis, tanto tempore, tanto molimine, ac

studio discussum, ut cum propositionibus in crimen vocatis conferretur? Idem Jansenii Augustinus, quem diligentissime examinatum exagitarunt tot illustres DD. Sorbonici, tot Galliarum Episcopi, Archiepiscopi, Cardinales, ex quo decerpserunt quinque Articuli, quos Apostolica Sedes anathemate prostravit?

Quo jure, quâ ratione ejusmodi fraudem affingamus præcipuis Doctoribus, quos ad Pontificem Episcopi Galliarum & Sorbona ablegarunt? Sicine Pontifices, sic omnes S. Inquisitionis Cardinales bardos credis aut stipites qui tam facile illudi sibi patiantur? Et quanta esset Theologorum istorum temeritas fraudem parare, quæ tam levi studio detegi posset, detecta gravissimis poenis subiceret infames suos architectos! Quam facile in manibus alicujus Cardinalis aut Consultoris Theologi incideret exemplar aliquod genuinum?

Quomodo ab A. 1641, quo Urbanus VIII Jansenii librum condemnavit, ut defendentem Propositiones antea damnatas, usque ad Annum 1653, quo in quinque Propositionibus Augustini Cornelii Jansenii Episcopi Iprensis doctrina distinctius condemnata est, liber ipse A. 1654. iteratâ proscriptione confixus, quomodo tam sagacium Jansenistarum

rum

rum nullus dolum subodoratus Romanam curiam moneri curavit? Hoc pacto auctoritatem & famam omnem adversariis suis in perpetuum abrogasset. Quis tam sœcordes credat Jansenistarum ad Innocentium X. Legatos DD. Natalem de la Lane, Tussanum Des Mares, Ludovicum de S. Amour, Nicolaum Manessier, Doctores Sorbonicos, & Ludovicum Angran ejusdem Facultatis Licentiatum, ut tam insignem rei conficiendæ prætermisissent opportunitatem?

At D. de S. Amour Jansenium nunquam legerat, ut testatus est Eminentissimo Cardinali Barberino. Credite Posterì, Doctorem Sorbonicum duorum & amplius annorum spatio quo tanta utrinque contentione, tot scriptis, & libris Jansenii causa Parisiis agitabatur, famosum volumen ne inspexisset quidem, Doctorem, inquam, Sorbonicum, non aliquem de Jansenistarum grege, sed Antesignanum, quem ad communis causæ defensionem Janseniani Episcopi, & Doctores legatum delegerunt, qui fortunas, qui famam, & penè libertatem Jansenio consecravit; nec enim Theologis istis semper tutis esse Romæ licuit, fatente ipso D. de S. Amour in suo volumine, cui titulus: *Journal de ce qui s'est fait à Rome dans l'affaire des*

cinq propositions, parte 2. c. II. & subducere se quandoque Româ coactus est metu carceris, uti & D. Carolus Hersent Concionator Regis ordinarius, & Ecclesiæ Cathedralis Mentensis Cancellarius.

An neque hic viderit Jansenium, qui propter sparsam Romæ ejus doctrinam à S. Inquisitione citatus, maluit fugâ sibi consulere, quàm se committere examini, postquam Regis Christianissimi legatus lenire animum Pontificis frustra tentasset? Certè ostendit se in Jansenio non parùm versatum scribens suam *Aviti Aurelii Molinomachiam*, in qua Augustinum Jansenii, præsertim illud, *sed quid ad Doctrinam Augustini? Hæreo fateor*, ex Instituto omnibus viribus propugnat.

An Jansenium non legerant Abbas Hilarion Ordinis S. Bernardi, an P. Lucas Waddingus Franciscanus, S. Officii Consultor, qui si D. de S. Amour credimus referenti part. 2. c. II. propter Jansenismi suspicionem moniti sunt, ut abessent à congregationibus in quibus causa Jansenii ageretur? An Nco-Augustinum non legerant D. de la Lane, & tres reliqui legationis Socii, an tempus non habuere, vel in ipsa urbe aliquid de fraude inaudiendi toto saltem biennii, quo Romæ ad Jansenii defensionem commoratus est D. de S. A.

S. Amour submissis interim ex Gallia auxiliariis copiis?

Saltem aliquis fraudem detexisset ante A. 1656 , quo Constitutione ad sacram sensus Jansenianus distinctius ab Alexandro VII fulguritus est , & liber rursus confixus. Denique saltem aliquis imposturam aperuisset A. 1664 , quo Archi-Episcopis , Episcopis , nec non aliis , quibuscumque Ecclesiastici Ordinis tam regularibus , quam secularibus , etiam Monialibus , Doctoribus , Licentiatis , aliisque Collegiorum Rectoribus , atque Magistris distinctè mandavit Alexander VII ut subscriberent formulæ , quâ quinque propositiones ex Cornelii Jansenii libro , cui nomen Augustinus excerptas , & in sensu ab eodem autore intento prout illas per dictas Constitutiones (Innocentii X , & Alexandri VII) sedes Apostolica damnavit , sincero animo rejicerent , ac damnaverent , ità jurarent per Deum , & SS. Dei Evangelia.

Quam multa tum temporis excogitarunt effugia , quos non obvolverunt juramento obices , quos non moverunt scrupulos simplicioribus , ut P. Francisco Annato anno hujus sæculi 65 opus fuerit tractatu integro præscribere remedia adversus scrupulos , qui impediunt ne formulæ subscriberetur. At nemo fraudem corrupti exemplaris , aut suppositi libri

Petavii impedimentum objecit, omnium profectò futurum longè efficacissimum, si aliquod veritatis specimèn præ se tulisset, Sed quid tam apertè falsis operosè confutandis mihi, & Lectori pario fastidium; cum ne Paulus quidem Irenæus figmentum hoc adstruere ausus sit nisi timide, & velut inatatem suspicionis erubescens dicat, FORTASSE *quemquam suspitari posse libram Petavii pro Jansenii libro Innocentio X fuisse obtrusum?*

Similiter infamis Pontificum, Regis Catholici, Regiæ Matris & religiosorum Ordinum, etiam sui calumniator Eugenius Gellæder testatus tantum est se audivisse ex Pastore quodam rurali quasi dictum à P. Lupo, quod viri illius Eximii Collegæ & Discipuli dictum pernegant, cum Jansenii doctrinam rectè damnatam semper agnoverit, ut suprà monui. De quo si quis dubitet adeat PP. ac MM. Pauwens, Clenaerts, Desirant ejusdem Ordinis religiosos ac S. Theologiæ Doctores.

Factum hoc quamvis perspicuum, si quis mordicè negaverit, contendens pervicaciter volumen quoddam supposititium Pontificibus Urbano VIII, Innocentio X, Alexandro VII, Eminentissimis S. Officii Cardinalibus, & Theologis Consultoribus obtrusum fuisse, temeritatis quidem non tolerandæ, & inep-

ineptiæ viro indignæ reum dicerem, non tamen illicò hæreticum, si propositiones in sensu proprio, obvio, & prout in libro, qui S. Congregationi & Pontificibus obtrusus est fateatur hæreticas.

Favebo Jansenio & Jansenistis etiam magis. Assero neque hunc mihi hæreticum esse, qui existimarit infelicem Antislitem terminis non satis aptis exposuisse sententias, quas animo fovebat Orthodoxas. Pontifices quidem judicasse de auctoris sensu ex verbis in communi & obviâ significatione acceptis prout liber Jansenii præ se ferebat, at Jansenium sensum suum aliter, quàm vellet expressisse ut quandoque fit in scriptoribus Latini idiomatis non satis gnaris, quamvis id in Jansenio locum non habuisse satis exploratum sit.

Sed alia est juris quæstio, perperam facti appellata, quæ magnum chaos statuatur Jansenistas inter eorumque adversarios: An propositio, quæ aliquo sensu, ut omnes fatentur, in Jansenii Augustino reperitur, prout indubiè reperitur propositio inter quinque famosas 1. an, inquam, hæc sit hæretica in sensu istius libri prout attenditur cum circumstantiis, quibus annexa est. Quæro ex nostris Neo-Augustinianis sitne quæstio facti an juris, num hæc propositio; *Aliqua Dei præcepta iustis*

volentibus & conantibus secundum presentes, quas habent vires sunt impossibilia; deest quoque gratia quâ possibilia fiant, in sensu obvio & conaturali sit hæretica? Respondere coguntur esse quaestionem juris, quod si negarent, nullo negotio probaretur; dependet enim ejusmodi quaestionis decisio, à cognitione institutionis & significationis vocum, quæ institutio, & varia pro circumstantiarum diversitate significandi vis ad jus pertinet. nisi quolibet fidei quaestiones ad quaestiones facti relegare tandem sit animus.

Quaestione juris stabilitâ circâ propositionem solitariam, eâdem applicatâ ratione ad jus pertinebit quaestio de sensu totius libri, sit ne orthodoxus an hæreticus. Quæ enim pro enuntiatione unâ militat ratio, facit pro centenis & libro integro, aut disparitas ostendatur. Non ostendent autem adversarii. Et quomodo alioqui non erit facti quaestio an doctrina Augustini Catholica sit, si inter meras facti quaestiones numeretur an doctrina Jansenii sit hæretica? Utroque non una est sententia à circumstantiis & sensu auctoris divulgata, sed quas ex Augustino Ecclesia desumpsit propositiones Augustini sensu definit sententiâ infallibili non quidem prout Augustinus eas mente concepit, hæc enim oc-

cur-

currit facti quæstio quid Augustinus cogitarit, sed prout eas libro in sensu obvio & connaturali expressit.

Denique si ad jus pertineat an sententia prout in libro aliquo expressa est iis vestita circumstantiis sit Catholica, vel hæretica, pari ratione ad jus attinet an propositio hæretica expressa in constitutionibus Innocentii X. & Alexandri VII; V. G. hæc; *aliqua Dei præcepta hominibus iustis, &c.* faciat æquè sensum hæreticum ut jacet in libro Jansenii, ac facit ut continetur Pontificio diplomate.

Similiter juris quæstio est an propositiones ceteræ, etiamsi non secundum omnes verborum apices reperiuntur in Jansenio ut in Bullis Apostolicis, in eandem nihilominus sententiam colliment, imò eundem sensum hæreticum complectantur. Hæc quæstio est, quam potissimum definit Ecclesia de Janseniano sensu: in hæc falli nesciam ejus censemus auctoritatem.

Ad factum quod attinet circà sententiam quam animo reconditam gessit vel non expressit satis in libro undè propositiones desumptæ sunt, non judicare Ecclesiam judicio planè infallibili, sententia plurimorum est, ob quam solam neminem hæresios infimulaverim si aliundè constet de recto ejus sensu in
quæ-

quæstionibus dogmaticis. Sed non hîc sistit nostra cum Jansenianis controversia.

Aiunt Pontificem à Jansenii æmulis malè de sensu ejus edoctum existimasse quod famosæ propositiones hunc in Iprensi Augustino sensum horridum & hæreticum continerent. *Aliqua Dei præcepta sunt justis quantumvis ardentè volentibus & conantibus semper impossibilia. Gratiæ interiori in statu naturæ lapsæ nunquam resistitur, nequidem resistantiâ inefficaci, & quæ virtute gratiæ superetur, sicut Pigneus resistit Giganti, ær motui progressivo animalis, lapis impetui. Ad merendum & demerendum in statu naturæ lapsæ non requiritur libertas à necessitate nequidem naturali, qualis est in lapide cadendi deorsum nisi sustentetur, in brutò & puero, qui non agunt deliberatè & ex ductu rationis, in adulto respectu motuum concupiscentiæ, quos vocant primò primos, qui oriuntur etiam contrà voluntatis imperium, ubi Jansenius non aliam necessitatem cum merito & demerito copulavit, quam quæ vel ex gratiâ medicinali insuperabiliter efficace, vel ex concupiscentiâ ardentiore nascitur, quæ quidem à voluntate in his circumstantiis domari non potest, sed quæ judicium rationis non excludit, nec deliberationem.*

Circà quartam propositionem credere nos
Jan-

Jansenistæ volunt, quod existimarit Pontifex sensum Jansenii esse, quod *qualibet gratia præveniens & excitans habeat effectum*, ità ut voluntas non possit ei dissentire si velit, quod profectò Jansenio falsum est, cum si vellet voluntas dissentire, dissentiret hoc ipso; & quamvis gratiæ medicinali dissentiri non possit juxtà Jansenium, tamen gratia excitans non omnem obtinet effectum, ad quem excitat, sed tantum eum ad quem verè sufficit.

Denique juxtà quintam propositionem induci se passà est Apostolica Sedes ut crederet Jansenium docuisse quod Christus ità pro solis electis mortuus sit, ut illi soli fidem & justitiam consequantur, quasi verò nulli sint fideles, nulli justì, nisi qui in finem usque perseverant.

Hæc dogmatum portenta dum propositionibus istis apud Jansenium contineri persuasum est Pontificibus, damnavere doctrinam quinque Propositionum, & quidem in eo sensu Jansenii, à quo reverà autor fuit alienissimus.

Ità scilicet omnium oculi caligant in scrutando fulgore illo doctrinæ Augustinianæ: non Summi Pontifices, non Eminentissimi S. Officii Cardinales, non perspicacissimi Consultores Theologi sensum Iprensìs Anti-

litis affecuti sunt, omnes in eo talpis fuere cœciores: soli ejus discipuli oculos hic habent lynceos, quibus convenit illud Hieronymi in Epist. ad Domnionem, ubi ridens Monachum Joviniani discipulum, *idcirco*, inquit, *se eruditum putat, quia Jovinianum solus intelligit: est quippe proverbium Balbum melius Balbi verba cognoscere.*

An non vident insignes illi Neo-Augustiniani, sic omnem quæstionem juris pariter ab hæreticis posse eludi? Quid ni enim pariter fingant Pontificem, nescio quem alium sensum in mente habuisse absurdissimum, quem præ se ferre Propositiones illas à Theologis intellexerit, illum damnaverit, non qui reverà obvius est & donnaturalis? Sic propositiones omnes materiales, quas tum Alexander VII tum Innocentius XI proscribere, prout jacent sustineri poterunt, modò quis pro arbitrioingat sensum alium, quem dicat fortè Pontificem in mente habuisse, eumque solum voluisse proscriptum.

Quemadmodum igitur secundùm adversarios, si Apostolicæ Sedis, vel etiam Conciliorum judicium infallibile admittant in quæstionibus juris, respondere coguntur, quod, quidquid Pontifices & Concilia in mente concipiunt cum ad definitionem se accingunt

aut

aut etiam reipsâ definiunt , non possint in
 quæstionibus juris definire aliter quam res ha-
 bet , non possint definire Propositionem esse
 hæreticam , prout jacet , si in sensu legitimo
 & connaturali sit vera , licet illi sensum quem-
 dam inesse existiment absurdissimum , qui re-
 verâ hæreticus sit , sed à Propositione prout
 jacet , alienus ; ità quidquid sive Pontifex , si-
 ve Concilia , quomodocumque doctrinam
 alicujus libri in mente depingant , eamque
 concipiant sensu impio ac reverâ hæretico ,
 non tamen illam possunt ut libro aliquo con-
 tentam damnare hæresios , si reipsâ Catho-
 lica sit , alioqui erraretur in dogmatis defini-
 tione : & quisquis ejusmodi constitutioni fi-
 dem negaverit , non factum modo destruxis-
 se , sed Ecclesiæ doctrinam abdicasse cen-
 sendus est. Nam licet concessero , quæstio-
 nem facti esse , quem Pontifex vel Conci-
 lium in mente conceptum abditum fortè te-
 nuerit , non tamen facti quæstio est quem
 sensum habeat definitio prolata , & an do-
 ctrina libri sit hæretica in sensu connaturali
 & obvio , quom ejus verba præ se ferunt ,
 sicut non est quæstio facti , quem sensum
 complectatur propositio solitaria. Atque adeo
 neque est facti quæstio an Propositiones V.
 ut jacent habeant sensum hæreticum solitariae

acceptæ ità & an sensum habeant eundem quem propositiones Augustini Janseniani, & an hæ etiam hæreticæ sint, ut fatentibus adversariis sunt secundum se & avulsæ à circumstantiis libri.

C A P U T I X.

*Infalibile Sedis Apostolicæ judicium
de quinque Propositionibus Janse-
nii ut hæreticis in sensu ejus Pseu-
do-Augustini.*

JUDICIUM Pontificis extrà Concilium esse falli nescium, in quæstionibus fidei & morum longè communior est Doctorum sententia. Si verò ad Pontificis definitionem Ecclesiæ consensus & approbatio accesserit, nullus eam Catholicus errori obnoxiam esse suspicabitur. De quinque Propositionibus supremâ quâ pollet potestate Sedes Apostolica sententiam tulit. Hanc suscepere omnes, quâ par est reverentiâ Regnorum & Provinciarum omnium Episcopi, paucissimos Jansenio pertinaciter adherentes excipe, ut semper aliqui statutis etiam Conciliorum generalium obluantur, quorum contumacia dum cæ-

te-

rerorum multitudine opprimitur, Catholicæ definitionis robur non infringit.

Æquam esse sententiam circà propositiones quinque, omnes fatentur, & facti sunt j. m. pridem Jansenistæ ut testantur Galli Archiepiscopi sex, Episcopi suprà triginta A. 1654. 28. Martii in Epistolâ ad Innocentium X.

Quinque etenim Propositiones, inquit, decreto illo proscriptas damnare se quoque profitentur, sed alio planè sensu quàm qui à Jansenio traditus & explicatus est.

Quis nesciat celebrem illam, Jansenistis omnibus usitatissimam distinctionem, ubi de damnandis jussu Pontificis Propositionibus agitur, *dōgmaticis fidem, inquit, facto reverentiam præstamus.* Vix aliis hodie vocibus occasione juramenti quod Episcopi Belgæ saluberrimò consilio cœperunt exigere, Lovaniensis Academia personat & vicinæ civitates. Hâc præmissâ juramenti sui interpretatione non dubitabunt plerique subscribere formulæ Alexandri VII.

Provocant nos in libello; *Doctrinæ Augustinianorum Theologorum, &c.* sub finem anni 1689. edito pag. 29. ut vel unum nominemus, sive in Belgio sive in Galliâ Theologum aut quemvis alium, qui hæc monstra opinionum unquam docuerit. Idem scripsit Arnaldus

plus quàm à quadraginta annis in Epistolâ cuidam perillustri scriptâ, jactavitque Propositiones condemnatas nullius esse auctoris.

Oppositum testatur Innocentius X in Bre-
vi A. 1654. 21. Martii ad Doctores Dua-
cenos; *Misit cœlitus manum suam*, inquit,
Pontifex, *ac tetigit os nostrum Dominus*, cu-
jus verbo cœli firmati sunt, *ut de quinque pro-*
positionibus hætenus controversis panderemus fi-
delium mentibus Ecclesiæ Catholicæ sensum. Et
in alio Brevi ejusdem anni, & diei ad
Valentinum Raudour Doctorem, ac Pro-
fessorem ejusdem facultatis; *quæcumque*, in-
quit, *ex Ecclesiæ Catholicæ sententia decrevimus*
nuper de quinque propositionibus, quibus jam diu
antèa controversis fidelium animi in ingens salutis
discrimen vocabantur, *judicia sanè oris Dei fue-*
runt.

Si Jansenistis credimus nulla fuit de iis
controversia, in nullum salutis discrimen vo-
cabantur fidelium animi per ejusmodi pro-
positiones; cum nāl' us eas tenuisse, vel docuisse
in Gallia, aut Belgio, quod tamen Jansenis-
mi Sedes creditur, unquam deprehensus sit.

Redeo ad recentiores Pseudo-Augustinia-
nos in expositione nupera doctrinæ Augusti-
nianæ pag. 30. sua stat, inquit, quoad nos
fidei Catholicæ puritas, quam novus error nullus

corrumpit , sua unitati Catholica integritas , quam nulla secta descindit , sua Apostolica Sedi reverentia , cujus Constitutiones nemo labefactat , nemo temerat , nisi qui fingit non nullos imò plurimos esse in ipso Ecclesie sinu , qui illis obluentur , quinque errores ab illa primaria Petri Sede damnatos pro damnatis non habeant , cum econtrariò omnes ad unum Catholici (inter quos ipsi se numeratos volunt) ac præ omnibus Theologi Augustiniani (sic dicti ab Augustino Iprensi) illorum damnationem promptissimâ , & concordissimâ obedientiâ amplexi fuerint.

Imò , & in præfatione ad Alexandrum VIII , & omnes Christianos Principes sic protestantur : Discipuli S. Augustini , quos invidiosè Jansenistas vocant (quasi nulli vocentur Jansenistæ præter veros S. Augustini Discipulos) ad compefcendos quantum in ipsis est calumniosos rumores , & obstruendum os loquentium iniqua , palàm , & publicè profitentur , proclamant , atque contestantur (quis non credat ?) Quoscunque in famosis quinque propositionibus errores Constitutionibus suis damnarunt Innocentius X , & Alexander VII summi Pontifices , eos se ex animo & semper damnasse quocumque tandem in libro , à quocumque Scriptore asserti reperiantur.

Bene habet ; igitur damnate doctrinam , quæ reperitur in Augustino Jansenii. Nam
pro-

propositiones illic existere , sensu aliquo supra ostensum est , neque vos ignoratis , & professi fuerunt Commilitones vestri. Hunc verò esse ipsum propositionum sensum , quem damnat Ecclesia , patet Constitutiones Apostolicas , leviter tantum inspicienti. Et verò si Ecclesia non sit infallibilis in iudicando sensu libri hæretico , vel Catholico , non erit in iudicando sensu propositionum singularem , neque infallibile umquam iudicium feret de sacris Bibliis sintne genuina , an spuria & supposititia.

Quemadmodum igitur iudicium Ecclesiæ ab erroris periculo immune censetis , quoties declarat , ac definit sensum propositionis unius esse , vel hæreticum , vel Catholicum , cum id spectet ad quæstionem juris , eadem ratio probat , neque errori obnoxiam esse Ecclesiæ sententiam , dum censet librum E. G. Augustini Jansenii , atque propositiones 5. hæresim complecti , verba libri facere sensum æquivalentem istis propositionibus , vel etiam eundem , denique illum subesse sensum verbis illius libri. Sicut si verbis paululum immutatis exprimam sententiam aliquam Scripturæ Sacræ , vel libri , qui passim creditur Augustini , decernere potest Ecclesia iudicio infallibili propositionem hanc esse fidei in-

sen-

fensu Sacrae Scripturae , & in sensu libri , qui passim creditur Augustini , sive interea Augustini sit , quod est moraliter certum , sive non sit Augustini , sed suppositus.

Fateamur pariter monstra illa quinque opinionum , ut ea vocare non dubitant Neo-Augustiniani , fateamur inquam damnata esse iudicio erroris experte , haeretica esse eo sensu , quem liber *Augustinus* , qui Jansenii nomine circumfertur in se continet ; est haec enim non facti , sed juris quaestio , ut jam demonstratum est. Captivemus intellectum in obsequium fidei. Non recurramus ad inanis argutias , & filiis iniquitatis proprias cavillationes.

Clamant Adversarii rem hanc esse impeditiissimam , & maximè implexam ; quid enim , inquirunt , magis vagum , quam propositiones & definiri haeticas in sensu Augustini Janseniani operis tam vasti , tam multas huc spectantes sententias , tam varios sensus complectentis ? Quid iniquum magis , quam à nobis exigi , ut credamus , imò ut juremus haeticas esse propositiones in sensu Augustini Iprensis , & simul nobis intentatâ poena anathematis prohiberi ne librum legamus , ex quo discendum foret , quis Augustini illius sensus sit , qui proscribitur ?

Hoc

Hoc olim ratiocinio Arnaldi aſſectæ movebant ſimpliciorum mentes præſertim Monialium, abſterrebant à ſuſceptione formulæ Alexandrinæ. Sed ne quæſo nodum in ſcirpo quæramus. Nonne prolixiora multò ſunt, & ſublimiora opera magni Eccleſiæ Doctōris S. Auguſtini, quàm Janſenii? Illius tamen ſententias omnes non retractatas præſertim de gratia, prædeſtinatione, & libero Arbitrio canonizatas eſſe ab Eccleſia, iudicium hoc eſſe infallibile perſuadere ſolebatis rudibus, quidquid modò aliter neceſſitate urgente ſtatuitis. Leguntne illi omnes Auguſtinum, ut iudicare queant, quis ille ſenſus ejus Doctōris ſit, quem Eccleſia probat? Quid ſi legere quis neſciat an ei ſcrupulum movebitis ubi admittet ſententias Auguſtini operibus contentas eſſe Catholicas? Cur igitur ſcrupulus moveatur ſic credentibus ſententias Auguſtino Janſenii contentas eſſe à fide alienas? Quid nī alioqui iūſdem terrorem incutitis, ne, quas Eccleſia ſententias definit eſſe conformes, vel contrarias ſacris paginis, fidem definitionibus præſtent rudiores qui nec linguarum ſacrarum pollent peritiâ, nec ſinuntur, vel fortè nequeunt linguâ vernaculâ ſcriptos codices legere? Credant modò rudiores illi nulla Dei præcepta eſſe

im-

impossibilia justis volentibus & conantibus &c. credant quoque contradictorium Propositionum caterarum in sensu obvio & conaturali, de sensu autem Jansenii seu libri qui Jansenio tribuitur, credant eum esse hæreticum sicut credunt sententias Augustini de Gratiâ prædestinatione, &c. contra Pelagianos esse Catholicas, licet quænam illæ fuerint distinctius non concipiant. Imò & omnem sensum Scripturæ Sacræ credimus esse divinum, licet sensus maximè varios ne doctissimi quidem assequantur. Credimus libros quos Ecclesia nobis proponit tanquam Verbum Dei continentes, reverà divinos esse, & Scripturam Sacram, adeoque doctrinam illis contentam in sensu eorundem librorum esse Catholicam, licet singulos distinctè sensus non penetremus.

Non patiar tamen operam hic meam desiderari, sed quoniam Jansenistæ toties Catholicos provocant ut sensum Jansenii damnatum clarè & distinctè exhibeant, parco non invitus ubi ad scrupulum de juramento paucis respondero.

Si quis verè secum statuatur doctrinam Augustini quoad eos Articulos, quos Ecclesia in Canonem retulit esse orthodoxam eo sensu, quo in Augustini libris, ex quibus excerpta est

est continebatur, cur jurare nequeat sine per-
jurii periculo se habere sensum Augustinia-
num pro Catholico?

An non etiam jurare auderetis sensum Au-
gustini & Conciliorum esse Catholicum? Si
negetis quomodò statuitis esse fide tenendum,
& Adversarios Semipelagianismi redarguitis
tam liberaliter?

Scio nunc quidem negari à vobis quod Ec-
clesia definire possit citrà erroris periculum
Canonibus Tridentini contineri doctrinam
Catholicam, undè sequitur nequidem defi-
nire Ecclesiam posse infallibiliter hunc librum
esse Scripturam Sacram. Quid igitur tandem
in fide erit firmum? Ut definiat Pontifex
dogma fidei Scripturas consulit, & traditio-
nem; quomodo autem ab his dirigi potest in-
fallibiliter, si non possit infallibiliter scire hos
libros ex quibus traditionem & revelationem
debet discere, esse libros sanos & Catholi-
cos? En quo vos tandem abripiat Janseniani
sensus retinendi studium & pertinacia, ut ea,
quæ maximè juris sunt & fidei, inter facta in-
certa ablegetis.

CAPUT X.

Quis sit quinque Propositionum sensus in Augustino Jansenii proscriptus.

E Jusdem potestatis est ut leges, ita & definitiones irrefragabili autoritate interpretari, cujus est eas primùm condere, quod non obest quo minùs uti Jurisperitis, ita & Theologis de legum ac definitionum sensu differere liceat, modò quâ par est observantiâ judicium suum, sicubi forte, quod humanum est, aberraverint, majorum censuræ subjiciant; sic autem meum subjicio non tantùm Apostolicæ Sedi & Eminentissimis Cardinalibus, Episcopis, &c. sed cuilibet Scholæ Catholicæ Theologo. Ad nullam quæquam sententiam inter Catholicos controversam hîc adstrictum volo, non prædico Molinam, Scotistas non abdicò, hos inter & Thomistas non discerno, quorum sententia verior sit, Ecclesiæ judicio relinquo. De Jansenii doctrina judicium jam tulit. Hoc veneror, non silentio Janseniano, sed intellectu, & voluntate, corde & ore veritatem

L

ejus

ejus & infallibilitatem profiteor. Verum rem ipsam aggrediamur.

Ut verè ac sincere quis auctoris alicujus memem eruat, inquiebat nuper Illustrissimus Tomacensium Episcopus Gilbertus de Choiseul ad Eximium D. Jacobum Gilbert S. T. Doctorem & Professore Duacenum, *neesse est ut totum ejus opus evolvat: si autem aliquando vel durius vel obscurius loqui videatur, ad alia clariora loca recurrat ut per eorum analogiam explicetur: Nihil enim injustius quàm ut quedam verba sejungantur quæ si in toto orationis contextu considerentur alium omnino sensum patiuntur, quàm si legantur separata. Consilium probo. Jansenii sensum ex toto ejus contextu exquiram, in quo scrutando me versatum esse annos aliquot non oscitanter, profiteor.*

Aliqua Dei præcepta justis volentibus & conantibus secundum præsentem quas habent vires esse impossibilia, deesse quoque eis gratiam quæ possibilia fiant, hoc sensu docet Jansenius, quod justidum peccant præceptorum omissione, horum observatio sit illis hîc & nunc impossibilis, quamvis velint aut conentur secundum præsentem tum liberi arbitrii tum gratiæ vires; neque possunt efficere ut præceptorum observatio fiat hîc & nunc possibilis; nam neque

que gratiam habent, quâ immediatè illâ possint servare, neque habent gratiam, quâ possint mediatè sic ut in eorum potestate sit potentiam immediatam recipere, sive per orationem, sive non impediendo ne Deus gratiam ulteriorem largiatur. Neque gratia illa excitans Jansenii quæ in justo operatur velle imperfectum, & conatum defectibilem & inefficacem, tribuit potentiam proximam & expeditam ut gratia inefficax Thomistarum, quam illi censent esse verè sufficientem, quia hac posita nihil deest eorum omnium, quæ se tenent ex parte potentia seu actus primi, sed tantum requiritur potentia illius expeditæ applicatio, quæ spectat ad causam primam; & sicut actio creaturæ non tollit potentiam, nec præstat, sed præsupponit, sic quoque servatâ proportionem prædeterminatio.

At Jansenius gratiam suam excitantem censet non esse sufficientem; & meritò, quia etiam hæc posita deest robur necessarium ad superandam concupiscentiæ ardentioris delectationem. Undè licet gratiam suam medicinalem quandoque dicat esse applicationem voluntatis ad agendum, non est tamen mera applicatio, sed pars, & quidem principalis potentia, sine quâ potentia simpliciter

& propriè dicta non est ad observationem ejusmodi mandatorum.

Interiori gratiæ in statu naturæ lapsæ juxta Jansenium numquam resistitur hoc sensu, quod omnis gratia obtineat consensum, quem voluntas ei præstare potest in his circumstantiis, sive posita tali tentatione seu delectatione terrenâ indeliberatâ. Nulli gratiæ dissentit voluntas, cui potentiâ proximâ potest consentire, per potentiam proximam agendi vel omittendi semper intelligendo potentiam talem, cui nihil ex prærequisitis ad actionem vel omissionem deest, vel, si quid desit, in manu hominis est obtinere rogando, vel accipere non reluctando. Sic apud Thomistas gratiæ sufficienti resistitur, cum hæc tribuat vires & potentiam sufficientem ad consensum, quem negat voluntas, divertendo se ad alia, & ponendo obicem gratiæ prædeterminanti ne à Deo detur; quod facilè intelligitur in sensu eorum, qui negant prædeterminationem ad materiale peccati, quæ sententia est multorum Thomistarum. Juxta alios, qui docent prædeterminationem dari ad omnes omninò actus; licet sine illâ actus præceptus non ponatur, tamen etiam sine illâ potest poni, cum nihil virium potentiæ desit, ut deest in sensu Jansenii, sed tantum virium & potentiæ applicatio.

Ad

Admerendum & demerendum in statu naturæ lapsæ non requiri libertatem à necessitate, sed sufficere libertatem à coactione docet Jansenius, ita ut necessitatem, quam statuit in omnibus nostris actibus quæ bonis per gratiam, quæ malis per concupiscentiam vicericem, censeat nihil officere libertati ad meritum & demeritum requisitæ in statu naturæ lapsæ. Eam verò existimat necessitatem inferri voluntati à majore delectatione indeliberatâ seu concupiscentiæ seu gratiæ, ut non sit merè moralis, quæ consistit in magnâ difficultate, quæ secundum vires præsentis superari valeat, sed physica, ita ut cum minore gratiâ, quæ proindè medicinalis non sit, non magis possim præcepta servare, quam fractis cruribus currere, destitutus alis volare, effossis oculis videre, ad quæ procul dubio in casu supposito non moralis tantum, sed & physica potentia deficit. Non minorem vim & necessitatem infert delectatio gratiæ superior quam delectatio concupiscentiæ, adeoque utrobique est veri nominis necessitas & quidem antecedens. Atqui hæc juxta Jansenium non obest quo minùs actiones sint meriti vel demeriti capaces.

Thomistæ neque necessitatem admittunt ad virtutes, neque ad vitia. Prædetermina-

tus , inquiunt , potest non consentire prædeterminationi potentiâ proximâ & expeditâ , si considerentur tantùm omnia , quæ se tenent ex parte potentiæ seu actûs primi. Similiter destitutus prædeterminatione ad bonum potest rectè agere , quia vires sufficientes & quidquid se tenet ex parte potentiæ adest.

Semipelagianos admisisse prævenientis gratiæ interioris necessitatem ad singulos actus etiam ad initium fidei , & in hoc fuisse hæreticos quod vellent eam gratiam talem esse cui posset humana voluntas resistere vel obtemperare , hoc sensu docuit Jansenius , quod omnem gratiam interiorē , quæ datur in statu naturæ lapsæ existimarit talem , ut ejus effectus voluntatis pervicaciâ impediri non possit , sed indeclinabiliter effectum illum omnem obtineat , cujus in his circumstantiis præfente tali delectatione terrenâ est capax ; atque hanc esse gratiam , quam Augustinus tamquam fidei Catholicæ basim adversus Semipelagianos defendit. Thomistæ , etiam , illi qui tenent omnem gratiam habere effectum aliquem , scilicet vel in genere causæ efficientis , vel in genere causæ formalis , fatentur omni gratiæ sufficienti resisti posse vel obtemperari , imò & cum gratiâ efficaci stare potentiam proximam & expeditam non agendi.

Janfenio Semipelagianum est dicere Christum pro omnibus omninò hominibus mortuum esse aut sanguinem fudisse ; non quod Christus non obtulerit Patri pretium sufficiens redimendo universo hominum generi , sed quod pro omnibus offerri & à Patre acceptari non voluerit , imò pro nullius reprobis æternâ salute Christus mortuus est magis , quàm pro diaboli liberatione , licet multis reprobis temporalia quædam beneficia sit promeritus.

Thomistæ adeò non Semipelagianum esse docent Christum mortuum esse pro omnibus omninò hominibus , ut sic mortuum esse constanter potiùs tueantur , neque ità ut pretium tantum sufficiens obtulerit Patri , sed & pro omnibus illud obtulerit. Hinc omnibus reprobis adultis ratione utentibus offeruntur media sufficientia ad servandam legem naturæ , & si priora illa auxilia non respuerint , actipient ulteriora , quibus ad justitiam proveli queant , & in eâ , si velint , finalitèr perseverare ; parvulis verò omnibus Christus promeritus est gratiam Baptismi & pro omnibus eum instituit , licet Deo permittente non applicetur omnibus , sive ex defectu aliquo parentum sive ità exigente cursu ordinario causarum necessariorum , quem Deus justis de causis

causis turbari non vult ut infans Sacro fonte abluatur.

Certè licet aliqui Orthodoxi Theologi recentiores docuerint Christum non esse mortuum pro infantibus, qui in utero matris sine baptismo moriuntur, non tamen oppositam sententiam Semipelagianismi insimulant, aut falsitatis & temeritatis scandalosæ censuram non evadunt. Omnes verò contrà Jansenium ejusque Sectarios docent Christum etiam pro salute multorum reproborum esse mortuum, non merâ voluntate sterili, sed quæ eis meruit obtulitque media ad salutem sufficientia. Voluit Christus salutem eorum voluntate non tantum signi aut complacentiæ, sicut voluit & vult etiam salutem dæmonum, in qua sibi ut bono quodam complaceat, sed reproborum hominum E. G. Judæ & Antichristi salutem Christus voluit voluntate beneplaciti, quod Jansenistæ non admiserint; hæc enim voluntas, licet non sit absoluta & efficax respectu finis, est tamen efficax respectu mediorum verè sufficientium, quæ vi talis voluntatis preparantur & offeruntur.

C A P U T X I.

Theologi, qui cum pertinacia asserunt Jansenismum esse hæresim imaginariam, Jansenium numquam docuisse errores ab Ecclesiâ damnatos, ordinariè non intendunt negare tantùm quæstionem facti, sed etiam juris, undè non immeritò recensentur inter Jansenistas.

NULLUM esse aut fuisse umquam in Ecclesia ne Jansenium quidem, qui propositiones quinque damnatas, aut ex illis aliquam docuerit, imperitis minimè malis facile persuadent Jansenistæ, dum singularem præ se ferentes modestiæ, pietatis, & eruditionis speciem sanctè affirmant, ac penè jurant non esse propositiones damnatas in sensu Jansenii, qui de iis tradendis numquam somniarit, imò qui oppositum in libro suo palam profiteatur teste D. de S. Victor citatis Jansenii sententiis. Ejusmodi rudes facile creduli ubi dein Jansenismum chymeris annumeraverint, errant in merâ quæstione facti, neque fidei negatæ crimen incurrunt,

mo-

modò propositiones generatim damnent omni modo, quo eos damnat Ecclesia.

Alia judicandi ratio est de Theologis, quos & Janseniani sensûs, & Pontificiarum Constitutionum constat esse non ignaros, sed usque adeò deperire Magistri sui doctrinam, ut nullâ Apostolicæ Sedis autoritate, nullâ Ecclesiæ, ab eo avelli se sinant vel ad latum unguem. Cur illi negent propositiones meritò damnatas esse in sensu libri, in quo eas legerunt ipsi, aut verbis fideliter citatis, ut ubique obvia sunt, manibus quodammodo contrectaverunt; cur, inquam propositiones sensu famosi voluminis damnatas esse negent tam perfriçtè, nisi ut Jansenianum virus propinare aliis impunè possint, & ab incantis avidius hauriatur.

Profitentur quidem Theologi isti se credere quidquid credendum definìt Ecclesia, quidquid reprobat, reprobare. Verùm, & illud de Cælestio Pelagii Discipulo refert Augustinus libro de peccato originali cap. 7. *litteris*, inquit, *Beati Papæ Innocentii non est ausus obistere, imò se omnia quæ Sedes illa damnarit damnaturum, esse promisit.* Lutherus etiam damnare se modò professus est coram Cardinale de Vio Cajetano: Ego, inquit, *F. Martinus Lutherus Augustinianus protestor me colere,*

& sequi S. Romanam Ecclesiam in omnibus aneis dictis, & factis presentibus præteritis, & futuris: quod si quid contrà, vel aliter dictum fuit pro non dicto haberi, & habere volo. Hæc Lutherus coram Legato Pontificio, & quatuor Imperii Proceribus, qui Maximiliano erant à Consiliis; at ut specialiter aliquem errorem suum agnosceret, vel retractaret adduci non potuit.

Novimus, aiebat Leo Epist. 86, *Hanc istorum esse versutiam, ut in quacunque particula dogmatis execrandi, quâ se à damnatorum Societate discreverint, nihil sibi sensuum suorum existiment esse non saluum, nunquam ab errore revocandi, nisi sua suorumque Magistrorum dogmata clarè, & expressè damnaverint.*

At numquid in universali continetur quælibet particularis? Nonne, qui hæresim omnem ejurat ab Ecclesia damnatam, etiam suam doctrinam comprehendit, si & hanc Ecclesia reprobarit? Ità quidem, sed sensus illi quosdam reconditos servant restrictionibus, quas aliàs verbo insectantur, & exceptionibus abundant, quibus omnem ab Ecclesia damnatum errorem rejiciant præter suum.

Quid si etiam juraverint se omnes Ecclesiæ definitiones venerari? Respondet S. Hiero-

ro-

ronymus Epist. ad Pamachium , & Occa-
 num : Facile dicunt cum juramento , quod postea
 alio solvant perjurio , ostendantque se minime de
 Autore suo proscribendo cogitasse. Hoc enim , in-
 quit , ibid: S. Hieronymus , vel maxime ca-
 vent ne quando contra Autorem suum eorum scripta
 teneantur , propterea quod & suam his do-
 ctrinam contineri probè sibi conscii sint.
 Hinc eos sancti Patres , & Concilia suspectos
 semper habuere , imò & anathematismis in-
 sectati sunt , ut hæreticos , qui hæresiarchas
 abjurare , atque hoc pacto errorum suorum
 condemnationi subscribere detractant in sen-
 su Autoris.

An non quæstio facti erat utrum Nesto-
 rius statuisset duas personas in Christo ? Cer-
 tè licèt quædam ejus verba hæreticum sen-
 sum satis proderent , aliundè tamen eâ appa-
 rebat vir pietate , eâ Religione præditus , ut
 sibi persuadere non posset Theodoretus eum
 sensu hæretico scripsisse. Undè scribens Sa-
 mosateni Episcopo : Magnificus , inquit , vir
 Aristolaiis ab Ægypto Magrianum cum Litteris Cy-
 rilli destinavit. Exigit autem subscriptionem facta
 dudum damnationis , & ut anathematizetur do-
 gma Episcopi Nestorii. Scit autem vestra Sanctitas
 quod , si quis indiscretè doctrinam anathematizet
 ejusdem sanctissimi , & venerabilis Episcopi , idem
 est,

est , ac si pietatem anathematizare videatur. Oportet ergò si omninò compellimur anathematizare , qui purum dicunt hominem Christum , aut qui in duos filios unum Dominum Nostrum Jesum Christum dividunt , & qui ejus abnegant Deitatem , non verò ejus dogmatis reum agnoscere Nestorium; Est enim quæstio facti ad fidem non pertinentis , & in quo contingere posset , ut damnaretur innoxius. Hinc graviter indoluit Theodoretus cum intellexit Joannem Antiochenum jussu Theodosii damnasse errores Nestorii , cujus nominis factam nolebat mentionem , cum ad fidem sufficeret dogmata , cujuscumque illa essent , proscrip-
tisse.

Verbis Theodoreti Palladium queri dice-
res de Eximio D. Martino Steyaert Jansenii doctrinam condemnante. Postquam , inquit , Theodoretus scribens ad Henricum Nicomediæ Episcopum , legi Epistolam , quæ Imperatori directæ est nimis animo dolui , quia manifestè cognosco , quod is , qui hanc scripsit id ipsum senti-
ens indiscretè , atque iniquè damnavit eum , qui nihil præter doctrinam sanam novit , & docuit. Miserabilis etiam Palladius de injuria Jansenio suo illata lamentatur in præfatione Spongiæ : nova bellii nubes , inquit , procella Æoli inexpectata , nova prælii tempestas exoritur. Ecce Lova-
M nien-

niensis Academiae Theologus Martinus Steyaert, qui
 haec olim praesagisset? gratia per se efficacia ad mortem
 affecla, non ita pridem apud Ipreses Canonicus,
 clarissimum quondam Lovaniensis Universitatis Do-
 ctorem Cornelium Jansenium Ipresensem Praesulem
 gloriosum, Scriptorem in polemicis, & didacticis
 incomparabilem doctrina arguit condemnata, la-
 tescit conclusionibus, & notis Scholaribus, Quin.,
 & hereticorum; dum vita tulit; expugnatorem acer-
 rimum sub haeretica foeditatis infamia sepeli-
 re laborat. Quo demum haec omnia, aut quid qua-
 so compendii insignem pietate virum, Schola sua
 decus eximium, Ecclesiastici Ordinis Principem, in
 Communionem Catholicam vitam sanctum probrosam istam
 maculam latulare?

Plus aliquid solatii in professione Joannis
 Antiocheni reperit Theodoretus, quam Pal-
 ladius in conclusionibus, & notis Steyaertii.

Non damnaverat Joannes doctrinam Ne-
 storii absolute, sed conditionate. si aliter sen-
 serit, quam fides Catholica pateretur. Anathema-
 tismus, inquit, insertus, licet idoneus sit am-
 plius, quam consensus damnationis ejus damnare
 Lectorem, tamen quia non indiscrete, sed sub qua-
 dam consideratione positus est, solatium praestitit.
 Nec enim dixit anathematizamus doctrinam ejus,
 sed quaecumque aliter sensit, aut dixit, quam do-
 ctrina Apostolica continet.

Non

Non nisi sub hypotheli anathema Nestorio dicere in Concilio Calchedonenſi volebat Theodoretus; hâc hypothefi virus abſcondi cenſebant Patres, ideò abſolutè anathema dici voluere Nestorio & doctrinæ ejus, quod ſi detrectaret hoc ipſo cenſebatur prodere animam hæreticum, non tantum in facti, ſed etiam in dogmatis quaſtione Eccleſiæ diſſentire, adhærere Nestorio propter doctrinæ ſocietatem, & ſub profeſſione fidei in ſpeciem Catholicâ reſervare ſibi ſenſum arcanum, qui cum damnato congrueret.

Verba refero ex actis Concilii actione 8.
 „Reſidentibus omnibus ante cancellos San-
 „ctiſſimi altaris Reverendiſſimi Epiſcopi cla-
 „maverunt; Theodoretus modò anathema-
 „tizet Neſtorium.

„Theodoretus Reverendiſſimus Epiſcopus
 „transiens in medio dixit: preces obtuli Im-
 „peratori, & libellos obtuli Reverendiſſimis
 „Epiſcopis agentibus locum Archiepiſcopi
 „Leonis: & ſi vobis videtur, legantur co-
 „gram vobis, ut ſicut ſapio, cognoscatis.

„R.R. Epiſcopi clamaverunt, nihil reſegi
 „volumus: modo anathematiza Neſtorium.

„Theodoretus dixit: Ego per Dei gratiam
 „ab Orthodoxis ſum nutritus, & Orthodoxa
 „docui.....& non ſolum Neſtorium, & Eu-

„tychen ; sed & omnem hominem ; qui rectè
 „non sapit , averfor , & alienum exillimo.

„Episcopi clamaverunt : Clarè dic anathe-
 „mā Nestorio , & dogmatibus ejus.

„Theodoretus dixit : verè non dico , nisi
 „quod modò novi Deo placere : priùs satis-
 „facio vobis.....calumniam passus sum.....

„omnem Hæreticum anathematizo , Nesto-
 „rium & Eutychen , & omnem hominem ;
 „vel opinantem duos filios anathematizo.

„Episcopi clamaverunt , dic apertè ana-
 „thema Nestorio.

„Theodoretus dixit. Ego nisi exposuero ,
 „quomodò credo , non dico : credo autem :

„Et , cùm diceret , Episcopi clamaverunt ;
 „ille Hæreticus est , iste Nestorianus est : Hæ-
 „reticum foras mitte.

„Theodoretus Reverendissimus Episcopus
 „dixit : ANATHEMA NESTORIO , & ei qui
 „non dicit Dei Genitricem MARIAM : atque
 „in duos filios partitur unum filium unige-
 „nitum.

„Judices dixerunt : Omnis jam dubitatio
 „de Theodoreto est soluta : quippe Nesto-
 „rium coram nobis anathematizavit.

„Omnes Episcopi clamaverunt : Theo-
 „doretus dignus est sede Ecclesiæ ; Ortho-
 „doxum Ecclesia Pastorem recipiat : Theo-
 do-

„doreto Catholico Doctōri reddatur Eccle-
„sia.”

Concedo Adversariis non omnia esse pa-
ria. Nestorius doctrinam suam damnatam
agnovit ab Ecclesiâ, nec dimisit, sed frontem
obdurans tueri perrexit, contemptâ Ecclesiæ
autoritate. Jansenius in initio & fine operis,
illud Apostolicæ Sedis submitit iudicio antè
latam in illud sententiam extinctus, nec hæ-
resios notam illi inurit Ecclesia, nec anathema
à nobis dici postulat viro, sed malè ominato-
ejus fœtui Augustino Cornelii Jansenii seu
doctrinæ hoc libro contentæ.

Sic igitur paucis immutatis statuatur Ar-
naldus in Congregatione S. Officii Romæ, vel,
si malis, in Inquisitione Hispanicâ cum suâ
geminâ pro Jansenio Apologiâ & Epistolâ 2.
ad Ducem & Patrem Franciæ in quibus Jansenium
nihil à fide alienum nihil non S. Au-
gustino maxime conforme docuisse multis
contendit: Residentibus omnibus Reveren-
dissimi Episcopi clamaverunt, Arnaldus mo-
dò anathematizet Pseudo-Augustinum seu do-
ctrinam Jansenii. D. Arnaldus transiens in
medio dixit: preces obtuli Regi Christianis-
simo, libellos Reverendissimis Episcopis
Galliæ, quos ipsi amplissimis testimoniis
comprobarunt; Adoptavi V Articulos disci-

pulorum S. Augustini oblatos Alexandro VII & dein Alexandro VIII, à neutro reprehensos. Si vobis videtur legantur coram vobis ut, sicut sapio, cognoscatis.

Reverendissimi Episcopi clamaverunt: nihil relegi volumus; modo anathematiza doctrinam Cornelii Jansenii quinque Propositionibus comprehensam. Arnaldus dixit ego per Dei gratiam ab Orthodoxis sum nutritus, licet aliqui Parentem meum Calvinismi insimulent, & orthodoxa docui, & non solum Jansenium & Calvinum, sed & omnem hominem, qui rectè non sapit aversor, & alienum existimo. Episcopi clamaverunt, clarè dic anathema Augustino Jansenii & quinque dogmatibus ejus. Arnaldus dixit, verè non dico, nisi quod modò novi Deo placere, prius satisfacio vobis. Calumniam passus sum. Omnem doctrinam hæreticam Jansenii & Calvinii & omnis hominis asserentis quinque famosas Propositiones anathematizo. Episcopi clamaverunt: dic apertè anathema doctrinæ Augustini Janseniani. Arnaldus dixit: Ego, nisi exposuero quomodò credo, non dico. Credo autem: & cum diceret, Episcopi clamaverunt: ille hæreticus est, ille Jansenianus est, hæreticum foras mitte.

Nescio an exemplo Theodoretii mox diceret

ceret Arnaldus anathema doctrinæ Augustini
 Iprensis, & ei, qui non dicit omnia Dei præ-
 cepta iustis volentibus & conantibus secun-
 dum præsentibus, quas habent vires esse possi-
 bilia, certè non deesse eis gratiam quâ possi-
 bilia fiant: Gratia interiori in statu naturæ
 lapsæ aliquando resisti: ad merendum & de-
 merendum in eodem statu non sufficere li-
 bertatem à coactione, sed requiri libertatem
 à necessitate: Semipelagianos non admisisse
 prævenientis gratiæ interioris necessitatem ad
 singulos actus, etiam ad initium fidei, neque
 in hoc fuisse hæreticos, quòd vellent eam
 gratiam talem esse, cui posset humana volun-
 tas resistere vel obtemperare: Non esse Semi-
 pelagianum dicere Christum pro omnibus
 omninò hominibus mortuum esse aut sangui-
 nem fudisse....valete. Si hæc profiteretur Ar-
 naldus, iudices responderent: omnis jam
 dubitatio de Antonio Arnaldo est soluta,
 quippe doctrinam Jansenii coràm nobis ana-
 thematizavit. Omnes Episcopi clamarent Ar-
 naldus dignus est, qui in Patriam revocetur,
 Sorbona socium ac Doctorem suum recipiat,
 Arnaldo reddatur gradus pristinus. Hæc illi
 ubi resipuerit, ex animo voveo.

Intercà dabis mihi hanc veniam, ut confido,
 dabis & ceteris Theologis Anti-Jansenianis si
 tibi

tibi in Jansenistarum albo principem locum tribuamus, quamdiu pro Jansenio, pro quo tot Apologias conscripsisti, tamquam pro aris & focis decertans illius ubique vestigiis inhaeris: neque agrè ferent gregales tui, qui ne se fateri damnatos usquam cogantur, occlament identidem, Jansenium nihil docuisse fidei contrarium, nihil non Augustinianum, nihil non communibus Patrum sententiis consecratum, non, inquam, agrè ferent si in Jansenismi suspicionem à nobis vocentur.

Præcessere hic nos Romani Pontifices, sic nos docuere exemplo suo Patres & Concilia, dum quos hæreticis familiares, importunos eorum præcones & patronos apprehenderant, eos de eadem hæresi postularunt, neque agnoscebant dein seriò conversos & Catholicos, donec hæresiarchis apertè dixissent anathema. Nulla, ut in Theodoro patuit, sufficiebat fidei professio, nulla sinceritatis protestatio, suspecta habebantur omnia, donec hæreticorum non generatim omnium, sed horum nominatim condemnationi subscriberent.

Sic Leo Papa Epist. 86. ad Nicætam Aquilejensem hanc regulam decernit: *Omnes sive Presbyteri, sive Diaconi, sive cujuscunque Ordinis Clerici, qui de Pelagianorum Calestianorumque*

confortio in communionem Catholicam eâ imprudentiâ sunt recepti , ut non priùs ad damnationem sui coarctentur erroris , nunc saltem postquam hypocrisis eorum ex quâdam parte detegitur (ut detegitur quotidie Jansenium ejusque doctrinam mirificè prædicantium) ad veram correctionem cogantur. Damnent apertis professionibus sui superbi erroris autores , & quidquid in Doctrinâ eorum universalis Ecclesia exhorruit detestentur : Omniaque Decreta Synodalia (uti & modo Congregationis S. Officii) quæ ad excisionem hujus hæresios Apostolica Sedes confirmavit autoritas , amplecti se , & in omnibus approbare (etiam hoc tempore formulâ juramenti Alexandri VII.) plenè & apertè ac propriâ manu subscriptis protestationibus eloquantur.

Damnari quinque errorum autorem Jansenium non postulat Ecclesia , nec damnare Pontifices , sed errores auctoris , sed librum ejus Pseudo-Augustinum & doctrinam eo volumine contentam. Quid opus inquit Lovanienses , qui juramenti formulam Alexandrinam admittere præfractè renuunt , aliam fabricantes , ubi nulla fit sensûs Janseniani expressâ mentio , condemnare privati auctoris sensum , modò dogmata secundum se proscribantur , cujuscumque demùm auctoris sint sive nullius?

Ref.

Respondeo ; ideò Jansenii sensum ejurandum esse ut nullus deinceps pateat cavillationibus locus ; nam in omnium manibus est Jansenii liber ; quo autem sensu Propositiones tradiderit facilè demonstratur. Quem igitur earum sensum Propositionum detestari tunc vos cogeret juramenti religio , foret perspicuum ; neque perjurii maculam effugeret ; quisquis evomitum Jansenii virus resorbisset.

Idcirco filii iniquitatis Pontificiæ formulæ lucem exosi latebras sibi ipsi struxere , eludendis Apostolicis diplomatibus opportunas. Damnant propositiones sensu arcano , quem sibi pro libitu fingunt , nec suis , nec Jansenii placitis incommodo.

Fucum Catholicis pudendum , si tamen Catholicorum est , non neglexerunt Ariani Eusebius Nicomediensis , & Theognis Nicænus apud Socratem lib. 2. c. 10. in Epistolâ ad Nicænam Synodum : *Consensimus* , inquiunt , *illi fidei definitioni , atque vi & notione verbi consubstantialis diligenter ponderatâ , paci nos totos addiximus , atque nullum errorem secuti sumus , sed tum quo Ecclesiarum securitati providè consuleretur , ea , quæ in nostram cogitationem venerant , vobis suggestimus , tum verò ut illos qui nostra sententiæ acquiescere deberent ,*
cer-

certa persuasione confirmaremus , fidei illi subscripsimus , sed sensu , quem mente reservamus nobis solis noto , sic ut cum subscriptione nostrâ quidquid est Ariani dogmatis conciliari possit , ut ubi tutum videbitur , faciamus palàm. Quærenda nunc honestæ quædam rationis species , quâ subterfugiamus condemnationem Arii , ne Arium damnando proscribamus doctrinam in sensu antoris adeoque in sensu nostro , quod omni studio cavendum.

Exemplo futuri Jansenistis ità pergunt : Anathemate autem Ario à Concilio denunciato non ob eam causam non subscripsimus , quòd fidem illam incusaremus , sed quod minimè crederemus , eum qui erat accusatus , hominem ejus generis fuisse , præsertim cum ex illis , quæ privatim nobis ab eo tum per Epistolas relata erant , tum per ejus sermonem coram habitum declarata , pro certo eramus persuasi ipsum longè alium fuisse ; quæ hoc modo imitantur Augustini Iprensis discipuli : Anathemate autem Janseniano sensui à Sede Apostolicâ denunciato non ob eam causam non subscripsimus quod fidem illam quinque propositionibus oppositam incusaremus , sed quod minimè crederemus , Jansenium , qui erat accusatus , hominem ejus generis fuisse , qui talia umquam docuisset,

cuiſſet , præſertim cum ex illis , quæ ejus libro continentur , certò eramus perſuaſi , ipſum longè alium fuiſſe.

Terret quoque timoratas Janſeniſtarum conſcientias metus calumniæ , ne Epifcopo defuncto , qui audiri non potuit , nec ſe defendere , impingantur dogmata , quæ in ejus ſcriptis nuſquam conſpiciuntur , ſaltem non alio ſenſu , quàm S. Auguſtini. *Avec quelle conſcience veut-on impoſer cette erreur à Monsieur d'Ipre , exclamat D. de S. Victor pag. 15. Quâ conſcientiâ præſumat quis errorem hunc (2. Propositionis condemnatæ) impingere Ipreſſum Antiſtiti !* Promittunt nihilominus Janſeniani pro ſuâ ergà S. Sedem reverentiâ ſilentium de quæſtione facti , licèt in eâ hallucinatam eſſe certum habeant. *Dogmatibus fidem , in-quiunt , factò reverentiam præſtamus.*

Undè fieri dixeris ut Theologi , qui manifeſtam anathematis ſententiam nihil morati , tam gravi & certo crimine ſe obſtringunt , errores damnatos cum pertinacia propugnando , tam religioſi ſint , aut ſcrupuloſi potius in condemnando Autoris ſenſu , quem condemnat Chriſti Vicarius , quem damnant Cardinales , tot Epifcopi , Uni-verſitates , &c. ? Rationem ſuperiùs indicavi ne videlicet errores ſuos quos ſemper tueri cer-

certum est , pariter execrentur. Pertinaciæ religionem , æquitatem, Dei timorem & charitatem obtendunt. Hæreticos hinc sequi malunt , quàm Petri successores.

Præivere Jansenistis pridem Pelagiani : quorum averſantur dogmata ; fraudes avidè imitantur. Instruxerat Leo Pontifex Septimum Epist. 85. hoc modo : *Qui se , inquit , correctos videri volunt , errorem suum , & ipsos erroris autores damnari à se sine ambiguitate fateantur , ut sensibus pravis & dudum peremptis , sperandi nulla supersit occasio , ne ullum membrum Ecclesiæ talium possit societate violari.* Sed alia placent , & jam antè placuerant consilia octodecim Episcopis Pelagianis , qui tractatoriæ Zosimi Epistolæ subscribere noluerunt. Horum nomine Julianus Eclanensis scripserat ad Zosimum his verbis : „ Illud autem sanctitatem vestram specialiter admonemus , „ ne ad vestram reprehensionem factum putetis , quod sic absentium damnationi , „ ob Dei timorem subscribere , non audemus , „ docti per Scripturas , humanam voluntatem „ præceptis Dei non debere præferri dicentis : *Non credes auditui vano , nec consenties cum iniquo fieri injustus : & ne multitudini quis credendum putaret , adjunxit : Non eris cum pluribus in malitiâ : & iterum : Prius-*
N quam

„quam interrogas , ne vituperes quemquam : &
 „iterum : Quod viderunt oculi tui , loquere.....
 „His igitur & ceteris testimoniis confirmati,
 „metuimus in absentium , & nobis inaudi-
 „torum capita dictare sententiam , nisi , cum
 „præsentes fuerint confutati. Quamvis igitur
 „Sacerdotalis officii sit , & Christianæ ca-
 „ritatis eos , qui se libellis purgarent , Ca-
 „tholicos confitentur , & damnabilia sibi
 „objecta condemnant , liberâ autoritate de-
 „fendere , & in dubiis rebus de unoquoque
 „meliora sentire , tamen dudum promissam
 „æqualitatis libram mediam inter utrumque
 „servantes , nec damnamus inauditos , nec
 „defensamus absentes.”

En reverens Jansenistarum silentium in
 quæstione , ut aiunt , facti ; en charitatem
 & Dei timorem , qui eos à Janseniani sen-
 sūs damnatione avertit.

Pervicaciam hæreticorum perfringere de-
 crevit Imperator Honorius Pontificiæ auto-
 ritati subveniens Epistolâ ad Aurelium Car-
 thaginensem Episcopum : „Dudum quidem,
 „fuerat constitutum , ut Pelagius , atque
 „Cœlestius infandi dogmatis repertores , ab
 „Urbe Româ , veluti quædam Catholicæ ve-
 „ritatis contagia , pellerentur sed quia
 „obstinati criminis pertinax malum , ut Con-
 „sti-

„stitutio geminaretur , cœgit præcipue
 „tamen ad quorundam Episcoporum perti-
 „nanciam corrigendam , qui pravas eorum
 „disputationes , vel tacito consensu astruunt,
 „vel publicâ oppugnatione non destruunt
 „Religio tua competentibus scriptis univer-
 „sos faciet admoneri , scituros definitione te-
 „stimoni tui , hanc sibi definitionem esse
 „præscriptam , ut quicumque damnationi su-
 „prâ memoratorum , quo PATEAT MENS
 „PURA , subscribere impiâ obstinatione ne-
 „glexerint , Episcopatus amissione multa-
 „ti , interdictâ in perpetuum communione
 „priventur. Non patietur Sanctitas Tua,
 „sectæ detestabilis homines , in injuriam re-
 „ligionis , nova & inusitata meditantes , se-
 „cretis tractatibus occultare sacrilegium , pu-
 „blicâ semel autoritate damnatum : una enim
 „eademque culpa est eorum , qui aut dissi-
 „mulando conniventiam , aut non damnan-
 „do , favorem noxium præstiterint. ”

Non sequiùs quàm scripsit , opere execu-
 tus est Imperator cum Pontifice & Episco-
 pis debitam contumacibus pœnam , ut te-
 statur Marius Mercator in common. c. 3.
 „Hæc omnia supra scripta capitula , ut jam
 „superius dictum est , continet illa beatæ me-
 „morix Episcopi Zosimi Epistola , quæ tra-

„Storia dicitur, quâ Cœlestius, Pelagiusque
 „damnati sunt, quæ & Constantinopolim,
 „& per totum orbem missâ, subscriptioni-
 „bus Sanctorum Patrum est roborata: cui
 „Julianus, & reliqui complices ejus subscri-
 „bere detrectantes, consentaneosque se no-
 „lentes iisdem Patribus facere, non solum
 „Imperialibus legibus, sed & Sacerdotalibus
 „statutis depositi atque exautorati ex omni
 „Italiâ deturbati sunt (hæc eadem ipsi
 „Juliano exprobrat alibi) audi nunc &
 „tu..... quid olim ipse pronuntiaveris, in
 „Epistolâ videlicet tuâ, quam ad Sedem
 „Apostolicam illo tempore ausus es mittere,
 „quando conventus detrectasti cum universâ
 „Ecclesiâ per totum orbem Pelagium Cœle-
 „stiumque damnare.”

Non minori merito queri posset Sedes
 Apostolica de Arnaldo, *audi nunc & tu,*
quid olim ipse pronuntiaveris in Epistolâ tuâ vide-
licet 2. quam ad Ducem & Parem Francia illo
tempore, ausus es mittere, quando detrectasti cum
universâ Ecclesiâ per totum orbem doctrinam Fan-
senii ejusque Pseudo-Augustinum condemnare, &c.

C A P U T X I I.

Solvuntur objectiones, quibus defensores Jansenii doctrinam ejus ab hæresis suspicione frustra conantur liberare. Ostenditur discrimen, quod intercedit inter eos, qui Jansenium atque illos, qui Honorium, & Theodoretum vindicant.

Multa objicit Arnaldus lib. *Phantême du Jansenisme* A. 1686. ubi plurima congerit de quaestione facti præsertim cap. 13. quæ rursus approbantur in libello : *Question Curieuse* A. 1690. Cap. citato profert Gersonem dicentem *judicium Ecclesiæ circa ea quæ facti sunt, fallere potest & falli.*

Quid indè? An proptercà doctrinam libri alicujus condemnare potest ut hæreticam, quæ Catholica sit? Jam erraret in quaestione juris. Aliud igitur ex dicto Gersonis non sequitur, quàm posse Ecclesiæ judicium errare in attribuendo libro cuidam auctori, in iudicando de sensu auctoris interno, de quo nulla nobis est controversia. Damnet modo Arnaldus doctrinam libri, qui inscribitur Augu-

stinus Cornelii Jansenii , & simul , si ità visum fuerit , neget Jansenium esse libri autorem , vel etiam ità in animo sensisse , sed planè opposita ; quam liber exprimat ; non Jansenistæ , non hæretici , sed temerarii ut summum , & inepti hominis nomen promerebitur.

Phantasmatis pag. 124. difficiliorem locum intorquet Cardinalis Bellarmini lib. de Rom. Pontifice c. 11. dicentis : *Quamvis generale Concilium legitimum non possit errare , ut neque erravit hoc sextum in dogmatibus fidei definiendis , tamen errare potest in questionibus de facto ; itaque tunc dicere possumus hos Patres deceptos ex falsis rumoribus , & non intellectis Honorii epistolis , immeritò cum hæreticis connumerasse Honorium.* Ad factum quod attinet rursus Arnaldo concedo posse Concilium errare cum judicat aliquem esse hæreticum , quod à mente ejus pendet , de quâ ex scriptis probabiliter quidem colligi potest , non tamen semper sine ullo erroris periculo.

Erraverint igitur Concilii sexti Patres ex Honorii epistolis , in quibus de geminâ æquè ac unâ in Christo operatione silentium indicabat colligentes cum animo fovere hæresim Monothelitarum unicam Christo operationem tribuentium , quod quidem collegerint

rint minùs rectè , cum vel in ipsis Epistolis extarent indicia minimè obseura agnitæ ab cooperationis geminæ. Sed ex indicto silentio, Ex favore , quem hoc pacto præstabat hæreticis , judicarunt Patres , cum plus occultare animo , quàm proderet , & in duabus voluntatibus , quas ibidem agnosceret verbo tenùs , subintelligere eum nescio quid restrictionis hæreticæ. At nec Epistolas ipsas , nec ullam earum propositionem damnare Patres ut hæreticam. Erraverunt igitur in solâ questione facti si Honorium propriè Hæreticum censuerint.

Sed eruditorum plurimum recentiorum probabilis mihi sententia est , supposito quod Honorii nomen non ab æmulis Romanæ Sedis perfidè intrusum , sed à Concilii Patribus hæreticorum nominibus appositum sit , eum non hæreticæ opinionis , sed suscepti hæreticorum patrocinii reum damnatum , juxta illud Imperatoris Honorii ad Aurelium Carthaginensem apud Garnerium part. 1. Operum Marii Morcatoris dissertatione 3. *Vna eademque culpa est eorum , qui aut dissimulando conniventiam , aut non damnando favorem noxium præstiterint ; & Leo Pontifex ad Episcopos Hispaniæ De Honorio inquit , flammam hæretici dogmatis non*
ut

ut decuit Apostolicâ autoritate incipientem extinxit, sed negligendo conforit.

Demus tamen damnatum ut hæreticum, nescio quid amplius ex loco Bellarmini intellectum velit Arnaldus, quàm errorem Concilii in quæstione facti superiùs memoratâ. Si enim contendat Epistolas Honorii verè juxta Bellarminum orthodoxas, aut aliquas earum propositiones secundùm sensum quem habent in Epistolis esse damnatas hæresios, jam manifestè admiserit Bellarminus errorem in quæstione juris, à quo admittendo satis constat, nec diffitentur Adversarii, Bellarminum fuisse remotissimum. Neque ejusmodi errorem tribuere Conciliis Oecumenicis potest Arnaldus, nisi in omnibus juris quæstionibus auctoritatem eis infallibilem pariter abrogaverit. Quo posito quid tandem futurum sit in fide firnum non facilè statuet.

Pag. 126. objicit Cardinalem Baronium ad annum Christi 681. n. 39. apud me 30. *Religio est in iis quæ fidem spectant, vel latum unguem ab iis quæ in S. Synodo sunt statuta, recedere; at in iis, quæ ad personas pertinent, & scripta ipsarum, non ità rigidè reperitur custodita censura. Nam patens exemplum est de quintâ Synodo, quæ Tria Capitula condemnavit de quibus à Sacrosancto Calchedonensi Concilio videri poterat aliter actum*
nempe

nempe de Theodoro , Theodoreto , & Iba. In his enim que facti sunt unumquemque contingere posse falli , nemini dubium est , & tunc locum habet illud Pauli 2. Cor. 13. non enim possumus aliquid adversus veritatem sed pro veritate.

Quantum ad factum attinet , Respondco ut suprâ , Concilia absolutè loquendo errori esse obnoxia , si ex tribus Capitulis de internâ autorum opinione hæreticâ vel Catholicâ judicium ferant ; sicut enim sub Catholicæ Confessionis larvâ , ut in Pelagio patuit , & plurimi aiunt de Fausto Regiensi , latet quandoque animus auctoris hæreticus , sic potest libri hæretici auctor esse non hæreticus , sive quod fide bonâ processerit , errans sine perpertinaciâ , sive quod rectum animi sensum non aptè expresserit , cujus exemplum recens occurrit in Professore nupero Divionensi , qui censens peccantibus semper adesse cogitationem aliquam numinis actualem saltem tenuem , quam alii virtualem appellant , etsi non explicitam , saltem implicitam , atque adeò nullum peccatum purè Philosophicum dari , ut profiteretur in scriptis publicè dictatis diu ante motam sibi ab adversariis molestiam , nihilominus ita Thesim proposuit , ut secundum se spectata fundamentum præberet innumeris peccatis etiam gravissi-

vissimis, quæ ut purè Philosophica non mererentur supplicia sempiterna.

Si Arnaldus censeat potuisse tria Capitula ab unâ Synodo, ut fidei dogmata, quoad omnia, & singula definiri, ac approbari, ab alia verò Synodo solenni definitione reprobari tamquam hæretica, convellitur Conciliorum autoritas non in solis facti quaestionibus, sed ut patet etiam in dogmatibus.

Quòd autem Calchedonense Concilium non probaverit Ibæ Epistolam, ut aliqui contendunt, testimonium luculentum præstat Synodus V. *Non aliter, inquit, passi sunt Patres (Calchedonenses) prædictum Ibam suscipere priusquam exegissent eum Nestorium, & impia ejus dogmata, quæ in Epistola vindicantur anathematizare . . . si igitur Ibam non alio modo suscipere sustinissent, nisi impietatem, quæ in Epistolâ continetur condemnasset & subscripsisset definitioni, quæ pro fide à S. Concilio data est, quomodo conantur dicere susceptam esse impiam Epistolam ab eodem Concilio? Demus tamen non displicuisse Epistolam Pontificiis Legatis, non ideo totius Ecclesiæ Decreto probata est, cum varii varia de ea senserint. Denique Eximius P. Lupus re diligenter discussâ ostendit Concilii Calchedonensis Occumenicam autori-*

tatem.

tatem actione sextâ terminatam esse. Adeoque etiam si Ibæ Epistola supponeretur ab illo Concilio approbata non esset infallibilis approbatio, cum Epistola tantum approbata esset actione 9. & 10.

At nobis etiam hujus Eximii Patris auctoritatem opponit Arnaldus; In Notis Conciliorum ubi de Epistola Ibæ: *Mihi placet Augustini Consilium: quibus argumentis absentis, vel mortui hominis voluntatem ita colligam, ut de illa jurare possim?* Nemo à te Arnalde unquam exegit, ut jurares pertinacem fuisse Jansenio voluntatem, & intentionem hæreticam. Sufficit si librum, qui Augustinus Jansenii inscribitur, & contentam ibidem doctrinam hæresios damnaveris.

Pag. 132. citas P. Sirmondum faventem Theodoro, ut Catholico, quamvis ejus scripta à Synodo V essent confixa Anathemate. Fave, & tu Jansenio, ut Catholico si ita videatur, non magnopere repugnabimus, modò ejus scripta condemnes. Cæterum nulla Theodoretæ propositio in particulari notata est. Indefinitè ut impia profligata sunt à Concilio V, quæ scripsit adversus S. Cyrillum, & duodecim ejus capitula, seu Anathematismos. Hæc non defendit Sirmondus, ut innocua, quemadmodum Ar-

Arnaldus universam Jansenii doctrinam tamquam Augustinianam, sed opinatur Theodoretum ex æmulatione potius, indignatione & odio in S. Cyrillum propter perstrictum ab eo graviter Joannem Antiochenum, quàm doctrinæ hæreticæ approbatione adedò ferociter in Cyrillum ejusque Anathematismos desævuisse.

Licet igitur hæc ejus scripta meritò, ut impia damarentur, quia virum sanctissimum ut Arianum, & Apollinaristam impugnabat, & tam salubre Cyrilli adversus hæticos studium mulcabat iniquissimè, censet Sirmondus aliundè colligi posse animum Theodoro non fuisse Nestorianâ hæresi afflatum, Quia Theodorus Abbas in argumento Synodi Ephesinæ id apertè testatur, dicens: "cum Joanne, adfuit Theodoretus, eloquentissimus Episcopus Cyri civitatis Orientalis. Hic contra Cyrillum agens, duodecim ejus capitula reprehendebat, quæ in tertia contra Nestorium Epistola conscripsit, refellebatque illa, dicens Arianum esse S. Cyrillum, & cum Eunomio, & Apollinari sentire. Cyrillus quippe Nestorio resistens incarnationem dividenti, majorem unionis curam præ se tulit. Undè & Theodoro unicam naturam docere videbatur."

„batur sicut Arius & Apollinaris ; sed ne-
 „que Theodoretus Nestorium defendere
 „umquam visus est, sed Cyrillum dumtaxat
 „accusare ob illatam Joanni contumeliam,
 „quod si quis nosse velit exosum fuisse ve-
 „hementer Theodoro Nestorium (ubi
 „ejus errores detexit , à quibus eum antè
 „censuerat immunem) librum legat quem
 „Theodoretus ipse adversus hæreses com-
 „posuit.”

Aliud irrefragabile testimonium est S. Leo-
 nis Papæ in Epistola ad Theodoretum ip-
 sum : *Remeantibus*, inquit, *ad nos Fratribus*,
& Consacerdotibus nostris, quos ad S. Concilium
Sedes Beati Petri direxit, agnovimus dilectionem
tuam supermo adjutorio nobiscum tam Nestorianæ
impietatis, quàm *Eutychianæ vesaniæ extitisse vi-*
etricem ; & infra : *Sed benedictus Deus noster*,
cujus invincibilis veritas ab omni hæresios maculâ
mundum te secundum Sedis Apostolicæ judicia de-
monstravit.

Vel , inquires , errat in hoc suo judicio
 Pontifex, vel errarunt Synodi Calchedoneni-
 sis Patres dum Theodoretum hæreticum pro-
 clamarunt, donec clarè anathematizaret Ne-
 storium. Ità sit erraverit alteruter in quæstio-
 ne facti. Sic & fieri potest, ut fallamur ali-
 quando cùm vocamus Jansenistas eos , qui

anathemadicere renuunt quinque Propositionibus tamquam libro Jansenii contentis, cum eorum fortè aliqui Jansenii doctrinam reverà execrentur. Quamvis non videatur natum fieri, ut fallamur sæpè cum eorum plerique Jansenii doctrinam circa quinque propositiones sequantur pertinaciter, ut eam sequi Arnaldus convincitur. Ut autem Arnaldum à Jansenismo, sicut Sirmondus Theodoretum à Nestorianismo vindicemus, Pontificium Breve expectamus, in quo ut olim S. Leo ad Theodoretum, Innocentius XII ad Arnaldum scribat: *Agnovimus Religionem tuam, superno adjutorio nobiscum tam Jansenianæ impietatis, quàm Calvinii vesaniæ extitisse victricem. Benedictus Deus noster, cujus invincibilis veritas ab omni hæresios maculâ mundum te secundum Sedis Apostolicæ judicia demonstravit. Expectamus ab Arnaldo, ut si nolit dicere anathema doctrinæ Jansenii saltem in actu exercito ei renuntiet. Sed in fide errantibus propria, & quasi individua omnes est pertinacia, ut à conceptis opinionibus nullâ ratione, nullâ autoritate divellantur.*

Instat Arnaldus; juxta Sirmondum *Vigilius censuit esse liberam controversiam de tribus Capitulis: igitur & libera est controversia de Propositionibus, & libro Jansenii. Ubi Sir-*

mondus hoc dixerit non notat Arnaldus, sitne hic fraudis aliquid haud scio : ceterum non aliâ ratione Vigilus liberam judicavit controversiam, quàm quæ spectat ad factum: an mortuis trium capitulorum autoribus dicendum esset anathema. *Grave est*, inquebat, *insultare defunctis vel si laici fuerint, nedum illis, qui in Pontificatu hanc vitam deposuerunt.* Undè in Concilio V. soli Theodoro anathema dictum est, non autem Ibæ, aut Theodoreto, licet etiam horum lucubrationes proscriptæ sint. Sed & hoc sensu dici potuit necessariam non fuisse capitulorum condemnationem, cum quæ proscripta sunt fidei adversantia, jam in prioribus conciliis definita essent satis apertè. Idèò Gregorius Magnus lib. 3. Epist. 37. sic scribit : *in ea (Synodo V.) de personis tantummodo, non autem de fide aliquid novi gestum esse.* Et lib. 2. Epist. 36. *in Synodo in qua de tribus Capitulis actum, est nihil de fide convulsus esse vel aliquid immutatum.* Si Arnaldus quæcumque contrà Jansenium gesta sunt antè eodem sensu definita fuisse contenderit, eodem sensu dicere cum S. Gregorio poterit, nihil nisi de personâ Jansenii, nihil novi de fide esse constitutum. Sed cum ut Arnaldus affirmat longè aliud Calvinus docuerit & alii hæresiarchæ, quàm Jansenius, dicendum

est , aliquid de fide , non de solâ Jansenii personâ , ea constitutione esse sancitum.

Sequitur apud Arnaldum pag. 135. Dominicus Gravina ex ordine S. Dominici , qui nescio , quo loco dixerit Concilia falli in attribuendâ cuiuspiam opinione velut ab eo traditâ. Non dissentio : v. g. si per falsos testes traducar quasi protulissem sive pro concione sive in sermone familiari sive in dictatis publicis opinionem, de quâ numquam mihi inciderit vel cogitare , errare in hoc facto poterit Concilium & errabit si me reum pronuntiet. At scriptum illud, quod tamquam à me dictatum exhibuerint non desinet esse hæreticum & in hoc iudicio nullum subest errandi periculum. Fateatur igitur Arnaldus librum , qui *Augustinus Jansenii* dicitur , esse hæreticum : de interno Jansenii sensu , vel sitne ipse autor voluminis , an illi ab altero suppositum , non disquiremus adeò operose ; neque Arnaldum propterea inter Jansenistas collocabimus. Nihilò plus quàm cætera Arnaldum juvant Tanneri , Annati , &c. de quæstione facti sententiæ. Quæcumque istius generis congerit , facile ex dictis solventur.

C A P U T X I I I.

*Expenduntur discrimina inter Jan-
senium & alios hæresiarchas.
Ostenditur hæc non officere , quò
minùs in puncto controverso æquè
sit infallibilis sententia Pontificis
in damnanda hæresi Jansenii ,
quàm aliorum hæresiarcharum.*

QUi Jansenio student , multa commi-
niscuntur , quibus eum à damnatis au-
toribus secernant. Hæresiarchæ , inquiunt ,
quos Ecclesia prostravit anathemate , fatig-
sibi conscii opiniones suas displicere Ecclesiæ
non dissimulaverunt dolorem , sed velut ca-
nes rabidi in Pontifices , & quotquot suspi-
cabantur cladis suæ autores , maledictis in-
volarunt , juxtà illud psal. 57. Furor illis se-
cundum similitudinem serpentis , sicut aspi-
dis surdæ obturantis aures suas. De Pelagia-
nis S. Hieronymus Epist. 24. apud Augusti-
num : cum superatos , damnatosque esse se sen-
tiant , tamen venena mentium non omittunt , &
quod solùm possunt nos oderunt , per quos putant
se libertatem docendæ hæresios perdidisse. Jansen-
nius

nus damnatam doctrinam esse non sensit, cum damnatio mortem ejus sit subsecuta.

Alterum discrimen, quo Jansenius ab hæreticis sejungatur est, quod hi concilia in sua sensa vi pertrahere præsumpserint, hic verò opus suum Apostolicæ Sedis judicio submiserit : in testamento mediâ ante mortem horâ à se condito, *sensio, inquit, aliquid diffculter mutari posse, si tamen Romana sedes aliquid mutari velit, sum obediens filius illius Ecclesiæ, in quâ semper vixi usque ad hunc lectum mortis, obediens sum. Itâ mea postrema voluntas est. Actum 6. Maii 1638. Non absimilis submissio legitur in fine lib. 10. de Gratia Salv. ante Parallelum. Si Augustini obscuritas me fefellerit, maximi beneficii loco ducam laborumque plurimorum compendium faciam, si quis aliud ex Augustini scriptis demonstraverit, quod donec humiliter ac desideranter expecto, quidquid de rebus tam multiplicibus & arduis non juxtâ meam sed juxtâ S. Doctoris mentem pronuntiavi ex Apostolicæ Sedis Ecclesiæque Rom. matris meæ judicio suspendo, ut illud jam nunc teneam si tenendum, revocem si revocandum, damnum & anathematizem, si damnandum & anathematizandum esse judicaverit.*

Discrimen 3. hæretici post condemnationem tueri errores suos pergunt cum pertinacia : Jansenius obedientem Ecclesiæ Filium sem-

semper se futurum professus est nec quidquam contra Ecclesiæ auctoritatem umquam tentavit.

Denique nihil ipse ex suo sensu deprompsit, Augustini ubique premens vestigia, ut infelix volumen præter centonem vix quidquam contineat. Hæretici pro libitu suo fingeant novitates, quarum autores se dici gloriabantur, ut in novæ sectæ se caput erigerent.

Hæc sunt, quæ pro Jansenio ad eum invidiâ utcumque liberandum partim à Jansenistis partim à Catholicis adferuntur. Sed quid hæc ad ejus doctrinam, aut si malis infelicem Augustini Commentarium? Ideone magis infallibile est judicium Ecclesiæ de dogmatibus libro contentis, quia horum autor V. G. Baius, Calvinus, Lutherus, aut alius quilibet hæresiarcha esse sua dogmata & anathemate perstricta agnoscit ac profitetur? Quod de suis articulis antea negarat postmodum confessus est Baius, nihil infallibilitati censuræ ademit, aut addidit; nisi fortè quatenus significatur fuisse à Baio conscripta, ejus fuisse hunc animi sensum.

Verum imponunt turpiter, & ad conflandam Apostolicæ Sedi invidiam mentiuntur Jansenii asseclæ, cum jactant Alexandrum VII. ad ejusmodi juramentum fideles
ade-

adegisse. De interno auctoris sensu juramentum non exigitur, sed de sensu & doctrinâ libri, qui auctoris nomine circumfertur. De doctrina & sensu libri judicat Ecclesia secundum acceptionem connaturalem, planam, & apud Theologos obviam, quam non immutat sensus auctoris nescio quis internus fallax & exoticus, uti nec subsequens ejus seu rebellio, seu submissio & reverentia ergâ Sedem Apostolicam.

Denique quid ad doctrinæ hæreticæ & condemnatæ excusationem pertinet, sive tradita ea sit ut Commentarius Augustini, sive ut auctoris conclusio? Amoliri fortè invidiam à se potuit Jansenius, non à dogmatibus, neque à suo volumine, quod doctrinam hæreticam tradit, sive ut Iprensensis sive Hipponensis Augustinus. In hoc autem ergâ Doctorum aquilam parùm reverentes sunt, qui ut à Jansenio doctrinæ hæreticæ avertant infamiam, cæsummum Ecclesiæ Doctorem conspergunt. At erravit in Augustini interpretatione, ità ut nec Augustini mentem affectus sit, nec suam expresserit nisi infelicitè referens & errans circa mentem alienam. Quam hæc frivola sint nemo non videt, qui aliquid videt in Jansenio. Quis enim nesciat Augustini sententiâ turgidum eas non referre

modò, sed approbare, extollere, inculcare ut Catholicas, ut verissimas, ut definitas ab Ecclesia, sic ut Jansenius reverâ tantùm utatur Augustini nomine, & verbis ad suæ sententiæ firmitatem?

V. G. secundam propositionem tradit Jansenius locis pluribus, inter quos occurrit in lib. 2. de Gratia Salv. c. 25. initio. *Hæc itaque est vera ratio & radix cur nulla omninò medicinalis Christi gratia effectû suo careat, sed omnis efficiat ut voluntas velit & aliquid operetur quod quantumvis gratiæ, istius congrua autoribus permirum videatur, veritas tamen est in Scripturis Sanctis & Augustini scriptis explorata.*

Asserere absolutè & simpliciter quod hæc sit vera ratio & radix cur nulla omninò medicinalis Christi gratia effectû suo careat, id est nulli dissentiat, nulli resistatur, sed omnis efficiat ut voluntas velit, & aliquid operetur, id est operetur omnem effectum, cujus hîc & nunc capax est, quod quamvis gratiæ istius congruæ autoribus permirum videatur, veritas tamen sit in Scripturis Sanctis & Augustini scriptis explorata, estne tantum referre sententiam alienam? Quî potest discretiùs à Theologo adstrui sententia propria, quam asserendo esse veritatem in Scripturis S. & Augustini scriptis exploratam?

Simi-

Similiter Propositionem 1. ut suam tradit lib. 3. de Gratia Salv. c. 13. col. 325. ubi citatis quibusdam Augustini locis sic in rem suam ratiocinatur. Ex hac, inquit, indubitata doctrina quadam non parvi momenti ad hanc rem spectantia inferuntur, & CLARESCUNT; primum quidem esse quadam homini precepta secundum statum & vires in quibus constitutus est impossibilia. . . . 2. non adesse semper gratiam quam possumus . . . 3. hanc impotentiam reperiri non solum in excecatis & obduratis & infidelibus. sed etiam fideles & justi (dicere debuit fidelibus & justis) quod probat ex illo Tridentini: Jubendo Deus moree petere quod non possis & (inquit Jansenius) ET EXAUDIAT, adjuvat ut possis. 4. Hanc impossibilitatem fidelibus accidere, non tantum quando nolunt precepta facere, sed etiam quando volunt. Perspicuum est enim eos qui Deum pro impetranda gratia deprecantur ut valeant facere quod jubentur, jam habere precepti implendi voluntatem, sed deesse potestatem..

Dum igitur eodem capite propositionem primam condemnatam tribuit Augustino, satis patet ejus autoritatem à Jansenio ad stabilendam suam sententiam adhiberi. Idem de aliis propositionibus Jansenium adeunti facile patebit, omnem Augustini doctrinam adoptari à Jansenio, atque adeò, quod Augustino

stino tribuit, profiteri ut suum, imò & ab omnibus amplectendum. Quod evidens fit vel ex præfationibus.

Ante Tom. I. de hæresi Pelagiana sic præfatur: Tanta est dogmatum istorum superbissimorum cum corruptâ per superbiam ratione consensio, tantum in illis quasi syrenibus prurientium in suam laudem, & admirationem animorum lenocinium, ut nisi celestis illa gratia, quam illæ à fonte, à zergo, à lateribus impetunt, aures eorum, qui in hoc perturbatissimo doctrinarum confusissimarum Pelago præternavigant, obturaverit, animumque eorum autoritati immobili D. Augustini veluti malo alligaverit, vix, vel nullo prorsus modo fieri possit, quin aliquâ ex parte, pestiferâ eorum dulcedine seducamur.

Apertiùs etiam doctrinam omnem S. Augustini de gratiâ & prædestinatione suam facit Iprensus in præfatione tom. 3. Nihil, inquit, publico utilius fieri posse puto quàm si genuina profundissimi Doctoris mens, hoc est Ecclesiæ Catholicæ sententia, quam ille explicuit & contrâ hæreses propugnauit de gratiâ & prædestinatione proferatur. Paulò superius ibid. vehementiùs urget omnes ad sequendum ubique Augustinum, intentat alioqui certò anathemata. In illâ, inquit, materiâ versamur, ubi post tot Apostolicæ Sedis Conciliorumque pronuntiata ex Augustini;

stini libris; verbo, sensuque tenus hausta, merito
adversus huiusmodi retorquere possumus; si quæ
vobis annuntiaverit præter id quod ex Augustino
acceperitis, anathema sit.

C A P U T XIV.

*Arcana Jansenii Manuscripta con-
firmant Jansenismum non esse
merum phantasma.*

UTinam liceret nobis infelicis illius Episcopi
numquam refricare memoriam,
ejusque lapsus tot animarum millibus funestos
perpetuo silentio involvere! Verum cum nescio
quæ de Jansenii sanctitate & Religione
singulari apud plurimos conciliata existimatio
eos in exitialem condemnatæ doctrinæ vene-
rationem pertrahat, visum mihi est ad bonum
Ecclesiæ conducere, inò necessarium, ut ar-
cana quædam Jansenii manuscripta, quæ in
manus meas venire, publici juris faciam, quæ
Janseniani libri omnem deinceps autoritatem
subruant. Jam inde in Scholis publicis dictari
cœperunt; vereor autem ne de Jansenio plus
fortè probent quàm velim ab omnibus intel-
ligi.

Sic

Quanto aliàs Jansenistarum strepitu Gallia & Belgium commota sunt propter accusatum à Pontifice Jansenium de propositionibus aliàs condemnatis ?

Declarabat Urbanus VIII. in constitutione, quæ incipit *in Eminenti* : Jansenium *magna cum Catholicorum scandalo & autoritatis dictæ Sedis (Apostolicæ) contemptu defendere multas ex propositionibus olim damnatis à Pio V. & Gregorio XIII.* Testabatur ibidem Pontifex id *comperitum ex diligenti & maturâ ejusdem libri, cui titulus Augustinus, lectione.* Consonantia Jansenii & Baii adductis utrinque locis pridem ostensa est, v. g. circa omnia infidelium opera peccaminosa, & Philosophorum virtutes vitiosas : omnia opera peccata, quæ non sunt Dei dilectio ; statum naturæ puræ impossibilem, &c.

Pergunt nihilominus Jansenistæ frontem obdurare, & constitutionem potius Pontificiam, quàm Jansenianum volumen erroris redarguere ; negare ullam propositionem suscitari usquam vel defendi à Jansenio vulgò Bajanam, sive à Pio V. & Greg. XIII. damnatam.

Ipsam igitur Jansenium in suo manu-
P
scrip-

scripto codice loquentem audiamus. ³⁶
 „Ad excusandas, inquit, propositiones Ma-
 „gistri Michaelis (Baji) observanda sunt 1. Car-
 „dinalem P. dicere expressè quod non sit fidei,
 „Papam esse supra Concilium Congregatum.
 „2. Du Val docet definitiones Pontificis esse
 „infallibiles, sed si fiant legitime, id est cum
 „Concilio Generali, alias non. 3. Non esse
 „omnes ut hæreticas rejectas, sed respectivè
 „ut hæreticas, scandalosas, malè sonantes,
 „periculosas, &c. Sic autem possunt impro-
 „bari propositiones etiam veræ, quæ prop-
 „terea tamen non sunt definitæ, etsi tenen-
 „dæ sunt pro illo tempore esse tales, quales
 „definiuntur. Tales enim definitiones sæpè
 „exigunt temporum circumstantiæ, ut in His-
 „paniâ de B. Virgine propter populi tumult-
 „tum. Et hic habere locum potuit, ut satis-
 „fieret doctrinæ tunc communi à Philoso-
 „phis haustæ, à scholis defensæ, quibus an-
 „tequam veritas cum ejus fundamentis pate-
 „fieret, adhærendum censebatur, ut licen-
 „tia coërceretur. 4. Quod non sint rejectæ,
 „nisi ad intentionem Autoris, quæ constare
 „potuit Pontifici. Si enim non constitit, te-
 „meraria admodum definitio fuisset, proinde
 de

„dò quærendæ aliquæ propositiones veræ ,
 „rejectæ propter scandalum , aut malè sonan-
 „tiam , si reperiri possint. Fortè de Tribus
 „Capitulis.

Adverte lector , quòd ubi Jansenius scrip-
 tum suum Orditur hoc modo : *Ad excusan-*
das propositiones Magistri Michaelis , satis perci-
 piens hujus suæ machinationis temeritatem ,
 ideoque veritus , ne , quod tandem accidit ,
 manuscriptum hoc in Catholici cujusdam
 Theologi manus incideret , non ausus sit
 mentem exprimere caracteribus obvii , &
 linguâ latinâ , sed partim latinâ , partim gra-
 cã , partim hebraicâ : *ad excusandas* , in-
 quit , ἀποφαείς R. A. B. M. Postremi cara-
 cteres erant hebraici , & ut apud hebræos mor-
 ris est , ordine retrogrado collocati. Indicia
 profectò hæc scriptoris sunt non bonæ fidei ,
 & doctrinam ineditantis quam satis novit ne-
 que tutam esse , neque Ecclesiæ dogmati-
 bus conformem.

Magistri sui artes secuti sunt Autores in-
 ventæ nuper arcanæ clavis. Quid autem in-
 eptius , quàm excusare propositiones dam-
 natas , quia juxtà aliquos non est de fide
 Pontificem esse infallibilem ? Quis enim ne-

get infallibilem in definitionibus ab Ecclesiâ
admissis, ut admissæ sunt definitiones adver-
sus Baium? Propositiones autem damnatas
dici tantum damnatas pro tempore, & do-
nec veritas cum suis fundamentis pateat,
absurdius est, quam ut ex calamo viri ca-
tholicè sentientis elabi potuerit; Item
quod Ecclesia damnet veritatem propter tu-
multum populi, & ut aliquid tantisper
concedatur doctrinæ communi haustæ à Phi-
lōsophis.

Miraberis lector, & si quid in te erga
Christi Vicarios venerationis, adversus Jan-
senium commoveberis, ubi ejus verbis ollen-
dero, tam charas ei fuisse Baji propositio-
nes, etiam post condemnationes, ut instin-
ctu diabolico potius, quam divino concepta
& lata fuisse in articulos Bajanos sententia
Jansenio videatur.

Verba dabo ex manuscripto codice pro-
pria Jansenii manu exarato. Postquam dixerat
, mirandum esse admodum Pelagianam hæ-
,resim, quæ à S. Augustino refutata tanto
, applausu, & ab Ecclesiâ Augustini doctri-
, nam definiente reprobata sit, tantum po-
, tuisse, ut aliquoties surgere conata, sapè
cli-

„Olisa, tamen post tot sæcula per Philo-
 „phorum acumina, nemine advertente ca-
 „put ita erexerit, ut in majore penè vigore
 „esse videatur quàm unquam fuit apud non
 „nullos.” Tum sollicitus, qui Pelagianismus
 reprimi possit, & expulsa ex Ecclesiâ Augu-
 stini Doctrina rursus introduci, deplorat ob-
 staculum tam piis suis & Michaëlis Baii co-
 natibus objectum fuisse. In margine legitur
impedimentum doctrinæ veteris introducendæ. In
 corpore verò manuscripti; *Non sine arte sa-*
tanae, inquit, procuratum fuisse videtur obstacu-
lum illud condemnationis M. B. (Michaëlis Baii)
ut qui doctrinam illam gratiæ novitiam destruere
vellet, & veterem introducere, contra Sedem Apo-
stolicam luctari in speciem videatur. Nihil enim
invidiosius clamabitur, quàm illam Sedem dede-
corari.

Manuscriptum hoc non à me fingi no-
 runt in Universitatè Lovaniensi plures om-
 ni-exceptione majores, qui mecum scrip-
 tum autographum manibus versarunt. Fide-
 lem ejus copiam mihi procuravi, quæ etiam-
 num penes me est, & roganti exhibebitur.
 Autographum quoque non procul domo meâ
 est, & ut confido, non difficulter mihi

rursus ab Amico concedendum, ubi ad liberandam fidem meam videretur necessarium.

Quin scriptum illud verè Jansenii sit, indubitatum est conferenti cum aliis, quæ Jansenii esse omnes agnoscunt, & hoc ipsum, si necesse fuerit, probabitur luculentè. Certè quidam Jansenio devotissimus præcipuæ inter Neo-Augustinianos autoritatis, & qui plura in archivo pretiosissimi thesauri loco habet Jansenii manuscripta, hoc ubi conspexit nihil moratus, *ipsissimus*, inquit, *est character Illustrissimi nostri Ipsensis, nequit esse ovum ovo similis, quàm hoc reliquis, quæ apud me sunt istius clarissimi viri monumentis.*

Accedit perfectissima totius farraginis cum famoso volumine concordia doctrinæ & sententiarum: ubique se prædit odium adversus Scholasticos, quos Aristotelicos vocat potius, quàm Augustinianos, ut & in suo Augustino scribit de Thomistis. Queritur veram & à Patribus traditam Theologiam, à Monachis infinitâ inutilium ac metaphysicarum quæstionum multitudine perturbatam esse penitus atque confusam. Optat ut Monachi otium, quo abundant, exemplo ve-

temur, opificiis manualibus impendant re-
 lictâ Theologiâ Episcopis, quibus id mu-
 nus proprium. Undè non miror in Jansenii
 sequacibus odium adversus viros religiosos,
 seu ut ipsi per contemptum vocare inalue-
 runt, Monachos; cum illud sibi quodam-
 modo innatum à suo Patriarchâ acceperint
 hereditarium.

Est quod hîc Jansenistis suadeam, si Re-
 ligiosos à studio Theologico aversos deside-
 rent, quod erat votum Jansenii, sinant
 eos distineri dirigendis confraternitatibus,
 instruendis Monialibus, aliisque devotis Deo
 Virginibus, promovendo Scapulari, Rosa-
 rio, Cingulo S. Thomæ Aquinatis, S. Augu-
 stini, S. Francisci (loquor non ignota Do-
 mino van Espen Collegii Pontificii Dome-
 stico & factionis Guminariæ in jure cano-
 nico adjutori strenuo) his enim multò tem-
 pore occupari constat viros ingenii perspicu-
 cissimi, & Theologicis studiis maximè ido-
 neos, & linguâ, calamoque promptos, qui
 fortè non parùm Jansenismo facefferent ne-
 gotii, si iis curis vacarent.

Sed fortè Lector impatiens moræ expectat
 à me illustrem ex manuscripto Jansenii codi-

ce locum de Monachis post Magistrum sententiarum Theologiæ corruptoribus.

„Quamdiu (inquit) Christiana Doctrina pro-
 „instructione populi autoritate quasi paternâ &
 „Episcopali tradita fuit, cum omni sinceritate
 „& simplicitate tradebatur, ipsique Doctores
 „de ipsâ doctrinâ solliciti, ad cuius normam vi-
 „debant sui gregis mores componi, cum omni
 „cautione à temeritate asserendi abstinebant
 „incerta, multisque curis occupati superflua
 „præcidebant.

„Sed postquam cœpit in Scholis tradi ab
 „hominibus nihil præter hoc profitentibus,
 „& ad nihil vacantibus nisi ut illum cam-
 „pum excolerent, infinitarum farrago quæ-
 „stionum inutilium, curiosarum, frivolarum,
 „superfluarum invec̃ta est, ut magnitudine
 „scientiæ se commendatos redderent. Et
 „quasi quos docebant, non erat eorum Grex
 „proprius, quorum Christiana salus esset co-
 „rum curæ commissa, ut qui alios veros Pa-
 „tres & Pastores in Christiana doctrina &
 „probitate agnoscerent. * Hinc nihil solliciti
 „nisi ut suam scientiam buccis concrepanti-
 „bus venditarent, multa temere asseruerunt,

* Origo corruptelæ in Theologiam inductæ undè.

„ & antiquis abrogatis nova substituerunt ,
 „ quia disciplinis Philosophicis imbuti , omnia
 „ voluerunt ad illam normam exigere , quia
 „ Patrum doctrinam vel non legerant , vel suis
 „ nimium intenti , sedulo eorum sensum per-
 „ secutari non potuerunt. Otium ergò eorum ,
 „ qui hoc genus scientiæ solum profitebantur ,
 „ tot inutiles quæstiones nobis peperit , de
 „ quibus nec Magister sententiarum cogitavit ;
 „ quia reverà dimidia pars earum est fundata
 „ in Philosophia , & Metaphysica. Hinc fa-
 „ ctum est , ut Monachis factum fuerit hoc
 „ genus scientiæ quasi proprium. Nam si
 „ Scholastici recenscantur , ex decem vix unus
 „ reperietur sæcularis : sicut enim omnes an-
 „ tiqui Monachorum institutores certa opifi-
 „ cia manualia induxerunt , ut otium à suo
 „ grege arcerent , ità Scholastici illi Religiosi
 „ tempus amplissimum , quo abundabant , fri-
 „ volis quæstionibus indagandis impenderunt.
 „ His accedit , quod Philosophis omni tem-
 „ pore proprium fuerit per eruditionem , no-
 „ varumque sententiarum introductionem glo-
 „ riolam quærere , sententias suas mordicùs
 „ tueri , & ità interminabilibus certaminibus
 „ inter sese contendere , ut ex August. in libris
 „ de

de civitate Dei constat. Quid mirum si illi,
 qui Philosophorum spiritu & doctrinis plus
 satis instituti sunt, eorum uestigiis insite-
 runt, eisdemque disputandi, & altercandi
 modos, & mores quos Philosophi in suis
 libris observant, imitati sint. Hinc enim
 jam ista consuetudo invaluit, quemadmo-
 dum quidam Scholastici non ignobiles in-
 genuè professi sunt, & experientia patet,
 ut ignominiosum habeatur si discipulus ad
 professionem Sacrarum Litterarum admo-
 tus, non aliquid Magistro superaddat, &
 novi aliquid moliat.

Hæc omnia Responsum quoddam sunt ad
 quæstionem, quam in margine sic paucis
 proponit: *Origo corruptele in Theologiam in-*
ducta unde. Quantò verius ad eandem quæ-
 stionem responderemus: Illustrissime Anti-
 stes: *Origo corruptela in Theologiam inducta*
præcipua est liber, cui titulus: Augustinus
Cornelii Fanfæni. Unde pace tuâ dixerò in-
 ter Religiosos, quamvis multi subindè
 scholastici erraverint, plus tamen volumen
 tuum, ut vocas, *Augustinus*, detrimenti intul-
 isse Theologiæ fidei & Ecclesiæ quam cen-
 tena Monachorum opera, sive Theoricam
 Theo-

Theologiam complectentia , sive Ethicam. Minimè vero decebat privatum Doctorem, aut etiam Episcopum se vocare alterum Augustinum, multò minus contemnere & modis excipere tam indignis scholasticos & inter hos Doctorem Angelicum, Doctorem Seraphicum, aliosque tam doctrinâ quàm pietate conspicuos, qui doctissimis atque utilissimis lucubrationibus Ecclesiam illustrarunt. Acerbum Jansenii & fidi ejus Achatis Joannis Vergerii in omnium Ordinum Religiosos animum magis prodit, si verum sit testimonium, quod in quodam Archivo repertum hic subjicio.

Nos F. Marcus à Nativitate Virginis Provincialis Carmelitarum Provinciæ Turonensis hoc scripto declaramus, quod A. 1652, & 1654 D. de Razilly vir Nobilis Turonensis testatus nobis sit interfuisse se circa annum 1620. colloquio cuidam virorum in Ecclesiâ spectabilium, inter quos erant Dominus du Verger, cui nomen deindè fuit Abbatì Sancto-Cyrano, & Dominus Jansenius dein Ipresium in Flandriâ Episcopus. Proponebat in eo colloquio D. du Verger ut no fideles Re-

gu-

gularium templa adirent tam frequenter, optimum factu fore si Ecclesiastici, qui administrandis Sacramentis dabant operam, praxi uterentur ei oppositâ, quæ id temporis usurpabatur à Regularibus, pœnitentiæ verò Sacramentum difficile redderent; Eucharistiæ autem ut usus rarior esset efficerent. Jansenio consultum non videbatur in Religiosos simul omnes insurgere, sed initium agebat sumendum esse à Jesuitis; neque enim difficile futurum demonstrare perversam esse eorum de gratiâ doctrinam, & sopitas de eâ re sub Clemente VIII. concertationes reslituere. In eum finem librum se conscripturum addicebat, quo Jesuitarum doctrinam impeteret, quem suspicio est eum esse, qui dein prodit in publicum, hoc insignitus titulo *Augustinus* &c. Priorem agebam in Conventu nostro Turonensi cum Dominus De Razilly priusquàm obiret, sui etiamnum apprimè compos ac conscius, quæ de illo colloquio antè commemoraverat iteratò testatus est esse vera. Sed & hæc eadem narrarat P. Nicolao à Visitatione Prædecessori meo eodem in munere Prioris, subjeceratque edixisse se viris istis

istis non placuisse sibi ea consilia aut colloquia; quippe in quibus nihil agebatur aliud, quam ut passioni suæ atque utilitati inservirent. In quorum fidem has propriâ manu scriptas signavi, & signari curavi per Assistentem nostrum, atque insuper sigillo officii nostri munivi. Actum Turonibus 29. Julii 1687.

Fr. MARCUS A NATIVITATE VIRGINIS
Provincialis Carmelitarum in Provincia Turonensi.

Fr. JOSEPHUS A JESUS MARIA,
Assistens R. P. Provincialis.

Nos F. Nicolaus à Visitatione Religiosus Ordinis B. Mariæ Montis Carmeli declaramus audivisse nos ex ipso D. de Razilly, tum cum Prioris munere fungebamur Turonibus A. 1649. 1650, ea, quæ Pater noster Provincialis R. P. Marcus à Nativitate Virginis refert de colloquio, cui interfuere D. Sancyranus, D. Jansenius & aliquot alii, & in quo consilia contulerunt, quæ dein executioni mandata sunt, ut vulgò compertum est. In quorum fidem, hæc manu meâ signavi, atque apponi curavi Conventûs nostri sigillum. Actum Turonibus 29. Julii 1687.

F. NICOLAUS A VISITATIONE.

Q

PRE-

Præterco virulentas eorum epistolæ , parallelum Massiliensium aliasque præsertim adversus Jesuitas machinationes. Hic profectò Jansenius & San-Cyranus ; Lutheri , Calvinii & ceterorum recentium hæresiarcharum propè institerunt vestigiis.

C A P U T X V.

Propositiones non paucae ex damnatis ab Alexandro VIII. sunt Jansenii.

QUANTÀ verborum acrimoniâ persequi solent Jansenistæ libros scholasticorum , non Ethicos tantum , sed & Theoricos ! illos pestiferæ laxitatis infimulant , hos Pelagianismi instaurati , & eversæ Doctrinæ Augustinianæ , quam tot olim Conciliorum Decreta & Universæ Ecclesiæ approbatio consecrarunt. Si unam alteramve in libro quopiam propositionem ostendunt , Pontificis sententiâ condemnatam , quàm misero illius auctori superbè insultant ! quibus cum ubique dilacerant conviciis ! liber non aliter expurgari potest , quàm infami incendio , neque ullum pegma ei satis vile est , ad orcum undè prodiit demergi debet iisdem cum autore suppliciis puniendus Ità novæ charitatis discipuli.

Jan-

Jansenianum autem volumen quamvis de innumeris erroribus , & damnatissimis convictum , prædicare nunquam desinunt tanquam prorsus immaculatum , omnis navis expertus , Augustiniana veritatis compendium , doctrinæ prorsus cœlestis oraculis refertum , non magis obnoxium anathemati , quàm Paulinas Epistolas Spiritu sancto dicente conscriptas. Ad reprimendam istorum hominum tam insanas voces & intolerabilem jaſtantiam juverit præter 5. famosas propositiones hæreticas & Baianas multas , etiam complures Alexandri VIII. irrefragabili judicio proscriptas & gravissimis notatas censuris in Jansenio ostendero.

Prima propositio ab Alexandro VIII. damnata : *in statu nature lapsæ ad peccatum mortale & demeritum sufficit illa libertas, quâ voluntarium & liberam fuit in causâ sua peccato originali & voluntate Adami peccantis.*

Jansenius lib. 3. de gratia Christi c. 10. col. 303. *Ista ratio & radix est cur sexcentis locis contra Pelagianos doceat (Augustinus) quod alii juvantur, alii non juvantur divini esse judicii, quô nihil aliud docet, quàm quod loco citato docuit, justè videlicet quibusdam gratiam subtrahi, sine quâ impossibile est justum manere & injustum rectè vivere & peccata vitare quamvis velit.*

Immediatè antè dixerat hoc intelligendum non de primo homine , sed de damnata ejus posteritate. Primum hominem pronuntiat deficiente adiutorio quo posset manere , si vellet , sine culpâ casurum , ejus verò posteritatem non posse obtendere suam innocentiam, si sibi illud deest , quia pœna peccati est , quòd subtrahitur.

Si propter peccatum originale denegetur adultis gratia quâ possint julli manere , rectè vivere , vel peccata vitare , sicque peccantes non possint obtendere suam innocentiam, sed demereantur tum peccatis mortalibus , tum venialibus , ut vult Janfenius ; igitur in statu naturæ lapsæ ad peccatum mortale , & demeritum , sufficit illa libertas , quâ voluntarium ac liberum fuit in causâ sua peccato originali , & voluntate Adami.

Lib. 3. de Gratiâ Christi cap. 26. ubi attulit definitionem Augustini ex libro de duabus animabus cap. II. *peccatum est motus voluntatis undè liberum est abstinere* , statim subdit , *quam definitionem sæpe (Augustinus) protestatur nulli peccato nisi solius primi hominis convenire* : Rationem reddit quia cetera ita peccata sunt , ut simul sint præcedentium supplicia peccatorum , quæ saltem cominimus in Adamo , & rectè plura peccata vocantur , quia , ut constat ex Tridentino , tot transgressio-

nes; distinctæ sunt, quot subjecta, ad quæ peccatum originale derivatur. Certum est non omnia peccata in nobis esse pœnas peccatorum personalium; evidens enim est quod primum nostrum personale, aliud personale præsupponere nequeat. Igitur illud est pœna peccati originalis tantum, neque habet in se libertatem, cum definitio Augustini juxta Jansenium conveniat soli peccato primi hominis, quod solum requirebat libertatem, cæteris sufficiat esse pœnas peccati originalis, adeoque habuisse libertatem in Adamo. Undè rursus sequitur prima propositio decreto Alexandri VIII. condemnata.

2. *Tametsi detur ignorantia invincibilis juris naturæ, hæc in statu naturæ lapsæ operantem ex ipsa non excusat à peccato formali.*

Jansenius lib. 2. de statu naturæ lapsæ comput quartum sic orditur; sed hic gigantea occurrit moles & ut videbitur, nodus insolubilis, qui fieri possit, ut ex invincibili ignorantia peccatum possit proficisci. Quis enim capiat ut homo in eo peccet, quod neque scit neque scire potuit, nec voluntate sua sive volente sive torpescente talis ignorantie causam dedit? Hujusmodi enim peccata jam non erunt nequidem voluntaria, quod ad peccati rationem omnino necessarium est, sed necessaria. Et quis credat tale portentum doctissimum

sanctissimumque virum docere potuisse ? si te benigne lector ista difficultas fortè moveret , profectò moveret & me , non tamen ità ut vel dubitem doctrinam illam Augustinum tradidisse , vel in eà tradendà fluctuasse vel hallucinatum esse , sed potius ut obstupescam & exhorrescam profunditatem iudiciorum Dei. Certissimum est enim , quantum excusis magnolabore diligentiaque principis Augustini & anfractibus doctrinae ipsius , mihi iudicare licet , hoc Augustinum , hoc Hieronymum , hoc Concilium Palatinum sine ullà fluctuatione ut rem in Catholicà Ecclesià extrà omnem controversiam , tamquam in Scripturis traditam , docuisse ; rectè an secus , pietas nostra in dubium revocare non sinit ne eadem operà victoria quoque veritatem & aequitatem , quā de Pelagianà heresi triumphatum est , in dubium revocemus. Quaecumque nos hic movent rationis humane , sed plerumque vana terriculamenta sunt , haec munimenta divina sunt.

Ubi vides horrendum dogma de ignorantia invincibili non excusante in statu naturae lapsae traditum à Jansenio tamquam sententiam , de cuius veritate nemo , nisi fidei nostrae fundamenta concutiendo possit ambigere.

Hinc oriri necessitatem peccandi , sed non imputatur ex peccato originali , asserit ille qui excusare. Ibid. Col. 300. tantum abest ut Augustinus huiusmodi suis pro-

nuntiatis , quæ ante exortam heresim Pelagianam asseruerat , territus fuerit , vel aliquid in doctrinâ suâ iuvincibilis ignorantia , quam tradidimus , immutaverit , ut potius è contrariò necessitatem peccandi ex eâ consequi ingenuè fassus fuerit , imò velut rem certissimam protulerit , ex qua necessitas illa , quæ in originali peccato sine omni omnino personalis voluntatis voluntario cernitur , evidentiùs probaretur , & plenius innotesceret.

Non distinguit Jansenius inter justificados & non justificados , sed æqualiter in utrisque ignorantiam invincibilem à peccato non excusantem profitetur. Agere verò Jansenium de peccato formali certum est omnibus & evidens adeò , ut ne ex Jansenii quidem defensoribus quisquam in dubium revocaverit.

Eandem propositionem tradit Jansenius lib. 2. de statu naturæ lapsæ C. 2. Col. 287. Generale namque videtur , inquit , Scholasticorum pronuntiatum esse , quod quidquid ex invincibili fit ignorantia hoc ipso culpâ vacat (seu peccato formali) quæ sanè doctrina quamvis humana rationi , quâ nititur , valdè plausibilis esse videatur tamen dicit esse contrariam Augustino , Pelagianam , & in hoc Pelagianorum principio fundatam : Ignorantia quæ evenit secundum necessitatem non voluntatem , non subjacet peccato. Ibid. dicit doctrinam illam acriter à Catholicis defensoribus oppugnari.

gnatam & à judicibus (Ecclesiæ) condemnatam in Synodo Palestinâ, &c.

Col. 290. *Quæ sanè perquam evidenter ostendere videntur sententiam illam, quod ignorantia necessitatis non voluntatis, hoc est invincibilis peccato non subjaceat, Catholicorum Episcoporum judicio in Synodo præsidentium, & Augustini toties illud approbantis calculo, sine ullâ tergiversatione esse damnatam. Ubi subjacere peccato non accipit Jansenius ut Palestinæ Synodi Patres pro effectu peccati originalis & peccato merè materiali, sed pro peccato, quod culpâ non vacet, ut constat ex Col. 287.*

Totum hoc breviter & clarissimè docet Jansenius lib. 2. de statu naturæ lapsæ c. 5. in fine. *Legis, inquit, naturalis ignorantia, sive sit vincibilis, ut in gravioribus delictis, præsertim, quibus proximus læditur contingere solet, sive sit invincibilis, ut in iis forsân, quæ magis à principiis distant conclusionibus naturalibus, & invariabilium occurssu subito circumstantiarum plerumque accidit, non excusat à peccato delinquentes. Sed de his & similibus delictis Augustini humilitas tremebat, quando propter subitas diversasque circumstantias in discernendo illo naturæ jure perplexus exclamabat: delicta quis intelligit, & Davidis pietas cum tota Ecclesiâ gemit: Delicta juventutis meæ & ignorantias meas ne memineris.*

Igitur censebat Jansenius peccata esse formalia, quæcunque adversus legem naturalem ex ignorantia invincibili perpetrantur, neque ad venialem culpam ea usquam restringit, sed contra, ubique clamat ea nos reddere damnationi obnoxios.

3. Propositio damnata: *Non licet sequi opinionem vel inter probabiles probabilissimam.* Sequitur ex priori; si enim ignorantia invincibilis non excuset, in statu naturæ lapsæ minus excusat probabilitas quantumvis cogitetur magna. Ubi probabilissimum est, legem aliquam seu imperantem seu prohibentem non existere, etiamsi fortè reipsa existat, non censetur sufficienter promulgata, ut obliget in actu secundo eum, cui probabilissimum est legem non esse, adeoque contrà legem agendo non peccat. Egit simpliciter, ut supponitur, quidquid moraliter potuit, ut veritatem assequeretur, quam si apprehendere non potuerit, ut ignorantia ejus & error invincibilis, sic & actus quicumque hinc secutus legi contrarius à peccati formalis malum immunis definitur contrà Jansenium.

4. Propositio damnata: *Dedit semetipsum pro nobis oblationem Deo non pro solis electis, sed pro omnibus & solis fidelibus.*

Jansenius lib. 3. de gratia Salv. C. 21. Col.

383. Ex quibus, inquit, clarum est, non aliter Augustini iudicio Christum se redemptionem pro omnibus dedisse seu propitiationem esse pro peccatis totius mundi, nisi quia pro peccatis omnium fidelium ex quibus una Catholica constituitur Ecclesia redemptio atque propitiatio est. Nec in universis Augustini operibus, ni fallor, locus est, ubi doceat Christum pro peccatis infidelium in infidelitate permanentium esse propitiationem, vel pro iis se dedisse redemptionem, contrarium verò non semel significavit. Quam sententiam ibidem approbans etiam Scripturis Sacris & Conciliis Jansenius affingit.

Cum audis Jansenium prædicantem mortem Christi pro peccatis omnium fidelium, ne existimes id intelligendum de omnium fidelium peccatis prorsus omnibus, non enim pro remissione peccati finalis eorum, qui in iustitiâ non perseverant, cum pro nullius reprobi æternâ salute Christum mortuum esse non magis quam pro æternâ salute demonum inculcet Jansenius eodem Capite Col. 390. Quæ sanè, inquit, cum in Augustini doctrinâ perspicua certaque sint, nullo modo principiis ejus consentaneum est ut Christus Dominus vel pro infidelium in infidelitate morientium, vel pro iustorum non perseverantium æternâ salute mortuus esse, sanguinem fudisse, semetipsum redemptionem dedisse,

Patrem orasse sentiat...ut juxta Sanctissimum Doctorem non magis Patrem pro aeterna liberatione ipsorum, quam pro diaboli deprecatus fuerit.

5. Propositio damnata : Pagani, Judaei, Haeretici aliique hujus generis nullum omnino accipiunt à Jesu Christo influxum, adeoque hinc rectè inferes in illis esse voluntatem nudam & inermem sine omni gratiâ sufficiente.

Jansenius lib. 3. de Grat. Salvat. Capiti II. Hunc præfigit Titulum : Infideles carent omni gratiâ sufficiente ad salutem tam proximâ, quam remotâ, & omnibus principiis ejus. Postquam initio capitis gratiam, quam Scholastici infidelibus concedunt, dixerat cogitationem aliquam esse ab objectis etiam naturalibus suscitatum, aut diminutionem virium adversarii, amotionem occasionis, quâ tentamur, terrorem, blanditias objecti alterius, aut generaliter aliquod adjutorium gratiæ naturalis in substantiâ, mox subdit : Et quidem eos, omni tali gratiâ carere nullam in Augustini principiis dubitationem continet, quidquid enim diximus ut Judaeos (etiam tempore legis Mosaicæ) gratiâ sufficiente servandi præcepta legis caruisse probaremus, multò validius in infidelibus locum habet prout res ipsa per se loquitur.....uterque verò status expers gratiæ est, & ab Augustino vocari solet ante gratiam, ut per hoc ipsum significet utrumque statum

rum carere gratiâ non solum faciendi bonum, sed gratiâ non faciendi id quod prohibetur malum, sive non consentiendi carnalibus concupiscentiis. Ostendemus duos illos status sub quorum altero necessario infideles vivunt, non solum omni gratiâ Christi destitutos esse ad cavendas superandasque tentationes, sed etiam in statibus illis deesse arbitrio libertatem ad bonum: hoc arbitrium voluntatis non esse liberum ad faciendum aliquem actum bonum, sed tantummodo ad malum; utpotè quod sub libidinibus rerum terrenarum, & carnalium servum captivumque teneatur, à quibus nisi per ipsam solam fidem liberatoris Christi liberari nullo pacto potest. Ubi licet de infidelibus, qui veri Dei notitiâ destituti sunt agat, potissimum tamen etiam ad alios quoscumque à fide Catholicâ aberrantes dictum extendit, nam & hi verâ supernaturali fide liberatoris carent.

Mens hæc Jansenii magis elucet Ibid. Col. 313. Quapropter, inquit, si infideles illâ ipsi cupiditate sincerâ boni carent, sine quâ esse non potest ullum opus bonum, hoc est non malum, sed hæc per propriè dictam gratiam Dei fide credentis præcedente impetratam dari debet. Frustrâ Scholastici gratiam, nescioquam, sufficientem infidelibus tribuunt antè fidem quâ bene operantes ad fidem ipsam pravehantur, cum ipsa fides sit prima gratia.

Igitur ante fidem nulla datur gratia Paganis, nulla Judæis, nulla hæreticis, qui verâ fide carent & sincerâ boni cupiditate. Col. 818. *Hæc quoque vera ratio est cur apud Augustinum indifferenter usurpentur, sine fide & sine gratiâ & sine charitate homines præceptum implere non possent.*

Quasi verò idem sit esse sine fide, & esse sine gratiâ. Atqui infideles, Judæi, hæretici sunt sine fide, ergo & sine gratiâ, atque adeò voluntas in illis nuda & inermis est sine gratiâ. Non posset clariùs exprimi Propositio 5. condemnata. Quod magis ex Janzenio confirmatur ibid. Col. 319. Ex his, inquit, omnibus jam abundè manifestum esse puto indubitatam Augustini indolem ac doctrinam esse, quam diximus, quod infideles non solum non habeant sufficientem gratiam servandi præcepta naturalia ante susceptam fidem, quod mirabili profectò exorbitatione Scholastici docuerunt, sed nullam omnino, quâ benè vivere possint, vel naturalem legem servare, vel peccata vitare; in ejus quippe principiis fides prima est gratia.

Non opus Sophisticâ ut quis indè deducat: ergò nulli verâ fide destituti habent gratiam, inter quos indubiè comprehenduntur tum Pagani tum Judæi, tum hæretici. An apex desit Propositionis 5. proscriptæ Ecclesiastici iudices decernant.

Præterco virulentas eorum epistolæ , parallelum Massiliensium aliasque præsertim adversus Jesuitas machinationes. Hic profectò Jansenius & San-Cyranus ; Lutheri , Calvinii & ceterorum recentium hæresiarcharum propè insiterunt vestigiis.

C A P U T X V.

Propositiones non paucæ ex damnatis ab Alexandro VIII. sunt Jansenii.

Quantâ verborum acrimoniâ persequi solent Jansenistæ libros scholasticorum , non Ethicos tantum , sed & Theoricos ! illos pestiferæ laxitatis infimulant , hos Pelagianismi instaurati , & eversæ Doctrinæ Augustinianæ , quam tot olim Conciliorum Decreta & Universæ Ecclesiæ approbatio consecrarunt. Si unam alteramve in libro quopiam propositionem offendunt , Pontificis sententiâ condemnatam , quàm misero illius auctori superbè insultant ! quibus eum ubique dilacerant conviciis ! liber non aliter expurgari potest , quàm infami incendio , neque ullum pegma ei satis vile est , ad orcum undè prodiit demergi debet iisdem cum autore suppliciis puniendus Ità novæ charitatis discipuli.

Jan-

Jansenianum autem volumen quamvis de innumeris erroribus , & damnatissimis convictum , prædicare nunquam desinunt tanquam prorsus immaculatum , omnis navis expers , Augustinianæ veritatis compendium , doctrinæ prorsus cœlestis oraculis refertum , non magis obnoxium anathemati , quàm Paulinas Epistolas Spiritu sancto dictante conscriptas. Ad reprimendam istorum hominum tam insanas voces & intolerabilem jactantiam juverit præter 5. famosas propositiones hæreticas & Baianas multas , etiam complures Alexandri VIII. irrefragabili judicio proscriptas & gravissimis notatas censuris in Jansenio ostendero.

Prima propositio ab Alexandro VIII. damnata : *in statu nature lapsæ ad peccatum mortale & demeritum sufficit illa libertas, quâ voluntarium & liberam fuit in causâ sua peccato originali & voluntate Adami peccantis.*

Jansenius lib. 3. de gratia Christi c. 10. col. 303. Ista ratio & radix est cur sexcentis locis contra Pelagianos doceat (Augustinus) quod alii juvantur , alii non juvantur divini esse judicii , quò nihil aliud docet , quàm quod loco citato docuit , justè videlicet quibusdam gratiam subtrahi , sine quâ impossibile est justum manere & injustum rectè vivere & peccata vitare quamvis velit.

Immediatè antè dixerat hoc intelligendum non de primo homine , sed de damnata ejus posteritate. Primum hominem pronuntiat deficere adjuutorio quo posset manere , si vellet , sine culpâ casurum , ejus verò posteritatem non posse obtendere suam innocentiam , si sibi illud deest , quia pœna peccati est , quòd subtrahitur.

Si propter peccatum originale denegetur adultis gratia quâ possint justî manere , rectè vivere , vel peccata vitare , sicque peccantes non possint obtendere suam innocentiam , sed demercentur tum peccatis mortalibus , tum venialibus , ut vult Janfenius ; igitur in statu naturæ lapsæ ad peccatum mortale , & demeritum , sufficit illa libertas , quâ voluntarium ac liberum fuit in causâ sua peccato originali , & voluntate Adami.

Lib. 3. de Gratiâ Christi cap. 26. ubi attulit definitionem Augustini ex libro de duabus animabus cap. II. peccatum est motus voluntatis undè liberum est abstinere , statim subdit , quam definitionem sæpe (Augustinus) protestatur nulli peccato nisi solius primi hominis convenire : Rationem reddit quia cetera ita peccata sunt , ut simul sint præcedentium supplicia peccatorum , quæ saltem cominimus in Adamo , & rectè plura peccata vocantur , quia , ut constat ex Tridentino , tot transgressiones

nes distinctæ sunt , quot subjecta , ad quæ peccatum originale derivatur. Certum est non omnia peccata in nobis esse pœnas peccatorum personalium ; evidens enim est quòd primum nostrum personale , aliud personale præsupponere nequeat. Igitur illud est pœna peccati originalis tantum , neque habet in se libertatem , cum definitio Augustini juxtà Jansenium conveniat soli peccato primi hominis , quod solum requirebat libertatem , cæteris sufficiat esse pœnas peccati originalis , adeòque habuisse libertatem in Adamo. Undè rursus sequitur prima propositio decreto Alexandri VIII. condemnata.

2. *Tametsi detur ignorantia invincibilis juris nature , hæc in statu naturæ lapsæ operantem ex ipsa non excusat à peccato formali.*

Jansenius lib. 2. de statu naturæ lapsæ caput quartum sic orditur ; sed hic gigantea occurrit moles & ut videbitur , nodus insolubilis , quæ fieri possit , ut ex invincibili ignorantia peccatum possit proficisci. Quis enim capiat ut homo in eo peccet , quod neque scit neque scire potuit , nec voluntate sua sive volente sive torpescente talis ignorantie causam dedit ? Hujusmodi enim peccata jam non erunt nequidem voluntaria , quod ad peccati rationem omninò necessarium est , sed necessaria. Et quis credat tale portentum doctissimum

sanctissimumque virum docere potuisse ? si te benigne lector ista difficultas forte movet , profectò movet & me , non tamen ità ut vel dubitem doctrinam illam Augustinum tradidisse , vel in eà tradendâ fluctuasse vel hallucinatum esse , sed potius ut obstupescam & exhorrescam profunditatem iudiciorum Dei. Certissimum est enim , quantum excusis magnolabore diligentiaque principiis Augustini & anfractibus doctrinæ ipsius , mihi judicare licet , hoc Augustinum , hoc Hieronymum , hoc Concilium Palæstinum sine ullâ fluctuatione ut rem in Catholicâ Ecclesiâ extrà omnem controversiam , tamquam in Scripturis traditam , docuisse ; rectè an secùs , pietas nostra in dubium revocare non sinit ne eàdem operâ victoriæ quoque veritatem & equitatem , quâ de Pelagianâ heresi triumphatum est , in dubium revocemus. Quæcumque nos hic movent rationis humane , sed plerumque vana terri culamenta sunt , hæc munimenta divina sunt.

Ubi vides horrendum dogma de ignorantia invincibili non excusante in statu naturæ lapsæ traditum à Jansenio tamquam sententiam , de cuius veritate nemo , nisi fidei nostræ fundamenta concutiendo possit ambigere. Fatetur hinc oriri necessitatem peccandi , sed cum hæc oritatur ex peccato originali , asserit illam non excusare. Ibid. Col. 300. tantum abest , inquit , ut Augustinus huiusmodi suis pronun-

nuntiatis , quæ ante exortam heresim Pelagianam asseruerat , territus fuerit , vel aliquid in doctrinâ suâ invincibilis ignorantia , quam tradidimus , immutaverit , ut potius è contrariò necessitatem peccandi ex eâ consequi ingenuè fassus fuerit , imò velut rem certissimam protulerit , ex qua necessitas illa , quæ in originali peccato sine omni omnino personalis voluntatis voluntario cernitur , evidentiùs probaretur , & plenius innotesceret.

Non distinguit Jansenius inter justificados & non justificados , sed æqualiter in utrisque ignorantiam invincibilem à peccato non excusantem profitetur. Agere verò Jansenium de peccato formali certum est omnibus & evidens adeò , ut ne ex Jansenii quidem defensoribus quisquam in dubium revocaverit.

Eandem propositionem tradit Jansenius lib. 2. de statu naturæ lapsæ C. 2. Col. 287. Generale namque videtur , inquit , Scholasticorum pronuntiatum esse , quod quidquid ex invincibili fit ignorantia hoc ipso culpâ vacat (seu peccato formali) quæ sanè doctrina quamvis humana rationi , quâ nititur , valdè plausibilis esse videatur tamen dicit esse contrariam Augustino , Pelagianam , & in hoc Pelagianorum principio fundatam : Ignorantia quæ evenit secundum necessitatem non voluntatem , non subiacet peccato. Ibid. dicit doctrinam illa acriter à Catholicis defensoribus oppugnâ-

Hic
 proposit
 de
 ficiat
 filius : O
 p
 Causa 7
 ter Relig
 scholar
 ante, ut
 Hic Theol
 tent Mon

Specialty products: Electric products
and more. Tel. 444-1111.

The first of the three main points of the report is that the "present situation" is "not satisfactory" and that "the present situation is not satisfactory" and that "the present situation is not satisfactory".

The first of these is the fact that the
 population of the country is increasing
 rapidly, and the number of people
 who are engaged in agriculture is
 decreasing. This is due to the fact
 that the land is becoming more and
 more valuable, and the people are
 being driven off the land. This is
 a serious problem, and it is one
 which must be solved if the country
 is to remain a viable one.

Igitur censebat Jansenius peccata esse formalia , quæcumque adversus legem naturalem ex ignorantia invincibili perpetrantur , neque ad venialem culpam ea usquam restringit , sed contra , ubique clamat ea nos reddere damnationi obnoxios.

3. Propositio damnata : *Non licet sequi opinionem vel inter probabiles probabilissimam.* Sequitur ex priori ; si enim ignorantia invincibilis non excuset in statu naturæ lapsæ minus excusat probabilitas quantumvis cogitetur magna. Ubi probabilissimum est , legem aliquam seu imperantem seu prohibentem non existere , etiamsi fortè reipsa existat , non censetur sufficienter promulgata , ut obliget ad actum secundo eum , cui probabilissimum est legem non esse , adeoque contra legem agendo non peccat. Egit simpliciter , ut supponitur , quidquid moraliter potuit , ut veritatem assequeretur , quam si apprehendere non potuerit , ut ignorantia ejus & error invincibilis , sic & actus quicumque hinc secutus legi contrarius à peccati formalis malitiam communis definitur contra Jansenium.

4. Propositio damnata : *Dedit semetipsum nobis oblationem Deo non pro solis electis , sed pro omnibus & solis fidelibus.*

Jansenius lib. 3. de gratia Salv. C. 21. Col.

383. Ex quibus, inquit, clarum est, non aliter Augustini iudicio Christum se redemptionem pro omnibus dedisse seu propitiationem esse pro peccatis totius mundi, nisi quia pro peccatis omnium fidelium ex quibus una Catholica constituitur Ecclesia redemptio atque propitiatio est. Nec in universis Augustini operibus, ni fallor, locus est, ubi doceat Christum pro peccatis infidelium in infidelitate permanentium esse propitiationem, vel pro iis se dedisse redemptionem, contrarium verò non semel significavit. Quam sententiam ibidem approbans etiam Scripturis Sacris & Conciliis Jansenius affingit.

Cum audis Jansenium prædicantem mortem Christi pro peccatis omnium fidelium, ne existimes id intelligendum de omnium fidelium peccatis prorsus omnibus, non enim pro remissione peccati finalis eorum, qui in iustitiâ non perseverant, cum pro nullius reprobî aternâ salute Christum mortuum esse non magis quam pro aternâ salute dæmonum inculcet Jansenius eodem Capite Col. 390.

Quæ sanè, inquit, cum in Augustini doctrinâ perspicua certaue sint, nullo modo principiis ejus consentaneum est ut Christus Dominus vel pro infidelium in infidelitate morientium, vel pro iustorum non perseverantium aternâ salute mortuus esse, sanguinem fudisse, semetipsum redemptionem dedisse,

Patrem crasse sentiantur....ut iuxta Sanctissimum Doctorem non magis Patrem pro aeterna liberatione ipsorum, quàm pro diaboli deprecatus fuerit.

5. *Propositio damnata : Pagani, Judæi, Hæretici aliique hujus generis nullum omnino accipiunt à Jesu Christo influxum, adeoque hinc rectè inferes in illis esse voluntatem nudam & inermem sine omni gratiâ sufficiente.*

Jansenius lib. 3. de Grat. Salvat. Capiti II. hunc præfigit Titulum : *Infideles carent omni gratiâ sufficiente ad salutem tam proximâ, quàm remotâ, & omnibus principiis ejus.* Postquam initio capitis gratiam, quam Scholastici infidelibus concedunt, dixerat cogitationem aliquam esse ab objectis etiam naturalibus suscitâ, aut diminutionem virium adversarij, amotionem occasionis, quâ tentamur, terrorem, blanditias objecti alterius, aut generaliter aliquod adjutorium gratiæ naturalis in substantiâ, mox subdit : *Et quidem eos, omni tali gratiâ carere nullam in Augustini principiis dubitationem continet, quidquid enim diximus ut Judæos (etiam tempore legis Mosaicæ) gratiâ sufficienti servandi præcepta legis caruisse probaremus, multò validius in infidelibus locum habet prout res ipsa per se loquitur.....uterque verò status expers gratiæ est, & ab Augustino vocari solet ante gratiam, ut per hoc ipsum significet utrumque sta-*
tum

tum carere gratiâ non solum faciendi bonum, sed gratiâ non faciendi id quod prohibetur malum, sive non consentiendi carnalibus concupiscentiis.
 Ostendemus duos illos status sub quorum altero necessariis infideles vivunt, non solum omni gratiâ Christi destitutos esse ad cavendas superandasque tentationes, sed etiam in statibus illis deesse arbitrio libertatem ad bonum; hoc arbitrium voluntatis non esse liberum ad faciendum aliquem actum bonum, sed tantummodo ad malum; utpotè quod sub libidinibus rerum terrenarum, & carnalium servum captivumque teneatur, à quibus nisi per ipsam solam fidem liberatoris Christi liberari nullo pacto potest. Ubi licet de infidelibus, qui veri Dei notitiâ destituti sunt agat, potissimum tamen etiam ad alios quoscumque à fide Catholicâ aberrantes dictum extendit, nam & hi verâ supernaturali fide liberatoris carent.

Mens hæc Jansenii magis elucet Ibid. Col. 313. Quapropter, inquit, si infideles illâ ipsi cupiditate sincerâ boni carent, sine quâ esse non potest ullum opus bonum, hoc est non malum, sed hæc per propriè dictam gratiam Dei fide credentis præcedente impetratam dari debet. Frustrâ Scholastici gratiam, nescioquam, sufficientem infidelibus tribuunt antè fidem quâ bene operantes ad fidem ipsam provehantur, cum ipsa fides sit prima gratia.

Igitur ante fidem nulla datur gratia Paganis, nulla Judæis, nulla hæreticis, qui verâ fide carent & sincerâ boni cupiditate. Col. 818. *Hæc quoque vera ratio est cur apud Augustinum indifferenter usurpentur, sine fide & sine gratiâ & sine charitate homines præceptum implere non posse.*

Quasi verò idem sit esse sine fide, & esse sine gratiâ. Atqui infideles, Judæi, hæretici sunt sine fide, ergo & sine gratiâ, atque adeò voluntas in illis nuda & inermis est sine gratiâ. Non posset clariùs exprimi Propositionio 5. condemnata. Quod magis ex Janſenio confirmatur ibid. Col. 319. Ex his, inquit, omnibus jam abundè manifestum esse puto indubitatam Augustini indolem ac doctrinam esse, quam diximus, quod infideles non solum non habeant sufficientem gratiam servandi præcepta naturalia ante susceptam fidem, quod mirabili profectò exorbitatione Scholastici docuerunt, sed nullam omnino, quâ benè vivere possint, vel naturalem legem servare, pel peccata vitare; in ejus quippe principiis fides prima est gratia.

Non opus Sophisticâ ut quis indè deducat: ergò nulli verâ fide destituti habent gratiam, inter quos indubiè comprehenduntur tum Paganum tum Judæi, tum hæretici. An apex delit Propositionis 5. proscriptæ Ecclesiastici judices decernant.

Prop. 6. Gratia sufficiens statui nostro non tam utilis, quàm perniciosa est, sic ut meritò possimus petere à gratiâ sufficiente libera nos domine.

Jansenius lib. 3. de gratia Salv. capiti 2. hunc titulum præponit : adjutorium purè sufficiens ad grâtiâ naturæ pertinet : lapsorum reparationi inutile & perniciosum. In ipso capite col. 254. Nimirum vidit consequenter Augustinus hoc adjutorii genus jam esse prorsus inutile lapsorum reparationi, vel operationibus, etiamsi ad sexcentos sufficientiæ gradus augetur.

Sub finem capitis col. 257. Quod si lapsis hominibus est inutilis, profecto hoc ipso & perniciosum est. Et verò quid homini misero perniciosius, quàm illâ gratiâ abundare, quâ nemo umquam, fatentibus etiam scholasticis, nisi majorem damnationem assequutus est.

Rursus cap. 3. ejusdem lib. col. 258. Itaque illud à recentioribus prolatum gratiæ sufficientis genus, quo adjuvante nullum umquam opus factum est, aut fiet umquam, si est veram distinctumque à gratiâ efficace membrum, videtur monstrum quoddam singulare gratiæ, solummodo peccatis faciendis majorique damnationi accersende serviens. Numquid hic terminis æquivalentibus asseritur meritò nos petere à gratia sufficiente libera nos domine ? quis enim meritò non petat ut liberetur à monstro singulari, quod

quod solummodò peccatis faciendis , majorique damnationi accersendæ serviat ? quod inutile & perniciosum adeò est ut illo nihil sit homini in hoc statu perniciosius ?

Prop. 7. *Omnis humana actio deliberata est Dei dilectio vel mundi , si Dei , Charitas est Patris , si mundi , concupiscentia carnis , hoc est mala est.* Jansenius lib. 3. de statu naturæ lapsæ c. 19. in titulo. *Non datur medium inter charitatem & culpabilem cupiditatem.* Initio capituli col. 517. *Omnis affectus animi in alicujus rei amore velut cardine versatur , qui cum non possit esse alius nisi vel creatoris , vel creature , & ille bonus , hic culpabilis sit , utpotè amor mundi ab Apostolo reitius , & juxta Augustinum ipsa ratio peccati , quæ in omni malefaciendi genere dominatur , profectò liquet omnem amorem præter istam charitatem , esse illam culpabilem cupiditatem.* Per charitatem intelligit , ut ibidem disertè exprimit , charitatem , quâ Deus gratis & propter se diligitur. Lib. 2. de statu naturæ lapsæ cap. 13. col. 355. *cupiditatem docet (Augustinus juxta Jansenium) esse quemcumque amorem cujuscunque creature , & hoc ipso in eam incidi , quo non amatur creator : esse amorem creature propter se , esse ex diametro oppositum charitati , nec inter illam & charitatem esse medium.* Ibid. *Si non est dilectio , id est amor incommutabilis veri-*

Immediatè antè dixerat hoc intelligendum non de primo homine , sed de damnata ejus posteritate. Primum hominem pronuntiat deficiente adiutorio quo posset manere , si vellet , sine culpâ casurum , ejus verò posteritatem non posse obtendere suam innocentiam , si sibi illud deest , quia pœna peccati est , quòd subtrahitur.

Si propter peccatum originale denegetur adultis gratia quâ possint julti manere , rectè vivere , vel peccata vitare , sicque peccantes non possint obtendere suam innocentiam , sed demereantur tum peccatis mortalibus , tum venialibus , ut vult Janfenius ; igitur in statu naturæ lapsæ ad peccatum mortale , & demeritum , sufficit illa libertas , quâ voluntarium ac liberum fuit in causâ sua peccato originali , & voluntate Adami.

Lib. 3. de Gratiâ Christi cap. 26. ubi attulit definitionem Augustini ex libro de duabus animabus cap. II. peccatum est motus voluntatis undè liberum est abstinere , statim subdit , quam definitionem sæpe (Augustinus) protestatur nulli peccato nisi solius primi hominis convenire : Rationem reddit quia cetera ita peccata sunt , ut simul sint precedentium supplicia peccatorum , quæ saltem commisimus in Adamo , & rectè plura peccata vocantur , quia , ut constat ex Tridentino , tot transgressiones

nec distinctæ sunt , quot subjecta , ad quæ peccatum originale derivatur. Certum est non omnia peccata in nobis esse pœnas peccatorum personalium ; evidens enim est quòd primum nostrum personale , aliud personale præsupponere nequeat. Igitur illud est pœna peccati originalis tantum , neque habet in se libertatem , cum definitio Augustini juxtà Jansenium conveniat soli peccato primi hominis , quod solum requirebat libertatem , cæteris sufficiat esse pœnas peccati originalis , adeòque habuisse libertatem in Adamo. Undè rursus sequitur prima propositio decreto Alexandri VIII. condemnata.

2. *Tametsi detur ignorantia invincibilis prout natura , hæc in statu naturæ lapsæ operantem ex ipsa non excusat à peccato formali.*

Jansenius lib. 2. de statu naturæ lapsæ capitulum quartum sic orditur ; *sed hic gigantea occurrit moles & ut videbitur , nodus insolubilis , qui fieri possit , ut ex invincibili ignorantia peccatum possit proficisci. Quis enim capiat ut homo in eo peccet , quod neque scit neque scire potuit , nec voluntate sua sive volente sive torpesciente talis ignorantie causam dedit ? Hujusmodi enim peccata jam non erunt nequidem voluntaria , quod ad peccati rationem omnino necessarium est , sed necessaria. Et quis credat tale portentum doctissimum*

sanctissimumque virum docere potuisse ? si te benigne lector ista difficultas fortè movet , profectò movet & me , non tamen ità ut vel dubitem doctrinam illam Augustinum tradidisse , vel in eà tradendà fluctuasse vel hallucinatum esse , sed potius ut obstupeeam & exhorrescam profunditatem judiciorum Dei. Certissimum est enim , quantum excusis magnolabore diligentiaque principis Augustini & anfractibus doctrinæ ipsius , mihi judicare licet , hoc Augustinum , hoc Hieronymum , hoc Concilium Palæstinum sine ullâ fluctuatione ut rem in Catholicâ Ecclesiâ extrà omnem controversiam , tamquam in Scripturis traditam , docuisse ; rectè an secus , pietas nostra in dubium revocare non sinit ne eadem operâ victoriæ quoque veritatem & equitatem , quâ de Pelagianâ hæresi triumphatum est , in dubium revocemus. Quæcumque nos hic movent rationis humanae , sed plerumque vana terculamenta sunt , hæc munimenta divina sunt.

Ubi vides horrendum dogma de ignorantia invincibili non excusante in statu naturæ lapsæ traditum à Jansenio tamquam sententiam , de cujus veritate nemo , nisi fidei nostræ fundamenta concutiendo possit ambigere. Fatetur hinc oriri necessitatem peccandi , sed cum hæc oritatur ex peccato originali , asserit illam non excusare. Ibid. Col. 300. tantum abest , inquit , ut Augustinus hujusmodi suis pro-

nuntiatis, quæ ante exortam hæresim Pelagianam asseruerat, territus fuerit, vel aliquid in doctrinâ suâ invincibilis ignorantia, quam tradidimus, immutaverit, ut potius è contrariò necessitatem peccandi ex eâ consequi ingenuè fassus fuerit, imò velut rem certissimam protulerit, ex qua necessitas illa, quæ in originali peccato sine omni omnino personalis voluntatis voluntario cernitur, evidentiùs probaretur, & plenius innotesceret.

Non distinguit Jansenius inter justificados & non justificados, sed æqualiter in utrisque ignorantiam invincibilem à peccato non excusantem profitetur. Agere verò Jansenium de peccato formali certum est omnibus & evidens adeò, ut ne ex Jansenii quidem defensoribus quisquam in dubium revocaverit.

Eandem propositionem tradit Jansenius lib. 2. de statu naturæ lapsæ C. 2. Col. 287. Generale namque videtur, inquit, Scholasticorum pronuntiatum esse, quod quidquid ex invincibili sit ignorantia hoc ipso culpâ vacat (seu peccato formali) quæ sanè doctrina quamvis humana rationi, quâ nititur, valdè plausibilis esse videatur tamen dicit esse contrariam Augustino, Pelagianam, & in hoc Pelagianorum principio fundatam: Ignorantia quæ evenit secundum necessitatem non voluntatem, non subjacet peccato. Ibid. dicit doctrinam illa acriter à Catholicis defensoribus oppugnâ-

gnatam & à iudicibus (Ecclesiæ) condemnata-
ram in Synodo Palestinâ, &c.

Col. 290. *Quæ sanè perquam evidenter ostendere videntur sententiam illam, quod ignorantia necessitatis non voluntatis, hoc est invincibilis peccato non subjaceat, Catholicorum Episcoporum iudicio in Synodo presidentium, & Augustini toties illud approbantis calculo, sine ullâ tergiversatione esse damnatam. Ubi subjacere peccato non accipit Jansenius ut Palestinæ Synodi Patres pro effectu peccati originalis & peccato merè materiali, sed pro peccato, quod culpâ non vacet, ut constat ex Col. 287.*

Totum hoc breviter & clarissimè docet Jansenius lib. 2. de statu naturæ lapsæ c. 5. in fine. *Legis, inquit, naturalis ignorantia, sive sit vincibilis, ut in gravioribus delictis, præsertim, quibus proximus læditur contingere solet, sive sit invincibilis, ut in iis forsân, quæ magis à principiis distant conclusionibus naturalibus, & invariabilium occurssu subito circumstantiarum plerumque accidit, non excusat à peccato delinquentes. Sed de his & similibus delictis Augustini humilitas tremebat, quando propter subitas diversasque circumstantias in discernendo illo naturæ jure perplexus exclamabat : delicta quis intelligit, & Davidis pietas cum tota Ecclesiâ gemit : Delicta juventutis meæ & ignorantias meas ne memineris.*

Igi-

Igitur censebat Jansenius peccata esse formalia , quæcumque adversus legem naturalem ex ignorantia invincibili perpetrantur , neque ad venialem culpam ea usquam restringit , sed contra , ubique clamat ea nos reddere damnationi obnoxios.

3. Propositio damnata : *Non licet sequi opinionem vel inter probabiles probabilissimam.* Sequitur ex priori ; si enim ignorantia invincibilis non excuset in statu naturæ lapsæ minus excusat probabilitas quantumvis cogitetur magna. Ubi probabilissimum est , legem aliquam seu imperantem seu prohibentem non existere , etiamsi fortè reipsa existat , non censetur sufficienter promulgata , ut obliget in actu secundo eum , cui probabilissimum est legem non esse , adeoque contra legem agendo non peccat. Egit simpliciter , ut supponitur , quidquid moraliter potuit , ut veritatem assequeretur , quam si apprehendere non potuerit , ut ignorantia ejus & error invincibilis , sic & actus quicumque hinc secutus legi contrarius à peccati formalis malitia immunis definitur contra Jansenium.

4. Propositio damnata : *Dedit semetipsum pro nobis oblationem Deo non pro solis electis , sed pro omnibus & solis fidelibus.*

Jansenius lib. 3. de gratia Salv. C. 21. Col.

383. Ex quibus, inquit, clarum est, non aliter Augustini iudicio Christum se redemptionem pro omnibus dedisse seu propitiationem esse pro peccatis totius mundi, nisi quia pro peccatis omnium fidelium ex quibus una Catholica constituitur Ecclesia redemptio atque propitiatio est. Nec in universis Augustini operibus, ni fallor, locus est, ubi doceat Christum pro peccatis infidelium in infidelitate permanentium esse propitiationem, vel pro iis se dedisse redemptionem, contrarium verò non semel significavit. Quam sententiam ibidem approbans etiam Scripturis Sacris & Conciliis Jansenius affingit.

Cum audis Jansenium prædicantem mortem Christi pro peccatis omnium fidelium, ne existimes id intelligendum de omnium fidelium peccatis prorsus omnibus, non enim pro remissione peccati finalis eorum, qui in iustitiâ non perseverant, cum pro nullius reprobis æternâ salute Christum mortuum esse non magis quam pro æternâ salute demonum inculcet Jansenius eodem Capite Col. 390.

Quæ sanè, inquit, cum in Augustini doctrinâ perspicua certaque sint, nullo modo principiis ejus consentaneum est ut Christus Dominus vel pro infidelium in infidelitate morientium, vel pro iustorum non perseverantium æternâ salute mortuus esse, sanguinem fudisse, semetipsum redemptionem dedisse,

Patrem orasse sentiatur...ut juxta Sanctissimum Doctorem non magis Patrem pro aeterna liberatione ipsorum, quam pro diaboli deprecatus fuerit.

5. Propositio damnata : Pagani, Judei, Haeretici aliique hujus generis nullum omnino accipiunt à Jesu Christo influxum, adeoque hinc rectè infères in illis esse voluntatem nudam & inermem sine omni gratiâ sufficiente.

Janfenius lib. 3. de Grat. Salvat. Capiti II. Hunc præfigit Titulum : Infideles carent omni gratiâ sufficienti ad salutem tam proximâ, quam remotâ, & omnibus principiis ejus. Postquam initio capitis gratiam, quam Scholastici infidelibus concedunt, dixerat cogitationem aliquam esse ab objectis etiam naturalibus suscitatum, aut diminutionem virium adversarii, amotionem occasionis, quâ tentamur, terrorem, blanditias objecti alterius, aut generaliter aliquod adjutorium gratiæ naturalis in substantiâ, mox subdit : Et quidem eos omni tali gratiâ carere nullam in Augustini principiis dubitationem continet, quidquid enim diximus ut Judæos (etiam tempore legis Mosaicæ) gratiâ sufficienti servandi præcepta legis caruisse probavimus, multò validius in infidelibus locum habet prout res ipsa per se loquitur.....uterque verò status expers gratiæ est, & ab Augustino vocari solet ante gratiam, ut per hoc ipsum significet utrumque statum

tum carere gratiâ non solum faciendi bonum, sed gratiâ non faciendi id quod prohibetur malum, sive non consentiendi carnalibus concupiscentiis.
 Ostendemus duos illos status sub quorum altero necessario infideles vivunt, non solum omni gratiâ Christi destitutos esse ad cavendas superandasque tentationes, sed etiam in statibus illis deesse arbitrio libertatem ad bonum: hoc arbitrium voluntatis non esse liberum ad faciendum aliquem actum bonum, sed tantummodo ad malum; utpotè quod sub libidinibus rerum terrenarum, & carnalium servum captivumque teneatur, à quibus nisi per ipsam solam fidem liberatoris Christi liberari nullo pacto potest. Ubi licet de infidelibus, qui veri Dei notitiâ destituti sunt agat, potissimum tamen etiam ad alios quoscumque à fide Catholicâ aberrantes dictum extendit, nam & hi verâ supernaturali fide liberatoris carent.

Mens hæc Jansenii magis elucet Ibid. Col. 313. Quapropter, inquit, si infideles illâ ipsi cupiditate sincerâ boni carent, sine quâ esse non potest ullum opus bonum, hoc est non malum, sed hæc per propriè dictam gratiam Dei fide credentis præcedente impetratam dari debet. Frustrâ Scholastici gratiam, nescioquam, sufficientem infidelibus tribuunt antè fidem quâ bene operantes ad fidem ipsam pravehantur, cum ipsa fides sit prima gratia.

Igitur ante fidem nulla datur gratia Paganis, nulla Judæis, nulla hæreticis, qui verâ fide carent & sincerâ boni cupiditate. Col. 818. *Hæc quoque vera ratio est cur apud Augustinum indifferenter usurpentur, sine fide & sine gratiâ & sine charitate homines præceptum implere non posse.*

Quasi verò idem sit esse sine fide, & esse sine gratiâ. Atqui infideles, Judæi, hæretici sunt sine fide, ergo & sine gratiâ, atque adeò voluntas in illis nuda & inermis est sine gratiâ. Non posset clariùs exprimi Propositionio 5. condemnata. Quod magis ex Janzenio confirmatur ibid. Col. 319. Ex his, inquit, omnibus jam abundè manifestum esse puto indubitatam Augustini indolem ac doctrinam esse, quam diximus, quod infideles non solum non habeant sufficientem gratiam servandi præcepta naturalia ante susceptam fidem, quod mirabili profectò exorbitatione Scholastici docuerunt, sed nullam omnino, quâ benè vivere possint, vel naturalem legem servare, vel peccata vitare; in ejus quippe principiis fides prima est gratia.

Non opus Sophisticâ ut quis indè deducat: ergò nulli verâ fide destituti habent gratiam, inter quos indubiè comprehenduntur tum Paganum tum Judæum, tum hæreticum. An apex detrit Propositionis 5. proscriptæ Ecclesiastici iudices decernant.

Prop. 6. Gratia sufficiens statui nostro non tam utilis, quàm perniciosa est, sic ut meritò possimus petere à gratiâ sufficiente libera nos domine.

Jansenius lib. 3. de gratia Salv. capiti 2. hunc titulum præponit : adjutorium purè sufficiens ad grâtiâ naturæ pertinet : lapsorum reparationi inutile & perniciosum. In ipso capite col. 254. Nimirum vidit consequenter Augustinus hoc adjutorii genus jam esse prorsus inutile lapsorum reparationi, vel operationibus, etiamsi ad sexcentos sufficientiæ gradus augetur.

Sub finem capitis col. 257. Quod si lapsis hominibus est inutilis, profecto hoc ipso & perniciofa est. Et verò quid homini misero perniciosius, quàm illâ gratiâ abundare, quâ nemo unquam, fatentibus etiam scholasticis, nisi majorem damnationem assequutus est.

Rursus cap. 3. ejusdem lib. col. 258. Itaque illud à recentioribus prolatum gratiæ sufficientis genus, quo adjuvante nullum unquam opus factum est, aut fiet unquam, si est veram distinctumque à gratiâ efficace membrum, videtur monstrum quoddam singulare gratiæ, solummodò peccatis faciendis majorique damnationi accersende serviens. Numquid hic terminis æquivalentibus asseritur meritò nos petere à gratia sufficiente libera nos domine? quis enim meritò non petat ut liberetur à monstro singulari, quod

quod solummodò peccatis faciendis , majorique damnationi accersendæ serviat ? quod inutile & perniciosum adeò est ut illo nihil sit homini in hoc statu perniciosius ?

Prop. 7. *Omnis humana actio deliberata est Dei dilectio vel mundi , si Dei , Charitas est Patris , si mundi , concupiscentia carnis , hoc est mala est.* Jansenius lib. 3. de statu naturæ lapsæ c. 19. in titulo. *Non datur medium inter charitatem & culpabilem cupiditatem.* Initio capituli col. 517. *Omnis affectus animi in alicujus rei amorem velut cardine versatur , qui cum non possit esse alius nisi vel creatoris , vel creature , & ille bonus , hic culpabilis sit , utpotè amor mundi ab Apostolo relictus , & juxta Augustinum ipsa ratio peccati , quæ in omni malefaciendi genere dominatur , profectò liquet omnem amorem præter istam charitatem , esse illam culpabilem cupiditatem.* Per charitatem intelligit , ut ibidem disertè exprimit , charitatem , quâ Deus gratis & propter se diligitur. Lib. 2. de statu naturæ lapsæ cap. 13. col. 355. *cupiditatem docet (Augustinus juxta Jansenium) esse quemcumque amorem cujuscumque creature , & hoc ipso in eam incidi , quo non amatur creator : esse amorem creature propter se , esse ex diametro oppositum charitati , nec inter illam & charitatem esse medium.* Ibid. *Si non est dilectio , id est amor incommutabilis veri-*

tatis sive Dei, jam esse cupiditatem. Ipsum actum spei vocat VITIOSAM CUPIDITATEM lib. 3. de Gratiâ Salv. cap. 9. col. 529. & lib. 5. cap. 9. col. 526. verba dabo ubi de propositione 10.

Prop. 8. damnata : *Neceſſe eſt infidelem in omni opere peccare.*

Jansenius lib. 3. de gratiâ Salv. c. II. col. 306. Tertio, inquit, probavimus fuſe in præcedentibus nullum omnino bonum moraliter opus, hoc eſt nullum opus quod non ſit peccatum, ab infidelibus poſſe fieri, ſed quidquid faciant, quoquo modo ſe vertant, quamcumque rectam meditentur operationem, totum in eis perversi amoris cupiditate contaminatum eſſe. Et neceſſario ſequitur ex principiis ab eo poſitis, neceſſe enim eſt hominem Dei gratiâ deſtitutum peccare in omni opere juxta Jansenium, cum nullum detur opus indifferens, ſed omne bonum ſit vel malum, nullum verò bonum juxta eundem fieri poſſit ſine gratiâ. Quidquid igitur ſine gratia ſit, malum eſt. Atqui capite citato col. 309. dicit Auguſtinum (ſubintelligè Ipreſem) antè fidem nullam omnino gratiam ſivè efficacem ſive ſufficientem ad quidquam bene operandum in infidelibus noviſſe, errare verò ſcholasticos gratiam aliquam antè fidem ſtatuentes. Lib. 4. de ſtatu naturæ lapſæ c. 3. col. 559.
more

amore suo sententiam suam nomine Augusti-
ni exprimens dicit : mentem quippe suam quâ
sentit omnia omninò opera infidelium nullo excepto-
esse vera peccata , nec esse posse nisi peccata , tan-
tâ manifestatione declaravit , ut si solis radiis can-
scribere voluisset , vix arbitror illustrius eam nobis
depingere potuisset.

Prop. 9. damnata : Reverâ peccat , qui odio
habet peccatum merè ob ejus turpitudinem & dis-
convenientiam cum naturâ , sine ullo ad Deum offen-
sum respectu. Continetur in propositione 7.
si enim , ut ibi docet Jansenius , omnis actio ,
quæ non est charitas , quâ Deus gratis &
propter se diligitur sit amor mundi vitiosus :
ab Apostolo vetitus , & ipsa ratio peccati
& culpabilis cupiditas , necesse est eum re-
verâ peccare , qui odio habet peccatum me-
rè ob ejus turpitudinem & inconvenientiam
cum naturâ sine ullo ad Deum offensum re-
spectu , quia sic elicit actum aliquem pec-
caminosum , sive qui non sit charitas , quâ
Deus gratis & propter se diligitur.

Prop. 10. Intentio , quâ quis detestatur ma-
lum & prosequitur bonum merè ut caelestem obti-
neat gloriam non est recta , nec Deo p'acens.

Etiam hæc continetur in iis quæ Janse-
nius docet lib. 3. de statu naturæ lapsæ cap.
19. col. 517. verbis suprâ citatis. Nam inten-

tio, quâ quis detestatur malum & prosequitur bonum merè ut cælestem obtineat gloriam non est charitas, quâ Deus gratis & propter se diligitur. Atqui omnis actio deliberata, quæ non est talis charitas est juxtà Jansenium *ibid. culpabilis cupiditas, ipsa ratio peccati, amor mundi vitiosus, & ab Apostolo vetitus. Ergo non est recta intentio nec Deo placens.*

Lib. 3. de Gratiâ Salv. cap. 9. specialiter de spe Christianâ agens, fusè docet amorem seu desiderium, quo Deum nobis cupimus, non esse rectum, sed cupiditatem vitiosam, nisi in Deum feratur tamquàm finem, non tantum *qui*, sed etiam *cui*, sive nisi Deo desideretur, propterea quod in se bonus est, & quia Deo bonum est, quod à nobis possideatur, non verò quia Deus à nobis per visionem & amorem possessus est nobis unicè optabilis & bonus. *Concupiscentia verò respectu Dei, inquit Jansenius capite citato col. 525. amor vitiosus est..... quæ causa est cur tam sollicitè semper commendet Augustinus ut Deus diligatur gratis nullo promanantis inde in nos commodi, aut mercedis, aut voluptatis consideratione, atque reversione, licet commodum & merces aliud non sit quàm Deus ipse per visionem, & amorem possessus.*
Un-

Undè col. 526. docet eos injurios esse spei Christianæ , qui eam à charitate distinguunt. Hinc jam perspicuè constare arbitror , inquit , non mediocriter eos falli , qui spem Christianam tantopere deprimunt , ut eam subtrahant charitati , quasi ille , qui diligit charitate , hoc ipso quo desiderat & sperat præsentiam dilecti sui , ab unico & vero objecto suo in se ipsum resiliret (tamquam in finem cui ut apertè atque luculentissimè se explicat , idem sæpius repetens eodem capite) & quodam sinceritatis adulterio puritatem divinæ , & gratuita charitatis in concupiscentiæ amorem , aut in mercenariæ cupiditatis feditatem verteret.

Prop. II. damnata : omne quod non est ex fide Christianâ supernaturali quæ per dilectionem operatur , peccatum est. Jansenius lib. 4. de statu naturæ lapsæ in titulo cap. 3. Sola absentia fidei sufficit , ut omnia opera infidelium vera peccata sint. In ipso capite sub initium : quamvis verissimum sit quandocumque infideles aliquid boni videntur agere , semper adesse finem malum , de ultimo actionis fine loquendo (quia referunt ad creaturam) hoc tamen unicum Augustino sufficit ut omnia ipsorum opera peccata sint , quod negativè non referuntur neque referri possint ad illum , ad quem omnis actio creatura rationalis referri debet. hoc ipso quo-

non est finis ille debitus , qui est verus Deus , & fide per dilectionem operante intentionemque finis dirigente proponi debet , opus esse malum.

Nullam dari apud Jansenium dilectionem Dei nisi supernaturalem , constat ex libro ejus primo de statu naturæ puræ cap. x. cuius hic est titulus. *Refellitur responsio , quâ putari posset justitiam , &c. diligere posse dilectione naturali.* In ipso capite col. 727. *sine illo spiritu gratiæ , qui justitiam diligere facit non potest aliud in animo dominari nisi dilectio peccati , quod illi justitiæ tamquam injustitiæ directè adversatur.* Ibid dicit , sententiam , quæ dividit amorem justitiæ in naturalem & supernaturalem esse Pelagianam. *Distinctio , inquit , duplicis dilectionis justitiæ , quarum altera sit naturalis , altera supernaturalis ab Augustini , &c. principiis aliena est , quâ sanè gravior Pelagianis dari nequit ;* Cumque ut jam ostensum est , omnis amor , qui non est amor justitiæ , Jansenio peccatum sit , sequitur juxtà hunc autorem , omne quod non est ex fide , quæ per dilectionem operatur , esse peccatum. Plura ex Jansenio dat Hilarius à S. Sepulchro in reflexione ad propositionem II.

Prop. 12. *Quando in magnis peccatoribus deficit omnis amor , deficit etiam fides , & etiam si videantur credere , non est fides Divina , sed humana.*

Jans.

Janf. l. 5. de Gratia Christi cap. 7. Col. 516. *Talis igitur amor Dei , nisi voluntatem hominis ad credendum flectat , non erit fides Christiana , sed vel damorum ex pœnarum timore , vel carnalis ex mundi amore , quarum neutra est fides , ex quâ fideles nuncupamur.*

Neque Jansenio ad fidem Divinam sufficit qualiscumque amor Dei , ut intelligi possit amor concupiscentiæ , vel alius latè dictus , ut ceteræ virtutes , quandoque generali charitatis nomine intelliguntur , sed requiri amorem benevolum , & strictè dictum , licèt non super omnia. Sic enim immediate antè , amorem ad fidem requisitum explicat : *Augustinus igitur charitatem accipere plerumque solet pro dilectione , quâ verè , sincerè , gratis ex animo propter seipsum , nullius creaturæ , sed ipsius solius intuitu diligitur Deus , sive ad illam pertingat perfectionem , ut super omnia creata diligatur , sive in simpliciore , & inferiori hereat ; nam talis amor , quantumcumque remissus , exilis ac tenuis , est verissimus , & castissimus fructus charitatis Dei , sive dilectionis amicitiae , nulla concupiscentiæ ad se reflexæ perversitate distortus.* Tum subjungit verba superius citata : *Talis igitur amor Dei , &c.*

Prop. 13. *Quisquis etiam æternæ mercedis intuitu Deo famulatur , charitate si caruerit , vitio*

non caret , quoties intuitu licet beatitudinis operatur.

Janf. 1. 3. de statu naturæ lapsæ cap. 1. Col. 517. Hac ergo ratio à priori est, quam tanquam immobilem , & ex æternâ lege pendentem Augustinus tradit , cur nullum detur medium inter charitatem , atque culpabilem cupiditatem. Charitatem hanc ibidem explicat ita ut sit amor , quo Deus gratis , & propter se , sive super omnia , sive nondum super omnia diligitur. Atqui qui ex culpabili cupiditate Deo famulatur non caret vitio , ergo juxta Janfenium quisquis etiam æternæ mercedis intuitu Deo famulatur , charitate si caruerit , vitio non caret. Habet enim culpabilem cupiditatem. Similia habet plurima , ex quibus aliqua ad superiores propositiones notavimus.

Prop. 14. Timor gehennæ non est supernaturalis. Janfenius l. 5. de Gratia Christi cap. 24 , cujus titulus est : Occurritur objectioni : & ostenditur eandem esse rationem de quolibet timore pœnarum etiam gehennæ. Nasçitur ex amore creaturæ , & sui in corpore : Col. 555. Vides hic generaliter ad timendum pœnam , quam comminantur leges Dei , fidem esse necessariam ; quo tamen non obstante cum semper doceat S. Augustinus timorem non ex gratia , sed legi cognitione proficisci , perspicuum est nihil obesse , quo

quo minus timor gehennæ ex lege, seu naturæ viribus nasci dicatur.

Prop. 15. Attritio, quæ gehennæ, & pœnarum metu concipitur sine dilectione benevolentia Dei propter se, non est bonus motus, ac supernaturalis.

Jans. l. 5. de Gratia Christi cap. 26. cujus hic est titulus: Ubertius ostenditur ex Augustino timorem pœnæ, & opus ex isto timore factum, non esse ex Gratiâ Christi, sed naturæ viribus suppositâ fide. Quomodo autem sit bonus motus cum juxta Jansenium, l. 3. de statu naturæ lapsæ cap. 15. Col. 517. Nullum detur medium inter charitatem, atque culpabilem cupiditatem? Cum attritio illa non sit charitas, sequitur apud Jansenium esse culpabilem cupiditatem.

Dicit quidem idem Author eodem l. cap. 21. Timorem gehennæ secundum se consideratum esse licitum, bonum & rectum. Verum cum virtutes à vitiis, non officiis, sed finibus distinguantur, Attritio prædicta est peccatum, quia sistit in fine vitioso, seu cupiditate: adeoque juxta Jansenium simul consistit timorem secundum se esse bonum, & tamen non esse bonam attritionem sistentem in motivo timoris.

Sunt etiam ex propositionibus reliquis non nul-

nullæ , quæ Jansenio non admodum temerè tribuuntur. Quando enim Jansenius doctrinam aliquam existimabat clarè fundatam à se reperiri in Augustino , non patiebatur se ab hoc sensu divelli propter Bullam Pontificis , ut ab Iprensi Antistite hanc suam Macarius Havermans propositionem inter damnatas trigessimam primam didicisse videatur : *Ubi quis invenerit doctrinam in Augustino clarè fundatam , illam absolutè potest tenere & docere , non respiciendo ad ullam Pontificis Bullam.*

Notum est illud Jansenii Augustinum Pontificibus oppositoris hæreo fateor. Imo Pontificum contra Baium Constitutiones , diabolicâ fraude comparatas suprâ scribentem exhibui : quam mentem nisi in articulo mortis ubi testamentum condidit , mutaverit , non fuit tam perfecta ejus submissio , & reverentia erga S. Sedem , quàm testamenti verba præ se ferant.

Propositiones 16 . 17 , 18 , &c. quas Jansenistæ protruserunt , satis conformes sunt principiis Sancyrani Abbatis , colloquio Jansenii & Sancyrani , cui interfuisse se testatur D. de Razilly. Neque dubium videtur , quin liber de frequenti Communione collatis cum Jansenio Consiliis , sive ab Arnaldo , sive quod passim creditur , à Sancyrano sit compositus.

positus. Hic autem liber propositiones aliquot eodem Decreto confixas continet præter eas , quas in Jansenio citatis fideliter sententiis demonstravi.

C O N C L U S I O .

AD incutiendum cuilibet non præoccupato Jansenianorum dogmatum horrorem dixi abundè. Ad pertinaces in viam reducidos , satis me nunquam dicturum , haud inficior. Verùm hunc saltem fructum spero meæ operæ , ut quisquis Janseniano fascino nondum planè obcecatus præsentem tractatum legerit , Augustinum Ipreensem non confundat cum Hipponensi , sed dum ex Christianâ charitate Deum precatur ut defuncti Jansenii manibus benè sit , doctrinam ejus repetito sæpius anathemate à Pio V , Gregorio XIII , Urbano VIII , Innocentio X , Alexandro VII , & Alexandro VIII condemnatam cum universâ Christi Ecclesiâ detestetur. Si Episcopalis dignitas auctoritatem scriptis conciliet , at non ab Ecclesiâ toties hæresios condemnatis. Non privato Episcopo sed Petro , ejusque successoribus , & Ecclesiæ suæ Christus infallibilitatem promisit. Sententias suas Jansenius moriens subjectas esse


voluit Apostolica Sedi, ejus judicio seu approbatas retineri, seu condemnatas abdicari. Cur ubi *rescripta Româ venerunt* à tot Pontificibus, nondum *causa finitur*, ita volente ita jubente ipso Jansenio? Usquamne voluntatem hanc, quam testatus est esse ultimam, retractavit? Aut fortè tam perfrictæ frontis & impudentiæ stultissimæ esse pergent Pseudo-Augustiniani, ut solem meridie lucere pernegent, atque ullam Jansenii sententiam Apostolico esse fulmine perstrictam? Componuntur sententiæ sententiis, damnatorum dogmatum cum Jansenio volumine verba conferuntur, omnia ubique simillima sunt, omnia prorsus paria. Nihil est quod altera ab alteris se jungat, nisi Jansenizantium pervicacia, qui cum Domino Martino Henrico de Swaen Lovaniensi Doctore satis conspicati se à Jansenio non discrepare, ideò nolunt dicere anathema Jansenianæ Doctrinæ ne mox inferatur; ergo & tua Martine & tuorum gregalium eodem fulmine prostrata est. Pallium Thomisticum & Augustinianum Jansenio & ejus assecclis sæpius detractum est, neque plus eos potest à Pontificio anathemate præstare immunes, quàm S. Scriptura ubique ab hæreticis inclamata, eorum sententias à damnatione liberaverit. Si Augustinum illi religiosè

giosè colerent simul & Christi Vicarium venerarentur , aut saltem Ecclesiam Pontificis iudicio suffragantem , mallent Jansenio renuntiare , cumque credere hallucinatum , quàm tot Pontificum definitiones erroris arguere , seque certo excommunicationis vinculo irretire. Jansenismum non fuisse merum phantasma , sed in Janseniano volumine veram & realem existentiam habuisse & habere etiamnum , ostensum est luculentissimè. Hanc autem hæresim à Jansenii temporibus in hanc usque diem serie non interruptâ protractam & summi contentione defensam fuisse opusculis sequentibus ostendam , oti modò aliquid mihi & valetudinis cœlum impertiat.

PROTESTATIO AUTHORIS.

ADvertat Lector quæcumque ex Cranebergio hîc citata vel de eo scripta sunt, typis fuisse mandata antequam ab Inquisitione Romanâ prohibitus est Authoris illius libellus , cui titulus : *Fraus V. Articulorum* , &c. quod opusculum nunc prorsus abduco , & pro non citato haberi volo.

F I N I S.




IM-


Imprimatur

NICOLAUS DU BOIS
Libr. Cens.

Errata Typographica præcipua.

<i>Errata.</i>	<i>Corrige.</i>
Fol. 12. toto.	toti.
26. accedere.	accidere.
38. liberati.	libertati.
52. persupponat.	præsupponat.
54. dedecentia.	decentia.
63. Molinistice.	Molinistice.
71. pendere.	pandere.
75. asserta.	asserta.
79. ojus.	ejus.
87. quod.	quoad.
94. ex Augustino.	ex Augustino Jansenii.
98. appellatur.	appellantur.
113. j m.	jam.
122. coutextu.	contextu.
133. miserabilus.	miserabilius.
ibid. bllli	belli.
137. sentntiam.	sententiam.
142. jurameti.	juramenti.
154. Concilo.	Concilio.





5-5-2

2



